

ALOIS JIRÁSEK:

FILOSOFSKA HISTORIJA

PG

5038

J5

F4819

1921

KNIHOVNJA DOM A SWĚT
ZARJADUJE VLAD. ZMEŠKAL

I.

ALOIS JIRÁSEK:

FILOSOFSKA HISTORIJA

POWĚDAŇČKO


★

PŘELOŽIL JURIJ WIČAZ

★

W PRAZY 1921

Z NAKŁADOM KOŁA SERBSKICH SPISOWAĆEŁOW.



W ŠITKE PRAWA WUMĚNJENE.

★ PG

5038

J5 F4819

1921

ČIŠĆ „POLITIKI“ W PRAZY.

ALOIS JIRÁSEK.

Zawěšće je mało spisowaćelow, kotřiž buchu podobnje lubowani wot swojich krajanow kaž A. Jirásek, zawěšće je mało spisowaćelow, kiž bychu byli bóle znaći a česćowani we swojej wótcinje. Prašěš-li so jednoreho českeho čłowjeka, kotrych basnikow znaje, tu ěi wěšće na přenjom městnje budže mjenować Jiráska. A njeje to bjez přičiny, zo cyły česki narod, bjez rozděla strownow, tak lubuje najwjetšeho basnika swojich stawiznow. Z jeho romanow džě rěči duša ródneho kraja, woła hlós přjedownikow, kiž běchu jón maćeli ze swojej krewju, potom a sylzami namołwjejo potomnikow, zo bychu kruće zakitowali najswjećíše kubła po wótcach namřěte. W tom nastupanju nima swojeho runjeća mjez spisowaćelemi druhich literaturow. Snadž jenož H. Sienkiewicz, z kotrymž ma Jirásek někotryžkuli zhromadny rys, je podobnje wujadrił we swojich džělach dušu swojeho pólskeho luda. Za čas swětoweje wójny, kiž bě jedna z najbóle kritiskich dobow w stawiznach čěskosłowakskeho naroda, hdyž so jednaše pak wo wotrásenje třistalětneho rakuskoněmskeho nadknježstwa a dobyće swobody a njewotwisnosće, pak wo dalše njedostojne žiworjenje w zajimach narodneho njeprěćela — zkrótka wo byće abo njebyće naroda, tu stachu so jeho knihi wosebje drohe kóždemu Čechaj. Kaž před tři sta lětami po bělohorskej bitwje čěscy wuhnancy wučerjeni z wótného kraja tróšt a pokojenje

čerpachu z českobratrowskeje „Kraliskeje Biblije“ abo Komenskeho „Błudnišća swěta a raju wutroby“, tak stachu so w ćežkich hodžinach swětowego wichora Jiráskowe knihi wšemu českemu narodej ze žórłom tróšta a wutrajnosće.

A hdyž so českosłowakske narodne wójska rjadowachu na šěrokih dalokich runinach ruskich, tu stupi zawěsće před dušowne wóčko kóždeho jednotliwego legionarja stara husitska khrobłosć a zmužitosć tak krasnje předstajana w Jiráskowych romanach. A tuta zahorjenosć spožči jim mocy, zo přetrachu najwjetše přeciwnosće a strachi, běchu hotowi wšo položiť na wołtař wótciny njebojo so ani smjerće „přeradnika“. List generala Gajdy, wjednika českich legijow w Sibirskej, A. Jiráskej je z najlěpšim swědkowstwom, kak skutkowachu na wukrajne wójsko tute jeho džěla.

A doma w Čechach kóždy bjezdžak widžeše w Jirásku swojeho duchowneho wjednika w tutych ćežkich časach. Nalěto 1917 stupi so wón na čolo českich spisowaćelow, podpisawši jako přeni deklaraciju českich spisowaćelow, kotřiž napominachu českich posłancow, zo bychu raznje wustupowali za prawa naroda. Tež při wšěch wažnych manifestacijach so wobdžěli hač k wozjewjenju českosłowakskeje samostatnosće.

Alois Jirásek pokhadža z ludu. Narodži so 23. augusta 1851 jako syn pjekařskeho mištra w Hronovje pola Náchoda we wukhodnych Čechach na samych pruskich mjezach. L. 1867 přinđže na němski benediktinski gymnasij w Broumovje a pozdžišo na česki wyšši gymnasij do Kraloweje Hradea, wjetšeho měšta we wukhodnych Čechach, znateho derje z wójnje l. 1866. Tute město bywaše stajnje ze srjedžišćom wótcinskeho a literarneho hibanja w tamnej krajinje. Tež z młodeho studenta bu bórzy zahorjeny wótcinc a zahe spytowaše so tež we spisowanju. L. 1871 wustupi k přenjemu razej,

a to z basnju. Poda so potom do Prahi, hdžež studowaše filosofiju a při tom spyta wšě te hórkosće, kotrež su sudžene khudemu studentej, wotpokazanemu jenož na samopomoc. Wustudowawši bu pomjenowany za suplenta a pozdžišo za gymnasijsneho profesora najpriedy w zastarskom měšće Litomyšli, hdžež wosrjedz swojeje swójby je zbožownje žiwy štyrnaće lět. Potom bu powołany do Prahi za profesora, a 1909 woteńdze na wotpočink. Dołhi čas jeho basniskeho tworjenja so přetorhowaše z někotrymi pućowanjemi do Słowakskeje a Italskeje.

W Jiraskowem basniskem wuwieću móžemy wobkedžbować stajne stupanje. Bórzy pózna swoje prawe powołanje jako spisowař romanow a nowelow. Nawjazuje na džěla staršich čěskich spisowacelow a wosebje na pólskeho spisowarja romanow Kraszewského. Hižo jako młody student wustupi z romanom „Skalacy“, w kotremž nam předstaja burske pozběhnjenje přečiwo náchodskemu wjerchej Piccolomini w druhej položcy wósomnateho lětstotka. Tutón roman, hačrunjež khětro romantiscy zabarbjeny, přeradža wšudže hižo přichodneho realistu a tu widžimy hižo w jadrije hłowne rysy scěhowacych džělow a hłuboke sobučuće z potłóčowanym burskim ludom, wopisowanje pyšneho žiwjenja rokokoweho zemjanstwa, nimoměry barbity wobrazy z wojeřskeho žiwjenja starych časow. Tu stoji autor tež před problemom, kotryž jeho njeje nihdy přestał zajimać, před problemom zhromadneho hibanja w ludowych masach. Napřećo staršim spisowarjam romanow njedawa Jirásek hłowneje rôle jednotliwym postawam, jemu dže wo podrobne zapřimnjenje wobrazu cyłyje doby, džiwa na socialne a mysličkowe hibanja w ludowych masach, cyły narod bywa po něčim z hordžinu jeho romanow.

Do přěnjeho skutkowanja spadujetej hišće romanaj

„Na wójewódskem dworje“, hdžež nam předstaja náchodske zemjanstwo w dobje rokoka, a „Raj swěta“ z časa wienskeho kongresa 1815. Přebywanje w zastarskej Litomyšli z jeje měscanskimi tradicijemi da jemu nastork k spisaniu něšto powědańčkow z małego města, z kotrychž najbóle so lubja „Na starej pósce“, „Pola Ryčerjec“ a předewšim lubozna idyla „Filosofska historija“, kotruž tu podawam serbskemu čitařtwu.

Bórzy wšak wróca so Jirásek zaso do českeje minylosće. W romanomaj „Tčewska hranica“ a „W cuzych službach“ rysuje wótrje postawy českich drobných zemjanow z pjatnateho lětstotka, kotřiž zwuknywši w husitskich wójnach wójskemu rjemjesłu njerady so wróćachu do svojich poľburskich hrodow a twjerdžiznow a radšo jěchachu do Pólskej wojować přećiwo rjadu němskich ryčerjow, abo stupachu samo do službow němskich wjerchow a sebjewědomých tehdom městow. Dobje českého narodneho krala Jurija Poděbradskeho je wěnowana historiska idyla „Maryla“.

Najwuznamnišej romanaj z litomyšlskeho skutkowanja staj wšak „Wojowarjo za swobodu“ (Psohlavci z l. 1883—84) a „Skały“. Tutaj romanaj z hłubokosću začuwanja a wubjerneje komposiciju słušataj k najlěpšim jeho džělam. W přěnjom ma za předmjet tragediju njezbožowneho burskeho zběžka přećiwo hrabi Lamingerej kónc sydomnateho lětstotka w chodskej krajinje w zapadnych Čechach. Předmjet druheho je spadowanje českého luda po bělohorskej bitwje we wukhodnych Čechach.

Nětko přistupuje Jirásek k wobdžělanju we formje romanow cyłych stawizniskich wobčasow. Tu hižo njedosahuje jednory roman, basnik tworí cyłe romanowe cykle.

Rozumi so samo wot so, zo putaše jeho jako spisowarja historiskich romanow předewšim husitska doba

w přenjej počejcy pjatnateho lětstotka. Husitstwo njebě jenož z nabožinskim hibanjom, ně, bě tež narodne a socialne hibanje. Doniž běchu čescy Husiča přezjedni, wotražachu wšě najězdy němских křižnych wójskow, haj njesechu sławu a powěsć českeje khrobłosće daloko do susodnych krajow. Kóždy Serb znaje powěsće wo woblēhanju Budyšina, Kamjenca a druhich lužiskich městow přez Husitow, tola mjenje je znate, zo l. 1429, hdyž husitske wójska čahnychu přez Łužicu k Baltyskemu morju, zo tehdom we wokolinje Gubina w Delnjej Łužicy tež serbski burski lud so pozběhny, k Husitam so přizamkny a z nimi zhromadnje Gubin woblēhaše. Tutón čas je bjezdwnělnje z najslawnišej dobu českich stawiznow. Česki lud přiběraše w městach, hdžež běchu do tamneho časa sydlili němscy koloniséa. Hus kładže zakłady k pozdžišemu rozkćewu literatury. Česka řeč so rozšěrja, nic jenož znutřka mjezow krajow českeje króny, ale tež za hranicami, do Pólskeje, hdžež bu z wobkhadnej řeču pólskeho zemjanstwa, kaž pozdžišo francózšćina.

W trilogiji „Mjez zmohami“, kotruž tworja poddžěle „Dwoji dwór“, „Wohniwcowy syn“ a „Do třoch hłosow“, předstaja nam njewšědnje barbiće a putawje pohnute doby, kotřež překhadžachu husitskemu hibanju je přihotujo. Njeje tu jednotneho srjedzišća, jeničkeho hordžiny; zetkawamy so tu z najslawnišimi mužemi českich stawiznow, jako kral Wjacław IV., český reformator Jan Hus, mlody zemjan Jan Žižka a wokoło nich syły ludu wšěch stawow, tak zo je woprawdže cyły narod z hordžinu tutoho romana. „Přećiwo wšem“ je z pokračowanjom trilogije „Mjez zmohami“, wobrazujo žołmjenje a wjeřšk tutoho hibanja. Tu widžimy, kak český narod rozhorjeny nad spalenjom mištra J. Husa so pozběhny a so přima brónjow. Třeći tři-džělny cyklus z tutoho wobčasa českich stawiznow je

„Bratrowstwo“ (I. Bitwa pola Lučenca, II. Marja, III. Prošerjo). Tu so předstaja, kak zakitowachu zbytki husitskich wójskow pod wjednistwom Jiskry z Brandýsa „wuheřski Horni kraj“, nětčišu Słowaksku. Jako nje-stronski historik scěhuje Jirásek spadowanje husitskeho bratrowstwa, wot přěnich sławnych dobyćow nad ma-džarskim wjednikom Hunyadym a čahom na Budapest, kotrehož předměsta česki hejtman Pobera z Loma spali, hač k dospołnemu rozkładej demoralisowanych črjód-kow.

Nětko wobroća so Jirásek k druhej dobje, w kotrejš je so znova pokazala móc českeho naroda. Je to čas wobrodženja. Scěhwki bitwy na Bělej horje 1620 wu-čěrichu najlěpši džěl naroda do wukraja. Zemjanstwo a měšćanstwo so poněmčowaše čim dale čim bóle, tak zo tworješe jenož hišće burstwo jadro českeho naroda. Tola kónc 18. lětstotka nasta hibanje podobnje kaž tež pola nas a druhich Słowjanow, kotrež njeseše so k tomu, zo by so česka řeč a narodnosť wobkhowała, postanychu horliwi wótčincowje — budźićeljjo. A tutym mužam je Jirásek pomnik stajil w pječich wulkich zwjazkach romana „F. L. Věk“. Z wosudami F. L. Věka (po prawom Heka), khudeho studěnta a pozdžišeho překupca w Dobrušcy, městačku w narańšich Čechach, a jeho syna je Jirásek wumělsky zjednočil wopisanje cyłego žiwjenja Prahi a budźićelskich prócowanjow z kónca 18. a započatka 19. lětstotka. Kóžděho Serba budže wosebje tutón roman nimoměry putać, my džěn džens hišće njeismy dale postupili w našom narodnem a kulturnem a literarnem žiwjenju dyžli Čěša stojachu přěd sto lětami. W štyrizwjazkowej krónicy „Pola nas“ wopisuje rozwiće narodneho a kulturneho žiwjenja we swojom rodnem kraju w přěnjej połojcy minyłego lět-stotka. Je to po prawom pokračowanje „F. L. Věka“.

Hłowne wosoby tuteju romanow su rysowane po

woprawdźitosći a su do poslednjeho pismika wobswědčene přez historisku wěrnosć, kotraž wšak njeputa basnikowu wumělsku zlétnosć. Zwjazkaj „Z mojih dopomnjeńkow“, hdžež namakamy tež wjele autobiografiskeho žiwjoła, dopjelnjatej a dorysujetej dalše wuwice Jiráskoweje wužšeje domizny.

W romanje „Čemno“ (1913) je zapřimnjeny čas najwjetšeho poniženja a spadowanja českeje zemje a naroda, čas napřečiwnje reformacije, kotraž nastupi po bitwje na Bělej horje. Jirásek nima swój nadawk hišće za skónčeny. Je so rozsudził, zo napiše hišće wulki, zaso třidžělny roman z doby demokratiskeho českeho krala Jurija z Poděbrad. Dotal je wušoł přeni zwjazk „Husitski kral“.

Wot młodosće putaše Jiráska tež dziwadło, hačrunjež je zakładny rys jeho džěla episki. Jeho přenje drama „Wojnarka“ podawa konflikt maćerškeje lubosće we wutrobje žony z luda a je derje kresleny wobraz burskich wašnjow we wokolinje Litomyšle. Podawk ze samsnjeje krajiny předstaja skoro naturalistiske drama „Nan“, typ nahrabnika, kiž njecofa před ničim, ani před swojimi džěćimi.

Jeho druge dramata poprawom dopjelnjeja we wěstem zmysłu jeho romany. Tak so basnik zabywa w „Emigrantu“ z bolostnej napřečiwnosću problemow wótcinstwa a wěry. Dramatiski pendant k husitskim romanam je dramatiska trilogija „Jan Hus“, „Jan Žižka“, „Jan Roháč“, hdžež so předstaja nastaje, sława a spad husitstwa w dramatiskej krótkoće na wosudach hłownych postavow. Tež na našich přjedownikow njeje Jirásek zabył; nam je wěnowane drama „Gero“, kóždema znate z přeložka M. Andrickeho. Tu pokazuje, kak su sej naši přjedownicy swój tragiski wosud zawinyli z wulkeho džěla sami, ze swojej njepřezjednosću a zo so njezamóchu nówym poměram spěšnje dosć připodobnić.

K tradicijam ródneho kraja připinatej so alegoriskej hrě „Lataŕnja“ a „Knjez Jan“. Z nětčišeho žiwjenja čerpa maćiznu „Samota“, měřjaca přećiwo přepjatosci a narodnej liwkosci młodžiny, a luboznej komediji poľnej humora „Kolebka“ a „Rettigowa“ dopjelnjatej Jiráskowe dramatiske džělo.

Jirásek je pola Čechow založer historiskeho realistiskeho romana. Wjele jeho džělow je přeloženych do druhich słowjanskich řečow, do němčiny (Chodische Freiheitskämpfer — we Slaw. Romanbibliothek pola Otty w Prazy). Jeho drama „Nan“ je přenje česke drama přeložene do francózšćiny. My mamy w našej literaturje nimo mjenowaneho hižo „Gera“ jenož powědaňčko „Do Němcow“, přeložene přez Dr. M. Krječmarja w 2. lětniku pražskeho Čěskoserbskeho Wěstnika.

Z tutym přeložkom „Filosofskeje historije“ chcemy so tež my Serbja přizamknyć k wošlawje sydomdžesatych narodninow wulkeho basnika a Słowjana, kiž je tež našemu narodej w lubosci přikhileny. We wólbje přeložka myslu, zo sym był zbožowny. Njewabješe mje studenta jenož maćizna ze studentskeho žiwjenja, ale chcych tež pokazać swojim krajanam, kajke běchu narodne poměry w Čechach před 70 lětami. A kajke přeměňjenja su so stałe mjez tym? Džens je čěsko-słowakski narod swobodny a samostaľny. Čěrpajmy z toho přeswědčenje, zo z wutrajnym džělom wšěch tež našemu serbskemu narodej raz zaswita slóncu lěpšeho přichoda.

W Prazy, žnjeńc 1921.

Jurij Wićaz.

FILOSOFSKA HISTORIJA

Njewočakujće, zo was zawjedu do khlódneje zahrody Akademoweje, zo byće tam posłuchali na wučby bóžskeho Platona, ani do ćmoweho sćina młódnozeleneho lawrjenca, hdžež w ambrosiowej nocy hudźba njebjeskich wyšin by napjelnjała wašu mysl z radosćiwosću.

Njepóndžemy do tamnoho swěta, „hdžež Sokrates kóždemu wo sebi powěda, zo ničo njewě, hdžež Diogenes ze suda hladajo kóždeho, kiž dže nimo, hani, hdžež Timon na wšitkich swari, Demokritos wšemu tomu so směje, Herakleitos pak płáče, Epikur kwasuje a Anaxarchos praji, zo to wšitko ničo njeje“.

Przeze mnje njepóznajeće filosofow, „kiž znaju prawdu kóždeje wěcy, bjez kotrychž wědomja ani njebjó ničo nječini, ani hłubiny ničoho njekhowaju“, ale filosofow, kimž wólma kreŭ w młodych ćělach so žołmješe, kiž spěwachu, žedžachu a lubowachu, z kotrymiž holiča, hewak nic sej njewažo brodatych, wučenych filosofow, rady bjesadowachu, haj jich lubowachu.

Prjedy hač započnu powědać wo podeńdženjach tutejch filosofow, dowolu sej něšto mało přispomnić wo jich akademiji. Přemnohim to budže wědomje, tola młódši staw mi njezměje za zło, zo jich hnydom njewawjedu do samoho powědańčka.

Při starožitnem gymnasiu wo šesćich rjadownjach w Litomyšli zarjadowa kejžor Franc I. l. 1802 filosofiske studije, kotrež mějachu zwoprědka tři lětniki, kotrež pak l. 1842 so na dwaj wobmjězowašej. Tuta

wučerňa, stojaca pod wyšším dohladnistwom hradeckich biskopow, bě samostatny wustaw pod wosebitym direktorom, jako džěl wysokich šulow.

Z „filosofom“ móžeše być každy, kiž bě wotbył gymnasijske studije; potom wopytowaše w přenjom lěče přednoški w „logicy“, a bě-li derje wobstał pruhowanja, postupi do „fysiki“.

Kiž cheyše so wěnować prawniskim abo lékařskim studijam, abo zcyła někajke wyšše zastojnistwo zastawać, tón dyrbyeše so wupokazać z wuswědčenjom wo wotbytych filosofiskich studijach.

Tak so stawaše, zo starši ludžo, kotřiž hižo zastawachu někajke zastojnistwo, wróco přikhadžachu do filosofije. A tak sydachu pódlu wotrostłych młodźencow tež starši mužowje posłuchajo na přednoški wótcow piaristow.

Tehdom bywaše wjeselo na Židowskej hórcy, něhdy za časow Českich bratrow „Wolijowa hórka“ mjenowanej! W njedalokem renesančnem hrodze knježstwo z ličbnej družinu a služownistwom, w piaristckem kolegiju wjele rjadowych bratrow a klerikow, a hdyž by so rano na gymnasijskej wěžcy zazwoniło ze studentskim zwonom, mjeřwješe so koľ wokoło jenož tak ze studentami a poslušarjemi, kotrychž bywaše zapisanych w logicy samo tři sta, we fysicy pak něhdže sydomdžesat.

Tak swoju předrěč doprajiwši hižo zawěšk zběham.

I.

Běše to l. 1847 kónc měsaca jutrownika.

Nalěto tehdom bórzy a wjesele rozkcěwaše. Štomy njewulkeho parka wokoło litomyšlskeho hrodu mějachu hižo pupki a někotrežkuli kerki běchu so hižo wodžěle z cunjej drastu čerstwje zeleneho lisća. W jasnem, čistem powětru rysowachu so kruće wěži piaristskeje cyrkwe a hrodowske škity z mnohimi kulotwarami.

Puće běchu kaž huno a horbołata dlóžba dołheho torhojšća bě dospołnje wuskhnyła. Čopłe slónčne pruhi padachu na nowiše domy a na starše hišće z časow Čěskich bratrow a dobywachu so samo do podłubjow, kotrež so wjelbowachu po woběmaj stronomaj podłoj-teho torhojšća. Na tutom čopłem popołdnju knježeše pode wšěmi wjelbowanymi khódbami čile žiwjenje, najwjetše pola młodžiny, kotruž běštej swětło a čopłota noweho nalěća wuwabiłoj kaž brunčkow.

Směchi a harowanje džěci njewadžachu městskemu stražnikej Kmoničkej, kiž bě sej slódecy zdrěmnył wohrě-wajo so na kamjeńtnej ławcy před stolpom khódby. To bě hižo stary law, kiž radšo wotpočowaše, hač za popadom so honješe.

Wróćeše so něhdze z předměsta, hdzež bě pobyl něšto wozjewić, kaž wo tom swědčeše bubon přez ramjo powěšeny a hejcy zastorčenej do žolteju skhow-nicow na rjemjenju.

Kóždy znaješe hižo jeho slabu stronu, zo hdžež móže, so zeprěje wo murju abo sydnje so na ławku a podda so tu słódkim drěmotkam. Powědachu wo njom, zo ducy spi.

Kłobuk měješe do čola stłóčeny, hłowu na wutrobno skhilenu, a ze spody šěrych, tupje přitřihanych wusow, bě słyšeć strowe smorčenje měrneho spara.

Tute zwuki tež njewadźachu knježnje Elis, sedžacej w přenjom poskhodže při wotewrětem woknu nad Kmoničkom. Knježna Elis běše, bjez wušparanja prajene, stara holca, kotrejež dobroćiwej, blědže módrej woči běštej zawěsće pjećdzesatkróć widžaloj zemju w tej krasnej nalětnej pyše.

Plećeše nohajcu.

Njedžiwaše ani na čmowomódre njebjó, ani na stónčne pruhi, ani njezhadowaše na torhojšćo a tola njedžělaše tak kedžbliwje a zručnje jako hewak. Jeje rucy často padaštej do klina a woči zhladnyštej nutř do jstwy, k durjam, kiž džěchu do pódlanskeje jstwički, a zaso na časník z alabastrowymi stołpikami, stojacy na komódže, kotrejež mosazne rynčki a žołte blachowe debjenki so błýšćachu runja zlotu.

Wšo so jenož tak swěćeše we jstwě knježny Elis, nihdže ani próška, wšo bě rozestajene kaž so słuša, nihdže ani stopy najmjeńšeho njeporjadka. Stólcy a konopej pećeňnjeny ze sněhobělej cychu, běchu staromódne; zawěsće pomnjachu hišće časy, hdyž knježachu wopuše a włoseńcy; Za to pak bě kulowate blido, wodžěte z pisany m rubom, a zbytna domjaca nadoba hižo moderniša, zhotowjena po słódu doby z kónca republiki a z doby wulkeho kejžora.

Mały pokazowak bě hižo přez IV. a bližeše so na V.

Knježna Elis, połožiwši nohajcu a kłubašk na wokno, zestupi do srjedź jstwy a wosta stejo njedaloko duri, z wotkel bě słyšeć, zo tam něchtón rěči drje wotře,

tola njezrozumliwje. Skónčnje so rozsudžiwši, přibliži so mała, ľahodna knježna k durjam a zaklepa.

Zrazom přesta so řečec a do duri stupi młodženc srjedžneje postawy.

„Knjez Vavřena, što pak tu dželaće? Je hižo dawno po štyrjoch. Što pak rjeknu pola knjeza aktuara?“

„Maće prawje,“ knježna, wotmołwi młodženc w durjach a jeho poľne, čerstwe wobličo so wusměwaše.

„Mam z nim křiž! Tak je so do powědanja zakusnył a do swojeje myslički zalubował.“

„Do kajkeje?“

„A — same tajne plany a rebelije, džiwam so, zo hišće njeje Litomyšľ zrozťřřaľ.

„Ale knjez Fryborto, tajkele řečě!“

„Hižo du, knježna Elis!“ a za Frybortom zjewi so jeho towařš, filosof knjez Vavřena, młodženc wysokeje, šwižneje postawy a wurazneho wobliča. Kľobuk hižo měješe w rucy.

„Njewěm, njewěm, knježe Vavřena, što wam tak ħłowu mući, zo sće na hodžinu zabyľ. Hewak bywaće z dypkom.“

Vavřena so wusmjã.

„Wšak to zas wurunam.“

„Khwataj, khwataj. Knježna Lotty je džensa lubozna. Sym ju widzał při woknje. Ta swěťľa drasta a růžowe banty we włosach so ji tak rjenje hodžachu!“

„Fryborto, njewjem, što by tomu Mařka prajiľa, zo tak ħladaš za swěťľej drastu a růžowymi bantami.“

„Wšak to knježna na mnje njepraji, njei' wěrnó?“ Frybort so wjesele na knježnu Elis wusměwaše.

Vavřena woteńdže.

Elis, pola kotrejež běšťej Vavřena a Frybort na podružstwje, sydže so zaso na stółčk k woknu a da so zaso pilnje do plećenja. Frybort hišće stojěše při durjach swojeje jstwički.

„Njebě Zelenka popołdnju doma?“

„Njebě,“ wotmołwi knježna. Stajnje khodži wbohušk po tych hodžinach. Tón něšto spyta, doniž njedostuduje. Prošeše mje, zo bych jemu zwariła sadowu muku. W kuchini ma taler sušenkow a jabłukowych plackow. Hdže jenož tón čłowjek mocy nabjerje.“

„A potom džěła wjacy, hač je trjeba — “

Knježna wotwobroćiwszy so wot džěła pohladny na studenta a so wusmja.

„Wam wuknjenje bóle tyje hač jemu; ale — hižo dawno sym so chcyła woprašec, sće na knjeza Špinu kedžbu měl?“

„Njejsym ničeho widzał.“

„To so džiwam, mějće jenož kedžbu. Wot něšto časa je zamysleny, řeči mało.“

„To drje tohodla, zo so bliži čas, hdyž póndže do klóštra.“

„Ně, tohodla nic. Njecha tam, wěm, ale to je něšto hłubšeho. Wěrcě mi, zo je so zalubował.“

„Špina — haha — Špina zalubowany!“ a njemóžeše so ani dosmjec. Tón wutrobny směch wuluda tež posměwk na rty knježny Elis.

„To bych joh' chcył rad widžec, kak so k swojej rjanoliněy khila a ju koši!“

„Wy sće złomyslny.“

„O, nikak. Špina je dobra duša, dušny čłowjek; ale hdybych wědzał něšto wěsteho, bych so jom' do woči wusmjał — “

„Božedla, njeprajće jom' nič!“

„Hdže je šoł?“

„Knihu je sej wzał a je prajił, zo dže studować. Skoržeše, zo ma žalostnje wjele wuknyć.“

„To so wě, hdyž je zalubowany.“

„A wy nihdy njeskoržiće!“

„Što bych skoržił! Lubosć je słódke brěmjo a člo-

wjek by sej přať, zo by tute brěmjo hišće ćežče było a studium — do kónca lěta je hišće něšto měsacow. Ale knježna Elis — “ a tu přestawši we swojom lohkem, wjesoľem tónu, zahlada so na komódu, hdžež wisaše na scěnje kulowaty wolijowy wobraz njewulkih rozměrow.

Na wusmahłej émowej pódže bě widzieć podobiznu młodeho duchowneho. Tutón wobraz, kotryž by kóždy dzeń widźať, njewubudźi kedźbnośće Fryborta, ale ćeňki poľwěnc z mochu a papjerjanych kwětkow, kotryž wobrubješe złoty wobľuk nad hłowu młodeho duchowneho.

„Tón wěnc tu hewak njebywaše“, a prašawje so wobhladny po knježnje, kotraž tu zamyslena sedžeše rucy do klina poľožiwši.

Zwoprědka, hdyž Frybort tak so dźiwajo njejabcy na wobraz bě pohladnyť, přeľeća přez jeje zwjadľe wobľicho něšto kaž lohki scín čerwjenje a jeje woči so na wokomik zľožiwši.

„Džensa je swjateho Jurija, a wón so mjenowaše Jurij — “

Šibaľski wusměw so zhubi ze rtow wjesoľeho filosofa. Do jstwy zastupi bľědy, suchi mľodženc, kiž z khwatkom postrowiwši khwataše do pódľanskeje jstwy, hdžež bydleše zhromadnje z Vavřenu, Frybortom a Špinu.

„Što pak tak khwataš, Zelenka?“ Wopraša so jeho Frybort. Knihu sym sej zabyť, a za wokomik budže pjeć. Dyrbju do hodžiny, a hižo bě we jstwičcy.

„Wbohi domjacy wučer!“ pozdychny Frybort a kaž by jeho z tym něchtó namoľwiť, rjekny knježnje :

„Mam tež džěľ.“ Woteńdže za Zelenku, kiž žadanu knihu namakawši hižo zaso z domu khwataše, zo by mľodemu šulerjej šulske pensum do hľowy stykať.

Frybort sydnywši so za blido, na kotremž ležachu wšelake knihy a zešiwki w khětre mjeporjadku, namoči trosku a poča na čisto listno pisać.

„Towařšowje! začorni so na papjerje z wulkim pismikom.

We jstwě nasta ćišina.

Knježna Elis pozběhnywši skłonjenu hłowu, da so dale do plecěnja, tola sćin zamyslenosće so ji njezhubi z čola a lica.

Tu dyri někajke hólčisko na bubon stareho Kmo-nička, kiž wubudženy z drěmoty stany a z khabłatej kročelu stupaše ze swojeje wuprawy na radnicu a hłowu měješe poť spicy hišće nakhilenu.

* * *

Mjez tym khwataše Vavřena „do hodžiny“.

Přeńdže podľubje a Židowsku hórku, wokoło hrodu, gymnasiya a piaristskeho kolegija; skónčnje zastupi do ćmoweho domu zastarskeje twarby. Nad wrotami tutoho knježskeho domu pinachu so jelenjace rohizna, pod nimi bě namolowane „Bože wóčko“ z doľhimi, žołtymi promjenjemi.

Po ćmowych skhodach wustupi do přěnjeho poskho-da, hdzež při jednych durjach wosta stejo a zaklepa. Nutřka bě ćicho, nichtón njewotmoľwješe.

Zastupi.

Jeho přikhad njemało překwapi młode holičo, kotrež, jako bě zasłyšało, zo so durje wotwěraju, ze stólčka stany a spěšnje něšto skhowa pod sukno na drastu, na blidže ležace. Bě něšto drugeho činiło, město zo by šila. Čerstwe jeje wobličo so žiwje začerwjeni, a hdyž bě zasłyšała Vavřenowy hłós, hakle wobroći swojej shkilenej woći k durjam a rjekny z lubym, přijomnym hłosom:

„A, to sće wy, knjez Vavřena? To sym so stróžiła!“ doda wutrobnje.

„Fryc njeje doma, knježna?“

„Haj, wšak, z tym překwapjenjom sym zabyła.

Z ćetu a Lotty je wotešoł. Ćeta prosy, zo byšće khwilku wočaknył, zo přińdu bórzy.

„Lubjerad, a z hłosu a wobliča bě widžeć, zo woprawdže rady čaka.“

„Prošu?“ a pokaza ke jstwě, hdžež hewak Frycka wučese.

„Njebych wam tu wadził na khwilku?“

Holičo so znowa začěrwjeni, pokaza z posměwkom na stółčk, na kotryž so Vavřena posydney.

Leńka bě we wuzkosćach. Zkhwatkom so pušći do džěla, kaž by cheyla wšo dohonić. Při tom — štó wě, kak je so to stało, pytaše-li johłu abo nožicy — posuny sukno na drastu tak, zo so jej kus k zemi zwjeze. Zdobom bě słyšeć ropot, kaž by něšto ćežšeho z blida spadło.

Leńka so hnydom skhili, ale prjedy hač po wonej wěcy přimny, bě tu hižo Vavřena, kiž bě so spěšnje skhilił, zo by Leńcy tu službu wopokazał.

Jeju rucy so zetkaštej a Vavřena začu na swojom spanju dótknjeje kaž somot hladkeho, ćopłego wobliča.

A zaso bě holičo čěrwjene kaž mak.

Knižka so rozewrě. „Směm na titul pohladać?“ Leńka mjelčeše hladajo na filosofa ze swojimaj rjany-maj, jasnymaj wočomaj. Tón dzeržeše w rukomaj nje-přetołstu knižku małeje wósmorki a čitaše wotře nadpis:

ALMANACH ABO NOWOLĚTNIK 1823.

Potom pušći bjedźak listy z palcom zadđeržane, hladaše na mihotace so stronki, na rjadki w prózy a basnje, a skóněnje wostaštej jeho woči zaso na wobliču młodeho holiča.

„Wodajće mi, prošu, zo sym was prjedy ze swojim myslenjom zranił. Widžach, zo něšto khowaće a přińdže mi na mysl — zo bych wěrnosć rěčał — zo je to nějaki lisćik —“

„Wot koho pak?“ a Leńka so směješe, zo so wšě jeje běle, strowe zubki pokazowachu.

„Njebych so džiwał! wotmołwi tohorunja wjesele młody filosof. Tola českeje knihi njeběch so nadzał. To mje překwapuje. Hdybych tu khodzil wot jedneje knježnički k druhej, myslu, zo njebych pola žadneje namakał českeje knihi. Njejsym wědzał, zo sće wótčinka. „Njej’ wěrnó, sće? a podawaše ji prawicu.

„Sym! a Vavřena stłóči jeje mjehku, ćopłu ručku, kotraž z lohka zadyrkota.

„Směm wědzeć, što je wam tón almanach požčil?“

„Ja jich mam wjac. Sće tónle čitał?“

„Wy mje zahańbujete. Njejsym — “

„Tak sej jón wzmiće, je-li lubo. Čitam jón k třěćemu razej. We swojej lódecy mam hišće druhich a hdy byšće sej prał, wšě wam poču. Ale wotrunać so mi dyrbiće.“ Sydže so.

„Z radosću přinjesu, štož mam. Tola njeje toho wjele.“

„Ale prošu, zo to njeby widžala ani ćeta, ani Lotty. Nětko rozumiće, čehodla sym tu knižku tak spěšnje khowala, hdyž sym slyšala, zo něchtón dze. Ćeta njerady widži, čitam-li a wosebje čěskim kniham so směje. Njehańbuj so za swoje přesvědčenie, ale dokelž so napřećo ćeće njemóžu wobarać, kaž bych chcyła a kaž by trjeba bylo, tohodla radšo mjelču a hladam, zo bych se zminyla kóždeje přiležnosće.“

„Wutrajće Leńka, to je za dobrou věc.

O, kak so wjeselu, zo sym was džensa póznał! Wěćeće mi, zo je mi wuzko a do hněwa, hdyž widžu, zo so naše knježnički staraju jeničcy wo bantki a pyšenki, hdyž slyšu, kak z cuzej řeču wo podobnych wěckach řeča, a ze žarliwej, maličkostnej kritiku jedna wo druhej so wupraja z hołymi frazami nawučeny mi z cuzych knihow. Lubosć k wótčinje, čitanje čěskich

knihow a česka řeč njeje móda, njeje nóbl, a tohodla wšitko to nimaju zańč, haj wusměšeja to! Maju pječa cunju, čućiwu žónsku wutrobu, tola hłubokim, bolostnym ranam, stalětnej bědže a njezbožu swojeho naroda je njepřístupna a zatwěrdła.

Leńka sedžeše ani so njehibajo, lědma dychajo.

Z blyščatymaj wóčkomaj hladaše na filosofowe wobličo a jeho rty, a kóždy jeho słowo z tajkej zahorjenosću wuprajene ryješe so do jeje horjaceje, pohnuteje wutroby. Z hłuboka zdychny a na čěrwjeń ličkomaj so zjewi zbožowny wusměw a we wóčkomaj — sylzy.

„Džakuju so wam“, rjekny po khwilcy z pohnutym, čichim hłosom. To bě mi z wokřewjenjom a z tróštom. O, hižo dawno njejsym słyšala podobnych słowow! Tak by řečał mój njeboh wuj.“

„Tón bě z waším wučerjom?“

„Te knihi sym po njom namřěła.“

„Byšće mi powědała wo tutom nadobnem muži?“

„Powěm, ale —“

Na khódbje běchu hłosy słyšeć. Leńka torhny ze sobu a přejěwši z ruku swoje čěrwjene wobličo, da so hnydom do džěła.

„Ćeta —“

„Hnydom na to so wotewřechu durje a knjeni aktuarowa zastupi z knježnu Lotty a z małym Fryckom.

„Ach schau Lotty, knjez Vavřena hišće čaka. To smy was wobćežowali, aber es ist so schön draußen —“ řečeše spěšnje a žiwje, tak zo filosof pokłoniwši so z česćownosću njenaby časa, zo by wotmołwił.

Damy wostachu we jstwě, wón pak woteńdže z pachołom do jstwicy, hdžež běchu na blidže hižo knihi a papjery přihotowane.

Knjeni Roubinkowa bě statna dama wysokeje postawy a čerstweho dotal wobliča. Čorne, starostliwje sčesane włosy so jej blyščachu kaž Lótcy, kiž bě

maćeri kaž z wóčka wupadła. W měsće ličachu aktua-
rowu džowčičku k najrjeńšim a z prawom. Ze šwižnym
zróstom, pěknym wobličom a ćmowym wóčkom pře-
trjechi druhe, a holiča same njemóžachu přec, zo ma
dobry slód, a rjenje so wobleka. Mać njelutowaše wu-
dawkow, zo by jeje džowka z najnowišej módu stała
nad druhimi.

Knjez Roubinek bě nućeny ke wšemu „haj“ prajić,
hač chcyše abo nie, hačrunjež hewak kóždy grós
dwójcy wobroći, prjedy hač jón wuda.

Mjez tym zo so mać z džowku rozhotowaštej, naby
Leńka zaso telko měra, zo so jej zhubichu z wobliča
wšě stopy njeměra a pohnuća. Šiješe pilnje a wotmoł-
wješe kaž hewak na prašenja swojeje ćety. Znutřka
wšak njebě ćicho a měr. Młoda jeje wutroba bě dawno
hižo přikhilena tutomu młodemu mužej, kiž bě mjeze
wšěmi filosofami widžany. Rady jeho widžeše, hdyž
přikhadžeše Frycka wučić, wjeseleše so, když sklad-
nostnje něšto słowičkow z nim porěča. Mysleše sej, zo
so jej tak lubi jeho čista, jadriwa čěšćina, kajkejež
nihdy njebě słyšała khiba pola njeboh wuja. Bě zwukła
wo njom słyšeć wot ćety a Lótki same khwalby a rady
posłuchaše na jeju rozmołwu, tola sej njezwěri něšto
wo tom młodem muži přispomnić.

Nětko bě jeje wutroba překwapjena. Nihdy njeby
so toho nadžala, zo je tajkeho zmyslenja, zo jej rozumi
a nad njej so wjeseli. Swoje najhorcyše čuća a myslički
bě dyrbjala do nětko tajić; smějachu so jej jich dla,
ale wón je ji ruku podal a rjekł: „O, kak so wjeselu,
zo sym was džensa póznał!“

Hewak by zhlowała ze spodobanjom na toho rja-
neho studenta, kiž so Lótcy a druhim lubješe; a džensa
stoješe tu tón młodženc, kiž měješe hewak holičow
mało kedžbu, před njej zahorjeny, horliwy a jeho wu-
razne wobličo so blyšćeše.

Hdyby jeho tak Lotty abo druge holičo widžala a horcu jeho řeč slyšala, njech by tež tak wótčincej nječuła jako Leńka, by drje zčežka swoju wutrobu měrnu wobkhowala, lědma by so před nim zawrěła.

Štož pak hakle Leńka, tuta Popjelka w domje knjeza aktuara, kotruž měješe małošćo kedžbu a kotrejež sej nichtón njewažeše! Staršej běštej ji bórzy zemrěloj a wo syrotu so staraše wuj, farań w zastorčenej hórskéj wjesy. Bě starši bratr Leńčineje maćerje a jedyn z tamnych wótčincow, kotřiž w tehdomnišich tak zrudnych časach, hdyž skoro nichtón sej njebě wědomy swojeje narodnosće, číše drje, ale spomóžnje skutkowachu k lěpšemu swójeho luda.

Leńka bě wukubłanka tajkeho wótčinskeho duchowneho. Hdyž bě jeje zastaraćel a dobroćel woči zańdželi, zawostajiwši jej nimo swojeje knihownje, z kotrejež česke knihi jako pokład w swojej lódcy khowaše, jenož snadne zamóženje, přiwza ju do swojeje swójbny knjez aktuar Roubinek, bratr njeboh fararja a Leńčineje maćerje. Tak bě hižo lěto žiwa w domje swójeho druhého wuja a bě z towaršnicu a pomocnicu knježny Lótki, lubuška knjenje aktuaroweje.

Hodžina so miny a Vavřena, wotbywši wuwučowanje, wróci so do přenjeje jstwy přihotowany woteńć. Ale knjeni aktuarowa jeho jenož tak njepušći. Rady z nim bjesdaowaše a tež džensa započa rozmołwu ze swójim měšanym wašnjom.

Bórzy rjekny něšto česki a zasy porjeńši swoje słowa z němskim dodawkom abo wuswětlenjom.

Prašeše so domjaceho wučerja, hač je tež toho krasného dnja wužił, powědaše jemu, hdže bě so z Lótku překhodžowała, kak rjenje je w parku. Njezaby tež přispomnić, kajki začišć bě wša ta krasnosť na džowku sćiniła: „Sie war hin vor Bewunderung!“ doda.

„Ale što, to je hakle jutrownik! Kajka hakle budže meja,“ přida Lótka.

Vavřena ze sobu torhny.

„Njewěm, što je tym knjezam do hlowy stupiło! Přenjeje meje! Kajka to bywaše radosć! Diese Majales!“

„A njebudža lětsa zaso, knjez Vavřena? woprašaj so Lotty.

„Kak bychy byle! Hdyž njesmědžachu loni być, lětsa jich zaso njedowola,“ wotmołwi mać.

„Ale snadź tola budža!“ rjekny filosof z wěstosću.

„Ach!“ zdychny Lotty zbožownje, hladajo z prašenjom na młodeho filosofa.

„To by tež měło być! Wote všeho spočatka, zo tu filosofija bě, běchu kóždeho lěta. Es ist ihr Vorrecht!“

„Ach, hdy bychy byle!“ wospjetowa džowčička a zahlada so soniwje do prózdna ze swojimaj šěroko wotewrěnymaj wóčkomaj, kaž by tam widžala wšě radosće tuteje studentskeje swjatočnosće.

„Dajće sej prócu, knjez Vavřena, zo bychy so majales knjezam filosofam dowoliše!“

„Tež na to myslu, miłosćiwa knjeni“ — a wusmja so.

Hdyž so potom rozžohnowaše, płáčeše jeho poslední pohlad pilnej Leńcy. Wona to derje pytny a wutroba jej wjesele zapukota.

„Ach, nětko so dopominam, mama, štož je mi džens rano listownych Mina wo knjezu Vavřenu prajiła“, zawoła žiwje Lotty.

„Što pak?“

„Zo by pječa knjez Vavřena rjany a pěkný pachol był, zo, hdy by tak stolz njebył, so könntest du ihn ausstehen“ —

„O, to je zawisć a Eifersucht.“

A mać pohladny wuznamnje na džowku.

II.

Frybort pisaše, šmóraše, porjedžeše, přemysleše a znova pisaše. Bě so tak ponórił do swojeho džěła, zo njesłyšeše ani hołka ani šuma, kiž so dobywaše z wotewrěnym woknom z podłubjow a torhojšća do jeho jstwički. Ta jstwa bě prawe studentske wobydlenje, njewulka, bjez debjenkow a z pěknej domjacej nadobu. Štyri łoža a čorna lódka při kóždym stojaca, zaběrachu najwjacy městna. Nimo toho tu běštej wjetšej blidže, a mjeńše, za kotrymž Frybort pisaše a zady při scěnje polcy na knihi. Na scěnje wisaštej w brunych ramach kolorowanej mjedzoryčiny po francózkimaj originalomaj, mjez nimaj kitara na zelenem bantu.

Runje bě sej Frybort číše přečitał swój hižo na čisto přepisany wudžělk, hdyž bě w přenjej jstwě słyšeć měrny hlós knježny Elis, kotrejž duty bas wotmołwješe.

Frybort zložil listno, skhowa je spěšnje do swojeho blidka; zastupi młody muž, dołheje, trochu horbateje postawy. Ta njerunosć njebě přinarodženy brach, ale scěhwk stajneho shorbnjeného sydanja a njeruneho khodženje.

„Ach, witam će, Špina, hdže pak stajnje tčiš?“

„W parku sym był,“ a posadzi so na lódku. Wućeže potom z wulkeho blida kus khlěba a poča z wulkim požadom do njeho kusać.

Frybort hladaše mjelčo na swojeho towarša. kiž lědma zo bě trochu pojědl, hižo zaso za knihu hrabaše a do pilneho čitanja sa ponóri. Jeho wobličo bě na bruń barby, čolo nizke, nós njerjany a předewšim jemu so njehodžachu wulke, njerune zuby z kotrychž dwaj přědnjej běštej skoro z huby widžec.

„Špina!“ započa po khwiley Hanak.

„Studuju,“ wotby jeho rozmjerzanje towarš, ale

njetraješe to ani pjeć minutow, a hižo lećeše kniha do kuta a student wuskoči.

„K čertej ze wšej filosofiju!“

„Što so rokočiš?“

„A štó by so smjał? Drěju so kaž kón a dóstanu skónčnje tu někajku „primu“ a na wšón kónce — dyrbyu tola do klóštra! Ja tón frater njebudu, ně a ně!“ a rozhorjeny přeńdže něštokróc tu njewulku rumnosć.

„Što pak je ći zrazom do hłowu zalězło? Pój ke mni, pachole, pój, tu so stup.“

„Daj mi być!“

„Njećeknješ mi — přiznaj so, ty sy zalubowany!“ Brune lico njenazhoniteho, prostodušneho filosofa so zabarbi do čemna. Bě we wuzkosćach.

„Štó je ći to prajił? Štó — ći —“

Ale hlós a wuraz wobliča jeho njepřeswědčowašej.

„Tak so mi wuznaj, towařšo!“

„Wostaj mje na pokoj! Tebi to dowěrić!“

Tak zasakle by nihdy dobry Špina njewotmołwjał. Wotwobroći so a sydže so zaso na lódku.

Frybort widžeše, zo je podražnjeny, a tohodla přesta. Po khwilcy sej wza kłobuk a so wopraša:

„Njewěš, je-li Mařka w klamach, abo sama knjeni domjaca?“

„Njewěm, zabruča Špina z nahlubšim a přez wobličo mihny so jemu zaso na bruń sóin.

Frybort přešedši přeze jstu knježny Elis, kiž nětko w kuchini něšto přihotowaše, wuńdže won a wosta stejo nad wuzkimi, točatymi skhodami, nad kotrymiž bě so hižo ćmička rozložila.

Tu sej deleka w khěži wjesele spěwaše přijomny holći hlós a hnydom na to běchu na skhodach slyšeć spěšne, drobne kročački. Frybort zestupiwszy něšto niže wosta stejo, rozćeže wobě rucy, tak zo puć zastupi. A

hižo narazy na njeho horje khwatace holičo, zlóhka wukřik bě slyšec po čmě.

„Mařka, to sym ja.“

„Ah, pušće mje, mać je w klamach —“

„A mój smój tu, a njewidža, njeslyša naju —“

„Dam wam tón kwěćel fijałkow, pušćiće-li mje. Njesu sej je do škleńčki, ale hdyž sće tak lózy, wupłaću so.“

„To haj, pěknje prošu —“

„Tu maće. Ale —“ womjelkny w jeho wobjeću.

„To za te róžički —“ a wokoši ju horco na skróń a rozpyřjene, mjehke ličko. Młódne holičo so přesta na wokomik wobarać, ale potom wutorhnywši so jemu z wobjeća bě z někotrymi skokami nad skhodami. Wóćcy a wobličo so pyřachu, włosy nad čistym, rjanym čołom běchu rozcybane.

„Mařka, pońdžeće so překhodźować!“ šepťaše rozwohnjeny młóďzenc.

„Hněwam so —“

„Na hrodzišća abo do parka?“

„Do parka —“ a hižo bě so jemu z wočow zhubiła. Spěšnje skoči do jstwički, kotraž bě pódla bydlenja knježny Elis. Krew bě so Frybortej rozhrěła, wuńdže won, dzeržo wonjaty kwěćel w rucy. Na prawu ruku wot khěžnych duri běchu krupařske klamy, hdžež Mařka popoldnju předawaše. Nětko bě tam domjaca knjeni sama, mać, dawši džowcy dowoł, zo by sej šla z přecelku na překhodźowanku. Frybort džěše nimo a postrowi z česćownosću mać swojeje Mařki.

„Ale knjez Fryborto!“

Wosta stejo.

„Što pak to je, wy sće wšón běły! a powažna, njewulka měšćanka pokazowaše na filosofowu hrudź, hdžež bě čmowy kabat zaběleny.

„Ah, to je někak wot scěny — džakuju so.“

„Tak, z wutrobu sće so k scěnje tłóčil?“

„To je kabat tak wisał“ a smějo so rozžohnowaše ze starušku, kiž někak z njedowěru na njeho hladaše.

„Sym zabył, zo je Mařka w klamach róža z muku posypana, zo ma włosy kaž napudrowane“, pomysli sej wjesele filosof a nastaji so do hrodowskeje zahrody.

* * *

W studentskej jstwičcy swěćeše so na jednom blidze lampa; na mjeńšom, za kotrymž sedžeše čitajo Vavřena, plaješe swěčka. Špina, njerozhotowany, ležeše znak naćehnjeny přez lódku a njewotpósłane ložo w šěrem kuće a kurješe z dołheje trubki. Jeho woči běštej złożenej do prózdna.

We jstwičcy bě čicho, jenož druhdy zaklinkny lžica wo taleř. Zelenka wječerješe — sadowu muku, přikusowaše skibku khlěba, třecu to a posłednju. Měješe džěn kruće wuličene, kelko khlěba sej móžeše popřec rano, připołdnu a wječor. Bě džěn skoro jenož wot njeho žiwy. Runje bě so z hodžiny mučny a hlódný wrócił; a słodžeše jemu derje. Lědma bě po jědži a khlěb z blida wotnjesł, hižo so přimaše tón blědy, suchuški młóždenc knihi a studowaše abo „drěješe“ kaž by Frybort prajił.

Leńčiny „Almanach“ wulcy zajimaše Vavřenu, kaž so zdaše. Sedžeše hižo khětru khwilu při knižcy a tola njebě dotal ani přenjeje strony přěčitał. Zamysleny hladaše na wjazbu, hdžež bě na zežołtlej žno papjerje ze šwabachom napisane:

„Und weh dem Lande, dessen Söhne
frech verachten Heimatstöne
und heimatlichen Sagenkreis!“

Trochu niže z kulojtym laćonskim pismom:

Želnosć nad hinjacej wótčinu je najbolostniša.

Myslimir.

Nad tutymi rjadkami bě možno rozpominać. Leńčiny wuj, farań, bě džěn je napisał, a bě so tu ze swojim wótčinskim mjenom podpisał.

Kak drje bě tutón muž lubował swoju wótčinu, kiž bě žiwy za éichim, za horami, kak bě so wo nju strachował, kajke bě měł nadźije, hač bě skónčnje snadź zjebany we svojich přecách a swojom wočakowanju w khwili zrudneje tyšnosće mysli tute bjeznadźějne słowa napisał! Hač su z wurazom nakhwilneho rozpołożenja mysle, abo ćežeše jeho ta myślička, zo narod zahinje, hač do posłědnjeho jeho wokomika žiwjenja? Abo wobsahuja zrudnu wěrnosć?

Ně, ně, tomu njewěrješe razny młodženc. Bywaše hórje, čorniše mróče so sčahowachu, a tola njebě narod zahinył! Čma narodneje małomyslnosće so torha, jasne pruhi tu so předobrywaju, tam nazdala so mihotaju. Swětło bliže, swětło bliže!

A zaso pohladny na tute zrudne napisane słowa. Widžeše před sobu powážneho, šerowłosneho duchowneho, sedžaceho w khłódnej farskej zahrodze pod hałuzatej lipu pódla młódneho holiča. Wona čita z knihi, wón posłucha z napječóm, tu a tam přidawa někajke słowičko jako wujasnjenje a skónčnje so rozpowěda.

A wona posłucha, hladajo na starca, kaž bě džensa na njeho posłuchała z blyšćatym, wložnym wóčkom. List so wobroći a zakry wjazbu.

„Pindar a Korina“.

Wubudženy ze swojeho sonjenja, započa Vavřena čitać powědańčko, kotrež wopriješe cyły almanach.

„Kaž so zernička na ranju a wječornica na zapadze so blyšći, tak blyšćeštej so jónu tutej mjenje na grekskej wobložy.“

Tanagra bě spłodziła Korinu a Theby Pindara.“

Ale hižo w tutom zawodze słódkobólneho, z njewšědnej lubosću poľneho powědańčka bu myleny přez

Fryborta, kiž zastupi do ćicheje jstwički wjesołu pėsničku sej hwizdajo.

„Sy čitał, Vavřena?“

„Haj, něšto sym porjedził a něšto zkrótił.“

„Derje, A ty ničo njewidžiš? Hlej tu rjanu kwětku!“

„Rjana.“

„O, žadny to dar! Přiwón sej!“

„Cheu čitać.“

„Zelenka, pohladaj ty!“

„Prošu će, studuju.“

„Tak ty, Špina, přiwón sej a wustrowiš so ze swojeho mjerzanja. Pohladaj, kak je rjana, je wot Mařki.“

Špina bě so hižo wobroćił a so pozběhnył, ale hnydom zaso spadže do poslešćow a wobroćiwši głowu, zabórča něšto, čemuž njebe rozumić.

„I zo by was, wy drějerjo, wy knihižračcy!“ a stajiwši kwěćelk do małeje škleńčki, kotruž bě sobu přinjeł, wuskoći na lódku a hrabny kitaru ze scěny.

Zelenka zasłyšawši zwuki naładženych trunow, zatykowaše sej z woběmaj rukomaj wuši a skhili so niže ke knizy.

Poľne akordy zaklinčachu a hnydom na to zaspěwa Frybort, na łožu sedžo, ze sylnym, klinčatym baritónom:

Hdyž sym swoju Mařku
dopřewodzał domoj —

Zelenka zhladny ze zadwělowanjam a prošo k spěwacemu towaršej a bórčeše swoje wuknjenje poľ wótre.

Ale Frybort njedžiwaše na to a kitaru mějo na banće zawěšenu, pinkaše dale a spěwaše wo tom, kaž bě swoju Mařku domoj dopřewodzał.

III.

Njedzėlu zahe rano, hdyž Špina hišće spaše a Zelenka hižo piinje we łožu studowaše, sydže so Vavřena z Frybortom k maľemu blidku, hdžež lisćinu, kotruž

bě njedawno Hanak napisał a Vavřena porjedził, znova čitaštej a wo njej wuradźowaštej. Powědaštaj čicho, šeptajo, tak zo jimaj njebě ničo rozumić; k tomu bě Zelenka tak do swojeho studija ponórjeny, zo towaršow tajomnje wuradźowaceju ani kedźbu njeměješe.

„Dyrbi to być, bychy so nam smjeli!“ dodawaše Frybort.

„Fysikowje su z nami přezjedni.“

Pruhi złotoho swětla so dobywachu do jstwy wozjewjejo krasnu njedźelu a swjatočnje zazwonichu z tachantskeje cyrkwy zwony, kotrychž khutny, přijomny hlós so rozlěhaše po čistem, jasnem powětru. Bórzy potom zazwoni tež z wótrym hłosom zwónčk z gymnasijskeho twarjenja. Lědma zo bě zazwonił, staji so Vavřena, hižo dospołnje zhotowany, klobuk a wza do ruki kij, kiž bě z priwilegijom wšěch filosofow, a khwataše z domu.

„Što pak je to?“ woprašaja sa knježna Elis, hdyž běchu druzy přišli do jeje jstwički posnědać; „knjez Vavřena je tak spěšnje wotešoł a njeje ani na snědaň čakał —“

„Snadž so překhodźuje, zo by tajkeho krasneho rana wužił,“ wotmołwi Frybort.

Borzy džěchu tež woni.

Bě wokoło džewjećich. We wulkem salu kolegija běchu so zešli filosofowje wobeju lětnikow na exhortu.

Bě jich přez tři sta. W rumnej sali to bórčeše a šumješe ze šepotanjom tu čiššim, tu wotřišim. Rěčachu němscy, čěscy. Džensa bě tu njewšědne žiwjenje, a skoro wšitecy so rozrěčowachu wo samsnem předmjeće. Štó wě, štó bě to započal, štó bě tu škru mjez nich čisnył; ale woheń bě so zapopadnył. Wšak so to skoro rozumješe samo wot so. Bě kónc jutrownika a bližeše so přěni džen měsaca meje, kotryž bywaše hewak tak rozwołny a wjesoły. Tutoho dnja swjećachu filosofowje

wot starych časow sem po starodawnem wašnju a skoro hižo swojom privilegiju „majales“, mejski swjedzeń, na kotryž so nic jenož woni a holiča, ale tež zbytnje město cyle lěto wjeseleše.

Před dwěmaj lětomaj bě wšak hradecki biskopski komisař tutón swjedzeń zakazał w mjenje biskopa hra-deckeho. Lětsa měješe to być třeći raz, zo so měješe džen přenjeje meje minyć bjez hołka, hudźby a šum-neho wjesela. Wo tom nětko synowje Musow žiwje radu składowachu.

Wokoło Fryborta, při woknje napřečo durjam stojace-ho, bě so jich najwjacy nahromadžiło a tam so najžiwišo wuradźowaše. Durje so wotewrěchu a do sala zastupi Vavřena. Wuhladał swojeho přecela, hnydom so k njemu nastaji. Zo by so njetrjebał tłóčić, da so runy puć přez wustupk wokoło profesorskeje katedry, při kotrejž nahle wosta stejo. Skhili so, wza, kaž překwapjeny, listno papjery tam ležace, a započa je mjelčo čitać.

„Hlejće, što je tam Vavřena namakał!“

„Što to maš?“ wołachu hłosy.

„Je to wam —“

Přemnozy so tłóčachu ke katedrje.

„Pokaž, pokaž!“ wołachu wótře.

„Čitaj to!“ křičachu druzy.

„Čicho!“ zwola Frybort, „Vavřena to budže čitać.“

Filosofofje womjelknychu a Vavřena, stojo za ka-tedru, započa z jasnym, zwučnym hłosom čitać namoľ-wjenje wšěm posłucharjam filofskeje wučerńje, w kot-remž njeznaty pisař spominaše na starodawne wašnje a privilegije mejskeho swjedženja. Sławješe je znowa ze žiwymi barbami, zo by kóždy na jich krasu so do-pomnił, powołaše so na česć a reputaciju studentow a skónčnje jich namoľweše, zo bychu jednomyslnje a w přezjednosći, njedajo so z ničim zatrašić, „ma-

jales“ jako hewak swjatočnje swječili, stare priwilegium tak wobnowili a česć staroslawneje filosofije tak wobkhowali. Sylne wołanje khwalby a přihłosowanja klinčeše po rumnej sali. Lědma bě Vavřena z katedry mjez towaršow zestupił, stupi do sale profesor nabožiny, dolhi, suchi piarista. Jeho wobličo bě khutne, krute; jeho małej wótrej wóčcy hnydom widžeštej njewšědne žiwjenje a pohnuće.

Posadžiwši so wućeže ze svojich pismow lisćinu, a hdyž bě tuto rozewrěł, wozjewi ze svojim jednotwarym, čenkim hłosom, zo, prjedy hač exhortu započnje, přečita knjezam připis biskopskeje kancelarije.

Čemne bórbotanje bě zady słyšeć jako hlós bližaceho so njewjedra. Profesor započa lisćinu čitać a summa wšeho běše, zo biskop zaso zakazuje wšelke z hołkom swjećenje přenjeho dnja měsaca meje, a znova zloži so doraz na zakaz, kotryž bě so hižo prjedy wudał.

Prjedy hač bě profesor dočitał, wudyri njewočakowane njewjedro. Howrjenje, sykot, suwanje z pódušemi, mjerzate a napřěciwne hłosy, klepot kijow wo ławki, to wšo napjelni sal z helskej haru, tak zo profesorowy hlós w tutom hołku so zhubješe jako wołanje kapitana na zběžkařskej lódži při howrjenju wichora.

Womjelkny, ale jako bě so hara někak zlehnyła, započa znova čitać. Lědma bě započal, nowa hara. Blědy z hněwom stany a přeměri z rozhorjenymaj wóčkomaj rjady njespokojenych studentow, chcyše wospjet k nim porěčeć. Ale hdyž ani tu nichtón na njeho njesłyšeše, zebra swoje papjery a rozhorjeny nad tutej pohanu z khwatkom woteńdze.

Ze sala wšak dotal klinčachu rozhněwane hłosy a ze wšeho hołka a tołka klinčeše hrilotate „Majales! Majales!“

Na filosofiske kemše, kotrež běchu w džewjećich, khodžeše wjele ludži. Džensa při tom krasnem njedžel-

nem ranju bě so zahe před započatkom božich službow wosebje wulka syła zhromadźila. Rjenje so pisanješe we ławkach z barbnymi drastami knjenjow a holičow, kotrež najhorliwišo na džewjate „filosofske“ khodžachu. Postajena hodžina bě so dawno minyła, a tola poslušarjo hišće njepřikhadžachu. Zwónk wuńdže něšto-króć z kapały před wołtar, hladajo k hłownym durjam, tola filosofija njepřikhadžeše.

Hižo bě swěčki na hłownem wołtarju zaswěćil, hižo so khwilu swěćachu — tu hakle bě słyšeć ćemny hołk a hnydom na fō so walachu črjódý studentow z hłownymi a pobočnymi durjemi do cyrkwe.

Někotražkuli knježna zběhny hłowu, zo by snadź wšěch, snadź tež jenož někoho wohladała. Hewak by ju hnydom zaso pobožnje ke knizy skłoniła; ale džensa hladachu wšě so dźiwajo na walace so słyly.

Hdže bě zwučeny porjatk a postup? Što bě so stało. Běchu přikhwatali kaž črjóda w njeporjadku, nie w rjadach; a kaž běchu přišli, tak so stupichu abo zesydachu. A hlej, kak tu a tam hłowy dohromady tykaju, šepotaju, kak wuznamnje na sebje hladaju! Bě po přjedawšom měrje a tón njepokoj njemóžeše so ani w měrnej cyrkwi sěšić.

Wšitecy so hišće bóle dźiwachu, hdyž k wołtarjej njestupaše, kaž přecy, profesor nabožiny, ale druhi duchowny z kolegijnych bratrow.

A hdyž bě po mši, njerozkhadžowachu so filosofowje kaž hewak, ale wostawachu stejo před kolegijom abo wotkhadžachu w njewšědnje sylnych črjódkach wo něčom žiwje wuradźujo. Najwjětša šwita bě wokoło Fryborta a Vavřeny. — Wo tom wšom žiwje powědaštej knjeni Roubinkowa z džowku, hdyž běštej so domoj nawróćiloj. Knjez aktuar dokónčujo swoju toaletu — hotowaše džěn so na wulku, na kotruž njedželu khodžeše — posłuchaše, bjez toho zo by so někak dži-

wał abo žiwišo so wo to zajimał. Zcyła, jeho trochu blěde, mało wuznačne wobličo wobkhowaše stajnje měrny napohlad, kajkiž derje přistoji zastojnikej, zo by česćownosć wubudzał, a nichtón njebě to bjezdžakne, kaž z wóska wobličo widzał pohnute.

Mjez tym zo mandželska a džowka na přemoh žiwje powědaštej, stoješe před hladadłom, přimajo na běle naškrobjene rubiško, čěsnje wokoło šije dš sekle zwjazane, hladžeše sej włosy do skrónjow sčesane.

A hdyž Leńka powědaše, kak běchu ći filosofowje w njeměrje so do cyrkwy nawalili, wobroći so změrom a rjekny suše: „Leńka, Aróna!“

Leńka, kiž bě za sebje a za wuja pilnje posłuchała, wotskoći k drastnikej, z wotkel přinjese ćmowomódry frak, kotryž pomałku a powažnje, jako by někajku wažnu lisćinu podpisował, na so woblekaše. Knjez Roubinek bě džěn jara zlutniwy a porjadny čłowjek. Kaž dawaše knjez hrabja svojim konjom wšelakore mjena, tak knjez aktuar svojim kabatam a frakam, z kotrychž woblekaše jedyn po druhem, nic připadnje a lubowólnje, ale po wěstem porjadku a kaž sej to čas žadaše.

Džensa bě na „Aróna“ dóšlo, kotryž měješe tohodla tuto mjeno, zo bě knjez Roubinek sukno wot žida Aróna kupił. Wyše Aróna měješe hišće „Abrahama“, kabat to poprjancoweje barby, kotryž bě hižo hotowy a něšto mało wobnošeny wot žida Abrahama kupił. Nic jenož židowske, tež křesćanske mjena mějachu džěle jeho drastnicy.

Hdyž bywaše swjateje Marije, woblekaše so stajnje šěromódre kolhowy, kotrež běchu we swójbje a dale nimo khěže znate pod mjenom „marianske“. Wšitko měješe swój čas, wšo khodžeše po wěstem a nje přeměnjomnem porjadku kaž na grotach.

Hdyž hižo měješe Aróna na sebi, staji so swěťły kastorowy kłobuk a da so na puć.

Prjedy hač z duri wustupi, wokoši zymnje a powažnje swoju mandželsku. Potom ta njewulka, sucha, kaž z woprostnjenym měrom napuščena wosoba powažneho zastojnika so zhubi.

A nětko hakle so žónskimaj jazyčkaj rozwjazaštej.

„Jenož sej myslće, mama, knjez Vavřena njeje so po namaj ani wobroćil ani pohladnyl!“

„Bě kaž wšitecy. Ale snano popołdnju přindže a potom dyrbi namaj wšo rozpowědać! Aber alles! —“

* * *

Běchu z wulkim zwonom wotzwonili, połdnjo bě so minyło.

Runje k na poł jednej, kaž přecy, běchu pola Roubinkec po wobjedže. Fryck skoči won, něhdže do zahrodki; Leńka bě ze služobnej sudobjo zwunosyla a sydze so do přenjeje jstwy. Njedželske popołdnjo bě ji najlubši čas. Hdyž wuj z ćetu a Lótku w zadnej jstwe sedžachu, móžeše wona w přenjeji swobodnje po swojej woli jednać. Tu wućeže z lódky někajku knižku po njeboh wuju a sydneyši so k woknu, abo w lěće do zahrodki, a čitaše, a to horliwje a z cyłej dušu; druhdy so při tom zamysli, poddawajo so rozpominanju a luby m pominkam. Tu so čuješe najswobodnišo. W tom času sydaše wuj Roubinek, swleknywši Aróna, w mjehkej pohodnej lěnošcy při blidže. Lótku přinjese nanej natykanu dołhu sadrowcowu trubku a woheń a nank z požadom bafaše. Njekurješe džěn nihdy, khiba njedželu popołdnju po wobjedže a na wječor. A hdyž bě so tobak w bělej hlówčcy do modrošěreho dyma rozplūnyl, wuklepa powažnje trubku a potom pisaše najbóle někajki list. Druhich dnjow tomu njewěnowaše. Mjez tym zo bě sej Lótku něhdže k přećełcy skočila a mama při blidže zbožownje podrěmowaše, „zestajowaše“ knjez aktuar list. Wšo derje a kaž so słuša pře-

mysli, přjedy hač to napisa; za to ničo njeporjedžeše a jeho sady běchu wurunane a wuhładkowane, zo bě radosć posłuchać. Wězo traješe to druhdy něšto nje-dželi, přjedy hač list dokónči. Njeměješe do spěcha a listowanje knjeza Roubinka njebě wulke. Hdyž bě něšto napisał, zbudži swoju mandželsku, kotrejž potom wótrě čitaše swoje periody, powážne a ćežkopadne jako wobronjency.

Tak so minješe kóžda njedžela.

Trochu pozdžišo přikhadžeše potom knjez listowny pak sam, abo ze žonu a nasta „zabawa“.

Na scénje napřečo Roubinkowej lěnjošcy wisaše stary wobraz w starem wurězanem wobłuku. Tutón wobraz ličeše jeho mějićel mjez najžadniše w cyłem měsće, haj jónu, hdyž bě so nad swoje wašnje rozwohnił, rjekny trochu žiwišo:

„Njech něchtón tajki wobraz pyta! W cyłem čěskem kralestwje jeho njenamaka!“

A njebě džiwa: wobraz předstaješe suroweho krala Herodesa, kiž bě njesmilnje betlehemske džěćatka morić dał. Bě tu jenož jeho hlowa namolowana, tola tak domyslnje, zo bě móžno cyły tón krwawny skutk z njej wučitać.

Wězo dyrbyeše wobkedźbowar bliže přistupić a tu potom wuhlada, zo je cyła hlowa wuměłscy zestajana ze samych džěscowskich čěłow, tak zo tworjachu čěla bělych džěći čolo a wobličo same, čěla čornych pak džěći služachu za brodu a włosy. Widžomnje bě za tamnoho časa wjele čornuchow w měsće Betlehemje.

Na tón wutwor daše sej potajkom knjez aktuar nje-mało być, a njebě plaćizny, za kotruž by jón předał.

Hdyž by sedžo kurił, běštej woči na wobraz zloženej, a hladaše na njón dale, hdyž z mandželskej bjesadowaše. Samo hdyž by knjez listowny abo něchtón druhu přišoł, njehladaše jemu do woči, ale na suroweho krala Herodesa.

Snadž bě tomu hižo tak zwuknył, abo njemožeše so do syteje wole na to wumětske džěło nahladać.

Knjez Roubinek bě na swoje zastojnistwo z nimo měry bohatym čłowjekom. To zamóženje njebě jemu přinjesła jeho mandželska, z kotrejž bě so woženil z hołeje přikhilnosće a skerje hišće tohodla, zo bě strowje rozmyslał wo jeje dobrych samownosćach, wosebje wo jeje hospodařskej wobdarjenosći. Njebě dženderje sej myslić, zo bě knjez aktuar za swoje młode lěta był někak wohniwy a rozžahły. Dočyła so njepřeměnješe. Jeho rowjenkowje wobkrućachu, zo měješe před lětami samsny napohlad kaž nětko. Njech je tomu kažkuli, wěste je, zo bě swoje zamóženje namrěł po starem wuju polkowniku, kiž bě sej swoje bohatstwo nahromadził za čas Napoleonskich wójnow.

Tež džensnišeho nježelskeho popołdnja, hdyž bě knjeni Roubinkowa sameje njewěstoty a wěćnosće dla zabyła sej měrnje zdrěmnyć, pisaše jeje mandželski cyle změrom kaž hewak list, a to swojemu towaršej a přećelej knjezej aktualej na hrodže a knježstwu rychmburskem. Rozumi so samo wot so, zo pisaše němski, nic snadž zo by swoju maćerńu řeč zacpiwał, ale dokelž bě tomu zwuknył a dokelž móžeše so w němskej řeči w pismje jadriwišo a trjechnišo wujadrić. Knjez aktuar njebě njepřećel swojeje narodnosće, ale tež nic přećel. Z jednym słowom, bě prawy, cyły zastojnik, podwólńy miłosćiwemu knježstwu, kiž hladaše na stary, zwučený porjadk a wšě nowoty z duše hidžeše. Tola po někotrych jeho wuprajenjach by so mohło sudzić, zo je so pozběhnył k mnohim lěpším nahladam wo stawiznach, kotrež so khětro džělachu wot běžnych. Tak njeměješe Žižku za rubježnika a suroweho mordarja, kaž tehdom z wulkeho džěla hišće měnjachu. Jeho słowo bě: „Žižka a kejžor Józef, to běštaj Čechaj!“ A hdyž listowny z hłowu kiwaše, doda: „A ta naša

cyrkeŵ, ta je po nimaj na dopomnjeńku.“ Ze stawiznopisa jenož tole wuzběhowaše, tak zo so zdaše, kaž njeby druhich wosobnosći ze stawiznow znał abo znać chćeł.

Žižka a kejžor Józef, nad njeju pak kral Herodes, ċi běchu z jeho lubuškami, hač runjež njebě ċas žiwjenja so šěršo wo nich rozpowědał, hač kaž je so spomniło.

Tak bě džensa hižo nadpis napisał a dokónčowaše přenju periodu swojeho lista, hdyž Lótka spěšnje do jstwy přikhwatawši při mama stejo wosta. Nječakajo ani na jeje namołwjenje, započa po swojom wašnju a ze swojej řeču, štož bě pola přećelki zhoniła. Podobnych powěsći, domysleńkow a wšelakorych wusudkow bě cyle město poľne.

Wšak so njebě zatajiło, zo běchu knježa filosofowje džensnišeho ranja w kolegiju tajku revoluciju sćinili, zo bě profesor nuzowany byľ sal wopušćić ani exhortu njezapočawši.

Knjenje a holića a wjetši džěl měšćanstwa bě na stronje studentow, jenož wosebniši a starši ludžo wjerćachu powažliwje z hłowy; měnjachu, zo je to hrube ranjenje, a zo nikak njeje móžno, tajkele jednanje skhwaľować.

„Z toho budže wusłyšowanjow a khostanjow!“ měnješe knjeni Roubinkowa.

„To je knjez Vavřena tež w tom!“ pozdychny Lotty.

„Ale što jim tajku njewinowatu radosć kaža —“

„O, to lětsa majales zaso njebudža. A ja sym so tak wjeseliła! pozdychny knježnička a jeje rjanej wóćcy so zrudnje wobroćištej po nowej nalětnjej drasće, kotraž bě wosebje na majales přiřetowana a w kuće na ložu ležeše. Mjez tym bu ċitaca Leńka zmylena. Hdyž so durje ċiše wotewěchu, zaklepny knihu a bě lubje překwapjena kaž wóndano.

Vavřena mjelčo postrowiwiši přistupi k njej a rjekny z čichim hłosom:

„Su tam?“ a pokaza na zadnju jstwu.

„Wšitey —“

Tu rozpiny kabat a wučéže hibićiwje z kapsy na wutrobnje knížku a poda ju Leńcy:

„Něšto khutneho. Přenjeje meje wam přinjesu něšto luboznišeho a zabawnišeho,“ wusmjja so.

Leńka pohladny mjez tym na titul.

„Chceće filosofka być,“ woprašja so Vavřena číše. Holčo so začerwjeni.

„Jenož z wašej pomocu.“

Wón jej stłóči z khwatkom ruku a zaklepawši zastupi do druheje jstwy. Leńka bě we zbožownem: rozbudženju. Zasłyša drje lohki, radostny wukřik Lótki, kiž by ju hewak mjerzał, ale džensa! — Hladaše dotal na titul knížki:

MOSTEK

aneb sestávení skromných myšlenek o tom, na čem každému záležíti má.

Z mladého věku a pro mladý věk vydal M. F. Klácel.

MOSČIK

abo zestájenje skromnych myslíčkow wo tom, na čomž kóždemu má zaležec.

W mládosti a za mláďzinu wudať M. F. Klácel.

Mjez tym zo Leńka łopjeno za łopjenom w nowej knizy pomału wobroćeše a bjezdžak hłubokemu rozpominanju so poddawaše, bě Vavřena we wohnju. Mać a džowka prašeštej so na přemoh knjeza instruktora, kak bě so wona wosudna wěc džensa rano stała.

Filosof wotmołwješe kaž móžeše a smědžeše a posměwk stupi na jeho rty, hdyž Lótko kaž by hłowěku

zrudnje wěšala a w koketnej sobuželności a strachowanju rjekny, zo budže snadź tež knjez Vavřena kruće pokhostany.

„Jedyn za wšitkich, a wšitcy za jednoho —“

„A majales?“

„Njebudža —“ wotmołwi mać a instruktor mjelčeše. Z tym wobkrućeše Lótcy tak njelubu a zrudnu wěrnosć. Tu pak so sta něšto njewšědneho.

Knjez aktuar, kiž sedžo na druhem kóncu jstwy do hłubokich rozmyslenjow ponórjeny nowu periodu hladkowaše nimajo kedźbu na to, štož so nazdala powědaše, położy trosku na blido, a zložiwši zymnej woči na krala Herodesa, porěča ze suchim, jednotwarnym hłosom:

„Knjez instruktora, što ma to rěkać? Kajke njeslyšane nowoty so zawjeduja do tej' čěšćiny?“

„Z čim móžu wam posłužić, knjez aktuario?“

„Du džensa na wulke kemše a zetkam někajkeho knjeza studenta a tón zcyła přistojnje a z česćownosću, jenož štož je wěrnó, zejma kłobuk a postrowi. Ale kak postrowi?!

„Dobré jitro přeji!“ — „Što to je?“

„Zcyła prawje, knjez aktuara. ‚Vinšuju‘, kaž so praji, je němske a ‚dobrytro‘ (dobré jitro = dobre ranje) njeje po gramaticy.“

Powobroći so wot wobrazu a z krutym pohladom změri khrobleho filosofa. Hnydom na to wšak Roubinek złoży swojej woči zaso na krala Herodesa a rěčeše k Vavřenje:

„Tak je so stajnje prajiło a bě to derje. Stari a wysocy postajeni mužowje su tak rěčeli a cí su tomu tola tež rozumili. — Tež wěmy, što to je gramatika; Žizka a kejžor Józef, to běštaj taj najlěpšej Čechaj —“ a womjelkny. To plačeše. Domjacy wučer njewotmołwi.

Knjeni Roubinkowa zawjedže nowu rěč a Vavřena

so směješe w duchu a dopjelnjujo: „a ta naša cyrkeŵ je po nimaj na dopomnjeńku,“ wuńdze pytać Frycka.

Aktuar skhiliwši głowu k troscy „kotrejež bě so zaso přimnył, njemóžeše dołho do pisanja přině.

Lótka kładžeše zrudnje módru drastu do šěrokeho starožitneho drastnika z wukładowanymi scěňami.

Zrazom pozběhny papa głowu a praješe wótre, na nikoho njehladaju:

„Tež tajki nowotař a rebelant!“

Kaž so zda, bě na sadu zabył a mysleše hišće na domjaceho wučerja.

IV.

Njedźelny podawk we filosofskem kolegiju bě w měsće něšto njewšedneho, na dołhe časy njesłyšaneho. Wjele wo tom wšudze powědach a rozumowachu, što drje so nětko ze spjećiwsimi so studentami stanje. Wočakowachu, zo budže hnydom na druhi dzeń podrobne wusłyšowanje, mnozy samo so strachowachu, zo dóstanu někotři z knjezow filosofow „consilium abeundi.“

Tola přećiwo wšemu wočakowanju bě wěc kaž wusnyła. Wězo profesor nabožiny njepřinědže nazajtra do kolegija, ale mjez tym njebě so ničो stało.

„A hdybychu jim wšo wodali, tak je tola po swjedenju.“

„Litomyšl swoje žiwe dny hižo njewohlada majales!“

„Haj, zawěsće; škoda!“

Bóle hač štó druhi bě so knježna Elis zestróžiła. Třepotaše ze strachom, wusłyšawši wo tom wšom hołku a porokuju a starostliwje hladaše na svojich studentow, wo kotrychž so kaž mać staraše. Zdobom ji džěše wo česć wobydlenja. Daše sej njemało na to być, zo bě hižo sydomaštyreyci posłucharjow filosofije pola njeje

bydliło, kotřiž bywachu na stajnosći mjez přenimi a wo kotrychž so jenož khwalbne słowa słyšachu. Mnozy z nich běchu hižo we wysokich zastojnistwach, mnozy běchu z duchownymi, a stajnje so k njej při składosći mějachu, haj samo ji druhdy pisachu. A nětko bychu měli jeje studenća być pokhostani zjawneho spjećowanja dla?!

Pónǵzelu rano, když běchu wšitecy wotešli, a jenož Vavřena bě tu zwostał, rjekny jemu wša na mysl poražena:

„Knjez Vavřena, cyłu nóc njejsym spała. Je to wěrnó, štož je mi Řezničkowa prajiła?“

„Što pak?“

„Zo wy, knjez Vavřena, a knjez Frybort staj to wšo zawinyłoj?“

„Ale, knježna Elis, jenož so njestrachujće! Hoće blady —“

„Wšak sym sej myslila, zo bě to ze zawisće na moje bydlenje; hnydom sym prajiła: Hdyž wšitecy, tak knjez Vavřena nic. Knjez Frybort drje ma na stajnosći wšě pryzle we hłowje, ale tole —“

„Wjele so powěda, ale mało je wěrnó.“

„Sydomaštyreyći filosofow —“ a hižo cheyše wukładować, kajcy studenća běchu pola njeje bydliłi; tola čas khwataše a Vavřena wza kłobuk a woteńǵze.

* * *

We wobydlenju knježny Elis bě ćieho. hačrunjež so tu wjele skradžu přihotowaše. Zelenka bě žiwy kaž hewak a ničo jemu njewadžeše. W kolegiju bě při tej harje zady stał, njebě herjekał a měješe čiste swědomjo; jenož to jeho mjerzaše, zo běchu tež jeho wusłyšowali. Wuwućowaše kaž hewak, doma potom studowaše a jěǵžeše sadowu muku přikusujo wotměřjene skibki khlěba.

Špinowe njebjo bě dotal zamróčena a wokoło hlowy so jemu znošowachu huste mróčałki kura, kotryž cycaše z dołheje trubki. Nětko měješe nowe džěło. Wučahnywši z drastnika dołhy čorny frak, namrěwk to po njeboh wuju fararju, kiž bě jón nosył za swoje studentske lěta, zamyslenje sej jón wobhladowaše, hdyž so jemu wostudžeše, a skoro wšědnje jón na khódbje z kiješkom klepaše a česaše.

Haj, nětko, při filosofiji, zaběraše so tež z čestnym krawskim rjemjesłom.

„Špatny to student, kiž kóždu njedželu njewušije za gróš nitkow!“ by jemu prajił njeboh wuj farar, hdyž Špina pola njeho na prózdninach přebywaše. Nětko tute słowa horliwje dopjelnješe, spytujo so w šiću a porjedženju na fraku, tola njezamó jemu dodać přjedawšeho rjaneho napohlada, hačrunjež sej činješe wšo móžne džěło. Čehodla so tak prócowaše, čehodla hladaje tak na swoju zwonkownosć tón młědy filosof, wo kotremž by so dotal mohło myslić, zo so khila skerje ke kyniskej šuli? Tuto tajomstwo khowaše hluboko we wutrobje, tola knježna Elis hódaše — —

Něšto posłucharjow, mjez nimi Vavřena a Frybort, bu powołanych k rektorej, hdžež so mějachu njedawneje hary dla wuspowědać. Wšak bě rektor wozjewił, zo profesor nabožiny přjedy wučić njebudže, dóniž so jemu njedostanje dosahaceho dosćčinjenja.

Tola přjedy hač bě so wšo skónčiło a dojednało, nasta posłědni dzeń měsaca jutrownika.

Vavřena džěše pozdže popołdnju z hodžiny. Hišće z duri drugeje jstwy wołaše za nim knjeni Roubinkowa:

„Knjez Vavřena!“

Wróci so.

„Bjez mała bych zabyła. Prošu was, budže-li muž přitomny, řečće radšo němscy, abo znajmjeńša tak, kaž hewak, nic hochböhmisches. Te nowe słowa njerady słyši.

Er kann es nicht ausstehen. Mysli, zo je to wšo k lubu — te nowoty.“

Vavřena so začerwjeni po cyľem wobliču a jenož so wusmjawši, hľuboko so pokľoni a woteńdže njeprajiwši ani słowa. Njemóžeše, a hdyby něšto prajiľ, by to bylo něšto šćipateho.

Ale wšón hněw so jemu zhubi hižo na khódbje, hdžež zetka Leńku.

Bě we wobliču wša čerwjena a ličko so jej wujasni hišće bóle, hdyž bě wuhladaľa Vavřenu.

„Knježna Leńka, dyrbjú wam něšto zdžělic“, rjekny z khwatkom a wobhladnywši so kedžbliwje, skhili so k holiču, do kotrejež něšto pošępta. Hdyž bě hľowu zběhnyľa, bě hižo prječ a jenož wothľós jeho spěšnych kročeli ržeše na skhodach a přez khódbu.

Wokomik stoješe ćiše, za nim hladajo, kaž by čakaľa na wuswětlenje. Kročele wšak doklinčachu. Wutorhnywši so z mysli, spěšnje so suny do jstwy, jako hdyž šwižna sorna sej poskoči a w ćmowej zeleni so zhubi.

A chcyše so ji woprawdže skakać a juskać — —

* * *

Dóniž bě Špina měľ fararja žiweho, běše derje. Podpjeraľ wšak bě zemřěľ a studentej, kiž njeměješe ani staršeju, ani přecelstwa, ani zamóženja, njezby khiba so po domach žiwic z wuwučowanjom. Runje bě so pozdže popoľdnju wróciľ „z hodžiny“ a hižo bjerješe do ruki trubku, zo by sej zapachaľ při knizy, tu zrazom wosta stojo při durjach jenož přizawrětych, kaž by tam přimjerznyľ. Ani za zľoty by w tutej khwili njeprajiľ słowička.

Jeho woči hladaštej přez škaľobu do jstwy knježny Elis, hdžež bě zrazom sľyšec jasny zwonjaty hľós, kiž bě filosofa tak zatrašiľ.

Wuhlada tam knježnu Mařku wot domjacych, młódnukaž kwětku w ranišej rosy, z połnyma, wjesołymaj ličkomaj. Bě „jenož tak“, po domjacem wašnju zhotowana; běła falka, krótka sukňa a nizke črijki jej wubjernje přistojachu.

„Sym sej jenož trošku wotskočila. Knježa filosofowje njejsu doma —“

„Su w hodžinach“, znapřećiwi knježna Elis, nje-wědžo zo bě so Špina wrócił.

„Njejsym wutrac mohła, myslach sej, zo to wy, knježna Elis, drje najlěpje wěsće —“

„Što je, Mařka?“

„Powěda so, zo budža majales — ó, to by wjesela bylo!“

Wobkedźbowacy filosof widžeše, kak młódné holičo jako roswjeselene džěčo z rukomaj zatleska, kak jemu wóčcy jenož tak hraještej — kajka bě rjana...!

Nětko by trjebał jenož wustupić, a składnosć, po kotrejž bě žedził, bě so jemu sama poskičila. Wšo by ji mohł rjec a jeje džakownosće dobyć, tola nětko bě z nim runje tak kaž hewak. Njemóžeše so přewinyć. Rady, z wutroby rady by z njej porěčał, ale kak započec? Bě wjesoła, žortniwa a tohodla so boješe, zo by jemu někak žortnje do řeči skočila. Kelkokróć bě hižo stejo wostał, kelkokróć bě hižo takrjec hort wotwěrał, zo by z njej do řeče přišoł, tola stajnje bě wjaznył. Nětko by mohł rjenje započec. Wona so prašeše, wón wustupi, wotmołwi. — Wutroba jemu pukotaše — Božo, wón ma jej stupić před wobličo, pohladnyć do teju swětleju šibałskeju wóčkow. — Ale jónu to dyrbi tola być — hišće khwilku — hdyž knježna Elis wotmołwi.

„O, luba knježna Mařka, ci knježa filosofowje su tajku rebeliju naškarali, zo z toho ničo njebudže —“

Špina wudychny, přimny za klinku, zo by wustupił,

ale tu so wotewrěchu durje druheje jstwy a स्पेशnje zastupi Frybort, tón zwažliwy, khrobľy Frybort. — Bě po wšom!

Spinje spadže ruka. — Z tym wupjerakom nje-móžeše so měrić, to sej njezwaži, wědžeše, zo njeby wobstał. Hórkosć zawisće a žarliwosće so jemu rozla we wutrobje. Hišće stoješe zhibnjeny při durjach a dyrbyeše na to hladać, kak bě so domjacych Mařka stróžiła a začerwjenila z překwapjenjom.

Derje, zo džeće, knjez Frybort —“ a knježna Elis rjekny zkrótka, što sej Mařka přeje.

„Nimaju być, te sławne majalas, ale dokelž sej wy je přejeće, so postaram, zo budža, a to tak wólne a wjesołe kaž w prjedawšich lětach —“

„To so pokaže, sće-li tak wšehomócný!“

Wo čo chcemoj so sadzić?“

„Přehrajeće-li, dam wam kwěćel kopřiwow —“

„A dobudu-li, kwěćelk fijałkow, kajki, kaž --“ a wuznamnje womjelkny.

„Derje, potajkom kwěćelk —“ skoči jemu Mařka स्पेशnje do řeče a pohladny spłóšiwje na knježnu Elis.

Spominka na hubičku, kotruž bě jej Frybort na skhodach wzał, wubudži purpurny sćin woneje čerwjenje, kotraž tehdom jeje mjehke ličko pokry.

Špina bě kaž na čerňach. Ze wšeho ma wužitk tón Hanak — na što wšitko njepřinǵže. Žarliwemu filosofej bě nětko lubo, zo Mařka, zlóhka postrowiwši, ze jstwy wuběža.

Wonka bě džěn słyšeć hlós knjenje domjaceje, kotraž wołaše Mařku domoj.

Hdyž Frybort bórzy na to do swojeje jstwički zastupi, narazy w durjach na Špinu, kiž něhdže čerješe.

„Hdže pak tak z khwatkom?“

Ale jenož njezrozumjomne zabórčenje dósta za wotmołwu.

* * *

Bě wječor nocy před swj. Filipom a Jakubom.

Přijomny wječor, tola bjezhwězdny. Za to na poliškich wyšinach, při strakowskich lěsach a koľ wokoło po cyłej krajinje, zawalacej so do šěreho tajomneho wodžěwa so zaswěćeše syła swětłych wohnjow. Młodžina a wotrostli khodžachu z města wužiwać přijomneho wječora a hladać na palenje khodojtow. Najwjětša syła bě so zhromadžiła na wyšinje při swjećatku swj. Prokopa, nad kotrymž młódne lisćo stareje haľuzateje lipy číše šumješe.

Njedaloko so paleše wulki woheń, wokoło kotrehož běhachu bujni čeladnicy, woľachu, palace khošće do wyše mjetachu. Na stajnosći so juskaše, a juski přewodžachu najwyše lěćace khošće a dešć škrow sapacy z tutych jednorych pokhodnjow.

Vavřena stoješe stronu, wotwobročeny wot wohnja. Njebě so přidružił k swojim towaršam, kotrychž bě so tu zešla cyła šwita. Pytaše samotu.

Hladaše zamysleny k nedošinskemu haju, kiž we wječornych směrkach šěroko a tajomnje so čornješe. Na wyšinje wustupowaše z jeho čmowych štomow běły knježi dwór, jako čichi, wopušćeny hród, a w dolinje, hdžež doľhe sćiny šěreho haja njedosahachu, blyšćeše so jasna hladžina šěrokeho jězora Košiřa.

Stronu, za hajom, wšudže na wyšinach, płajachu wohnje a mihotachu so swětłeška.

Wječor, wohnje, swětlo a woľanje, wšo dopominaše Vavřenu na domiznu. Nimowólnje so zabľudzi w mysli do hólěich lět, hdyž bě budki na wyšinje twarił, je zapalował, přez woheń skakał, juskał. — Rój spominkow so jemu zabľyskny w duši runja sapacym škram.

„Njewěm, što z toho maju!“ praješe něchtón njedaloko.

„Ach, das gemeine Volk!“

Pózna po hłosu knjeni Roubinkowu a po dodawku knježnu Lótku. Njewobroćiwši so ani, zo jeho njebyštej póznałoj, woteńdže a njerozmyslejo so, pušći so po mjezy, kotraž wjedžeše do polow. Damje so zdalištej. Hołk a křiki mjelknychu, hač běchu jenož hišće slabje wot nazdala słyšeć.

Vavřena so ponóri do mysličkov. Khłódžacy, cuni wětrik wěješe přez młode žita. Trawa, womačana z rosu, bě jako somot.

Tola nětko pod tym ćichim wječornym njebjom hižo njespominaše na domiznu. Napadny jemu, hdyby tak Leńka přišla k wohnju.

A započa basnić. Wumysli sej, kaž by te něžne holičo kročiło jemu po boku, řečeše k njej, dowěrješe so jej ze swojimi mysličkami. Wona jemu wotmołwješe — z wěstosću, haj tak by zawěsće řečala.

Tu załoži do někoho, kiž kročeše jemu napřećo, tež hłowu wěšejo.

„Ach, Špina, ty sy to? Što tak —“

Towařš wšak přimny jeho nahle za ruku a khwilku hladaše Vavřenje mjez woči. Bě někak pohnuly, rozdražnjeny.

„Towařšo!“ wurazy ze sebjě. „Towařšo, ja so ći dyrbjū! — Ale ně — ně!“

A přjedy hač bě so Vavřena nadžał, bě so Špina zhubił.

Wobhladnywši so wuhlada, kak po mjezy z wulkimi kročelemi khwata k městu.

V.

Črjódý ludži běchu so rozešle, wšón hołk bě so zlehnyt a woheń bě so dobał. Wokoło bě zaso nóčna šěrina, přez kotruž při lěsach na wobzornych wyšinach hišće tu a tam so blyščachu wohnje jako krwawne hwězdy. A kaž ćicha, wložna nóć po swojej ćěri

stupaše, wša zawalena z ěmowym, powětrowym płaščom, hašeše so woheń po wohnju, dóniž po šěrokej dalokej krajiny njebě ani škrički. Herjekanje, spěw a juskanje bujnych pachowow womjelknychu a tajomna ěišina přenjeje mejskeje nocy nastupi swoje knježstwo.

Dźiwokrasna, majestotna khwila wulkeho potajnstwa.

Njedobudžeš so do njeho, njedopřepytaš, ale čuješ, a kaž cyła stwórba wožiwja, wotuća, skhadža a so wopłodnjuje, mjehči so ěi wokoło wutroby a w mysli rodzi so sonow kaž róži, a rozumiš łutomu ěistemu žiwjenju zeskhadžašeje rostliny, rozumiš cunjej řeči bórbotaceje řečki w doliny we sćinu młódnozelenych wólšow; potom wěš, ěehodla třepoce młódna bukowina, na spadže nad nej a ěehodla ěěrnjowa róža posyta ze sněhoběłym kćěwom.

Wabne sony so znošuja po ěmowem haju, nad kotrymž so zybola jasne hwězdy, znošuja so po zahrodach a dale do ěichich komorkow a jstwičkow, a wšudže luty kćěw a młódnjenje, jako hdyž rosa so ěíše krjepi na wšo rosćace.

Tak so minje nóc, dóniž za ěmowym lěsom so zablysknu raniše zerja, poselnicy młodeho mejskeho dnja. Z dolin a z mochowych łučin ěěkaju reje dźiwokrasnych wilow a lěsnych žónkow do ěmoweje hlubiny lěsa.

Na jasnem, wuwjedrjenem njebu zjewi so blyščacy, třepotacy pruh swětła; sony ěěkaju, je dzeń, žiwjenje je nastało.

Na růžowych křidleškach lećachu sony z Leńčineje komorki.

Holičo wotućiwszy hladaše přěd so, hišće w mocy lubozneho sona. Ale tu zhladnychu jeje woći na štomy přěd woknom w zahrodze, a hižo wuskoći, kaž hdyž pocpula zahe rano wuleći. Kóždy wjeřšk, kóžda hałužka luty sněhoběly kćěw! Spěšnje wotewri wokno

radostnje hladajo na tón džiw. — Slóncó njebě hišće zeskhadžalo, ale bě hižo běly dzeń. Čerstwy prud powětra so pleńčeše młódnemu holiču w bělem wodžěwu, kotrejež ličko kćěješe z purpurnym kćěwom. A słyš! Deleka, něhdže na torhojšću hudźba, witaca přeni blyšćny dzeń krasneho měsaca róžownika, róžoweje, wonjateje meje!

A hdyž dušene zwuki hudźby hač sem do komorki dolětowachu, zadyrkota Leńka z čichej zbožownosću. Dopominachu ju, zo to njeje són, zo je to wěrnosć, woprawdžitosć, dopomni so na słowa, kotrež bě ji Vavřena wčera na khódbje šeptnył.

Zwuki hudźby rosćachu, bližachu so, zahrmotachu při hrodže. Slóncó bě mjez tym zeskhadžalo a rozla swoje złote swětło po jstvě.

Tehdom knjez Roubinek, majo běłu nócnu čapku na hłowje, woblekaše so „Obršta“, pisany, kwětkowany župan, zdžědženy po njeboh wuju połkowniku.

Runje přistupi k woknu, hdyž kapala w uniformje městskich wótrotrělcow před starym knježim domom so zestupa, zo by zahrała swoju serenadu.

Za nana so stupi knježna Lotty w běluškich nócnych šatach, mjez tym zo Leńka, hižo dospołnje zhotowana, čila wjesoła kaž łastojčka so staraše wo domjacnosć.

Mało štó bě zaspal tuto krasne, mejske ranje. Štóž njebě stanył a wušoł won, zo by jeho wužiwał, přistupi znajmjeńša k woknu, zo by pohladnył na to jasne, blyšćate njebo, na wótrotrělniskich hercow, éahacych po měsće, kotrychž hudźba tu z hołkom klinčeše a hrimotaše, potom zaso słabnješe, pak na druhém kóncu zaso mócnje zaklinča.

Jenož Špina spaše kaž mortwy. Knježna Elis so njemało džiwaše, zo bě tak pozdže na nóc domoj přišoł. Vavřena bě zahe z ranja wotešoł, bórzy po njom Zelenka, njeso knihu pod pažu.

Hdyž bě čas snědać, wotewri zlohka durje student-skeje jstwy, chcedžo so přeswědčić, spi-li hišće knjez Frybort. Tola tón khodžeše zhotowany po jstwě, dđeržo někajku knihu w rucy, z kotrejež pilnje studowaše.

Džiw wšěch džiwow! Što pak bě jeho pohnuło, zo bě tak bórzy stanyl a studował!

Hdyž bě potom knježna Elis wosamiła, zastupi do studentskeje jstwički, zo by na blidach runała po swojom wašnju. Na samej kromje ležeše njewulka knižka, kotruž hnydom pózna. Bě to ta, z kotrejež bě Frybort rano studował. Kajka to kuzlarniča, zo bě tak dołho připutała filosofa, kiž so hewak tak jara k wuknjenju njeměješe? Knježna Elis wotewri knižku tam, hdžež bě zapołożene znamješko a čitaše:

MŁYNKOWA WOPIČKA.

„Žona, přestań stajnje skrěćeć,
do wucha kaž had mi syćeć!“
zdychny Młónkec wuj we snju —
„kaž bych přepił młyn naš měrny
kaž bych tebi njebył swěrný,
hdyž mam rady wopičku! —“

A, to je ta filosofija! Žortna baseň! To so wě, wo što drugeho by so tón šibał starał, hač wo pryzle a žorty? Kajka to knižka? Knježna Elis čitaše nadpis, kotryž bě Vavřena pola Leňki wótře čitał. Hdyž pak checyše wjazbu přiwrěć, dohlada so na pisane rjádki na nutřkownej stronje. Zadžiwa so. Přěčita je jónu, k druhemu razej, potom přistupi k woknu, skhili so k rukopisu, kedžbliwje jón přehladauje. Na zwjadłem wobliču so zjewi pohnuće. Khwilku stoješe zamyslana nad tym pismom, potom woteńdže spěšnje do swojeje jstwy, hdžež wućeže z kašćika kemšace knihi.

Z tutych wza hižo nažořtly list do pomjatnika ze złotej řězbu.

Na tutom łopjenku běmolow ane z wodowymi bar-

bami: brěza z bělej skoru, kotrejež dołhe, wisate ha-
łuzy so dótkachu narownika w romskem slohu. Štom
a narownik bohaće wobwity, stoještej na trawatem
brjohu někajkeho jězora, na kotrehož druhem brjohu
so na wobzoru módrješe husty haj. Za tutón lěsyk bě
so slóněčko skhowalo — — Na drugej stronje pomjat-
neho listka bě z laćonskim pismom napisane:

„Row hlej tu nizki, hdžež młódna so zeleni trawa
Ó tón nizki row, tak wjele, haj, khowa wšo!
Ručku mi holičo daj! A sylza će po ličku roni.

Dale nječitaše knježna Elis. Pismo w almanachu
a na lisćiku bě samsne. Papjera padže ji z ruki na
knižku, na kotrejež napis z „Myslimir“ podpisany znova
hladaše. Ale woči so ji zmućištej a wotwobroćiwši so,
hladaše na podobiznu młodeho duchowneho, nad kotre-
hož hlówu so wiješe połwěnc papjerjanych kwětkow.
Drobnej, suchej rucy so ji nimowólnje styknyštej.

* * *

Po jědnaćich přihna so z khwatkom Frybort domoj
a khwataše hnydom do swojeje jstwički. Knježna jeho
hnydom zadžerža so prašejo wot koho ma tu knížku,
tón mały almanach. Zhoni, zo je to Vavřenowy.

Hdyž so tón potom bórzy domoj wróci, bu překwa-
pjeny z prašenjom knježny Elis:

„Powězće mi, zaleži mi na tom.“ Hlós a tej dobrej,
blědže módrej woči prošachu. Rjekny, zo ma to wu-
požčene wot Leńki.

„Ah, sym słyšała wo tom holiču, tola sym je jenož
dwójcy wohladała. Mało hdže přindže, a ja stara wo-
soba, ja 'žno docyla nihdže.“

Vavřena so hišće bóle džiwaše.

„Njej' wěrnó, je pěčna, knjez Vavřena — ale wbo-
huška drje tam njespi na růžach.“

„Chceće z njej řečeć, knježna Elis?“

O, to drje njeje móžno,“ a wóčko ji zabłyskny.“

„Mojedla džensa hišće —“

„O, knjez Vavřena, wěsće?“

„Knježna, prosymy wobjed,“ wolaše z druheje jstwy Frybort.

„Khwatamy!“

Z jasneho mejskeho dnja bě nastało ćopłe připołdnjo. Biskopski zwónčk bě wotzwonił, wotzwoniło bě runje połdnjo a knjez aktuar bě runje při najlěpšom wobjedze, kotryž jemu wubjernje słodžeše. Knježna Lotty bě někak zóicha. Mama měješe džensa skoro samalutka słowo, přetož Leńka nihdy wjele njerěčeše; k tomu dyrbjese často wot blida stawać, zo by so starała wo jědže w kuchini. Rozwjesenje džensnišeho ranja njebě so ji zhubiło z wobliča. Hdyžkuli džěše won, njezaby pohladny z wokna, dele k piaristskemu kolegiju. Hewak bywaše khutna; džensa stupi zrazom na jeje rty posměwk, wosebje hdyž ćeta powědaše, kak je ta přěnja meja pohnuta, zo bě přjedy deleka w měsće widžała pječa wulke žiwjenje, wosebje zo so studentow róješe před kolegijom a w měsće kaz pčołow.

„To tohodla, zo maju zakazane. Koho by to tež njemjerzało?“ měnješe Lótko a hladke wobličo so jej do fałdow zmoršći.

Knjez aktuar njeměješe wjele kedźbu na te řeče. Nětko wšak, jako by na raz woprostnył, njedostorči do huby kus kulki nakałnjeny na widlički a jeho woči, wopušćiwši krala Herodesa, wohladnyštej so ze spodžiwanjom po mandželskej a džowcy, kotrejž w přěnjom wokomiku tež cyle so džiwojo na njeho pohladnyštej. Lótko skočiwši k woknu, hladaše won. —

„Muzika, woprawdže muzika!“ zwoła Leńka, kotraž wšak hnydom zaso naby měra.

„Što je to? Připołdnju hudźba?“ Čas žiwjenja to njeje było, džiwaše so Roubinek.

„Było, było, hdyž majales —“ přispomni spěšnje džowka.

„Snadž bychu tola — ? a Roubinkowa přistupi tež k woknu, mjez tym zo bě Fryc, čisnywši widličku, kaž kłok wuskočil a bjez čapki so čerješe dele na wulicu.

Porokowacy nanowy hlós hižo njeslyšeše.

Hudźba, kotraž kaž by ju dusyl wot nazdala klinčeše, bywaše jasniša, dóniž njedaloko kolegija zahrimota. Tam zastachu. Mjez tym bě nastalo na wulicach njewšedne žiwjenje.

Ludžo běhachu z twarjenjow, khwatachu k woknam, deleka wšak so čiščeše wšo ke kolegiju: 'młodźina, měščanscy ludžo, najwjacy studentow filosofow, z kotrymiž so bórzy mjeřweše cyła hórka mjez hrodom, kolegijom a gymnasijom.

Mjez tym zo so pola Roubinkec tak wšitecy dziwachu, nimo Leńki, kotrejž bě Vavřena wčera wšo šeptnyl, zastupi na raz knjez instruktor. Pokłoniwši so, wozjewješe, zo so džensa swjeći filosofski swjedžen „majales“, ke kotremuž podwólnje přepraša. Za mału khwilku cyły studentski čah z hudźbu, kaž bě stajnje było, počehnje do nedošinskeho haja.

Roubinkowa so njemóžeše dodžiwać a předy hač bě so zhrabała k praženju wo wuswětlenje, bě Vavřena so hižu zhubil.

Lótka juskaše a hnydom khwataše do drastnika, z kotrehož přinjese nowu nalětnju drastu.

„W skoku, mama, w skoku“ zo njeskomdžimy!“

„Zwaha, Lotka, zwaha! Štó wě, kak so wěcy maju!“ praji khutnje aktuar.

„Ach, zaso něšto!“ W poslednjeje khwiley je so jim wěsće dowoliło!“ měnješe mać, w tajkich wěcach po swojej woli rozsudžejo. Na wulicy rozčachu črjódý a z nimi hołk a tołk.

Hudźba wopřesta a přez jasny powětr ržeše kaž zhromadny wutřěl:

„Vivat academia!“

A cyła kapała spušeí mócnu fanfaru.

„Vivant professores!“ wołaše něšto stow młodych horłow a swjatočny tuš zaklinča znowa.

„Vivant professores!“ wospjetowa cíše Roubinek a kiwaše k tomu spokojom z hłowu.

To bě hołka a tołka a khwatanja! Džiwna wěc! Leńka zwotnosy wšo, pomhaše ćeće a Lótcy a tola bě připrawjena, kaž by so byla na wšo přihotowała. Z četu nihdže njekhodžeše, njech by ju tuta tež namołwjała, ale džensa přińdže ta „hordula“, kaž jej aktuarka rěkaše, smě-li tež do haja. -

Četa pohladny prašawje na muža.

„Njeh sej dže, móže Frycka sobu wzać! Bjeztoho njestaj hišće tu kekliju widžaťoj.“

To płáceše. Roubinkowa wuhlada k přenjemu razej, kak bě so tomu hewak khutnemu holiču wobličo radostnje wujasniło a wočko zabłyškło. Knjez aktuar so dale njestaraše. Sedžo w lěnošcy kurješe z trubki a hladaše na krala Herodesa. Hdýž dokuri, dóńdže do kancelarije.

* * *

Přez khódbu piaristskeho kolegija kročeše běłowłosny starc wysokeje postawy. To bě pater German, profesor stawiznow we filososfem kolegiju; přećiwo njemu wustupi suchi, blědy profesor nabožiny.

„Sće widžať, słyšať?“ prašeše so z třepotatym hłosom khutneho starca.

„Haj — je hišće widžeć, a słyšiće?“ wotmołwi so wusměwajo.

„Vivant professores!“ ržeše kaž hrilot před twarjenjom.

„Ale to je něšto njeslyšaneho! Conjuratio!“

„Secessio!“ wusmjja so starc. Tu to maće w małym, štož čitamy w stawiznach na kóždej stronje: poťlócene swobody, priwilegije —“

„Ale tomu so dyrbi zadžěwać — du k rektorej —“

„Póndu z wami —“

Rozhněwany duchowny zastupi přěni, za nim měrny Germanus.

Namakaštaj rektora, kiž wotstorčiwši někotre fysikalne přistroje na blidže, blisko wokna stoješe a zhladowaše na syłu ludži a studentow.

„Što so tu stawa?“ zabědowa profesor nabožiny.

„To je temperament młodeje, horceje krwě.“

„Prošu, poručće jim, zo bychu so rozešli —“

„Njerozeńdu so. Hdyž su so tak skhrobili —“

„Dyrbja być rozhnací!“

„Přez koho? Přez Kmonička?“ doda za rektora German a na rtach zjewi so jemu lohki wusměw.

„Namołwju jich sam, zo bychu so rozešli w měrje!“

„Chceće-li. W mojom mjemje —“ wotmołwi rektor. Katecheta woteńdže.

Mjez tym běchu so filosofowje skoro w poľnej ličbje zestupali. Bě radostnje na nich hladać, hdyž so młodži mužowje a młodžency rjadowachu, swoje filosofske kije w rukomaj. Kelko hłosow, křika a woľanja! Kelko směcha, žortow a juskanja!

Sud so tľóčeše wokoľo nich na wobliču kóždeho bě widzieć wjeselo a přiľłósowanje. Maľo šťo w překwapjenem měsće rěčeše přećiwo studentam. Runje bě katecheta zestupiľ k wrotam — tu hudźba na wokomik womjelknywši zahrimota z poľna, hercy stupachu dopředka a za nimi filosofowje.

Kročel něšto stow młodych, hibitych nohow bě razna a padna a za studentami tľóčachu so ći, kiž mějachu khwile, wšudže po měsće běhachu ludžo, zo bychu so

přesvědčili, je-li věrno, štož so wo zvažnem kusu filosofow powědaše. Mnozy wuhladawši walace so črjódy, spěšnje so wróćichu domoj, zo bychy so hotowali do haja. Bě džěn skoro cyła Litomyšl w nedošinskem hajy, hdyž so swjećachu „majales“.

Črjódy studentow so zhubichu. Hudźba womjelkny.

Při wrótkach stoješe zestróžany, rozhněwany profesor nabožiny. To so hišće njebě stało, dołhož filosofija je filosofija!

Přisahanstwo bě so wubjenje poradžilo. Studenća stojachu kaž jedyn muž, ani słowička njebě so přeradžilo na strašnem městnje.

Po cyłem měste bě njewšedne žiwjenje. Bě džěn jemu nastał. Njewočakowany swjaty džen, kiž bě hižo na třeće lěto wušmórny z litomyšlskeje protyki.

Z kóždeho domu něchtón stupaše a pušći so k nedošinskemu hajy. Tu měšćan ze swójbu, tam mač z džowkami, tu jednotliwje, tam w črjódkach, a wšudze so powědaše wo tom njewočakowanem a čím witanišom zawjeselenju.

Knježna Elis so njemało stróži, hdyž ji Frybort w posłědnjej khwilcy wo swjedženju rjekny a ju do haja přeprošeše. Staješe so, njechaše; ale hdyž Vavřena ji šeptny, zo wohlada Leňku a zo tam z njej porěči, tu so rozsudži.

Studenća woteńdžechu a stara, dobra knježna poča so hotować. Wšo na njej bě po starej módze, tak, kaž bě to za jeje młode lěta bylo. Načahny sej dołhej rukajcy, sahacej vysoko nad łohć, hižo sej bjerješe židžany wuzki salup, tu zastupi domjaca knjeni.

„Ach, to so wjeselu, knježna Elis, zo džeće. Ta moja holca mje šaruje, skoro plače. Dyrbi tam być, myslí sej, zo to bjez njeje njeby šło. Teje muziki dla tola njemóžu klamy začinić a muž je na wikach.“

„O, njech jenož knježna Mařka dže ze mnu. To

budu jara wjesoła — “skoči ji knježna Elis do řeče.
„Bohu džakowano!“ Nó, ta so budže wjeselić!
Čakać ujetrjebaće; hdyž to dže na reje abo na ně-
kajke pryzle, to su holcy kaž wjewjerčki!“

„Młoda krew — rad změrna nej’, knjeni domjaca!“

* * *

O Nedošino, Nedošino, twoja sława je so minyła!

Twoje štomy stoja řědšo, přeč su pawilonki, ere-
mitaže, zhubila je so lětnja łubja, hdžež při wjesolej
hudźbje wólna młodžina hołdowaše rejam.

Tola tehdom, tehdom hišće kćěješe sława haja ne-
došinskeho.

Puć po wsy k haju a druhi w kastanijowej aleji
wokoło hata před hajom so zybolaceho, so njeprä-
torhny. Za hatom hnydom zelenjachu so huste štomy
w nowej, swětlej drasće. Nad haj so pinaše khětro
nahły husće zarostły spad hórki, na kotrejež płoninje so
haj dale rozpřescěraše. Džensa wšón klinčeše, z wjeso-
łym powědanjom, křikom, směchom, hudźbu a spěwom.

Hižo z daloka slyšachu přikhadnicy juskace zwuki
hudźby z hajowych hlubin, a hdyž bě womjelkla, nje-
seše so po čistem, wonjatem powětru khórowy spěw.
Pod khłódnym wjelbom hałuzatych štomow klinčeše
stara studentska pěseň:

In silvis resonant
dulcia carmina,
in silvis resonat
dulce carmen!

(Po lěsach klinča,
lubozne pěsnje,
po lěsach klinči
lubozny spěw!)

A lědma bě khór dospěwat, wotmołwješe jemu druhi
z drugeho skrytego městna:

Dulcia carmina
in silvis resonant,
in silvis resonat
dulce carmen — —

(Lubozne pěsnje
po lěsach klinča,
po lěsach klinči
lubozny spěw — —)

Hdyž běštej knježna Elis a Mařka do Nedošina do-
šľoj, bě haj hižo wšón poľny. Deleka před hosćeńcom,
njewulkim to domkom z krytej khódbu, sedzachu hosćo
na prostych ľawkach z deskow w haju, abo ležachu na
mjehkem trawniku pod košatymi štomami. Wšudžom
žiwjenje, wšudže hoľka a směcha. Najwjacy stupaše po
sćežcy wot hosćeńca pod spadom wokoľo kapaľki swj.
Antónija na hórki, hdžež běše ľubja. Ta bě najwjeselšo.

Po wjelbach mlódných wjerškow rozliwaše so złote
swětľo, a w čerstwej mejskej zeleni pisanjachu so
drasty swětľých barbow.

Mařka so horješe z njedočakliwosću. We wokomiku
přeľeća jeje wótre wóčko črjódki studentow, kotřiž so
tu překhodžowachu, tam wjesele pijachu. Elis so tež
kedžbliwje rozhladowaše.

Nahle zasta. Wot hosćeńca so bližeše knjeni aktu-
rowa a ji k boku Lótku.

„Ta kubľanka z nimaj njeje —“ podótkny Mařka.

„Ó, ta ani njewě, nihdže ju njebjeru.“

„Lědma běštej wo něšto kroćeli dale, wobroći so
Mařka hľubšo do haju.

„Tam něchtón přednošuje — ah, to je knjez Fry-
bort. Pójmoj tam pohľadać.“

„To dyrbimoj —“

Dosćežeštej hustu črjódku studentow a druhich, a
wosředž stojiše Frybort na pjenku stareho pobiteho
štomu a deklamowaše. Knježna Elis pózna, zo je to
ta deklamacija wo mlynkovéj wopičcy, kotruž bě
džensa rano tak pilnje z hľowy wuknyľ.

Wšitecy posľuchachu z napjećom; druhdy wupuk-
nychu do wótreho směcha, kiž wubudži znamjenity
deklamator.

Mařka njespušći woči z filosofa, kiž potom při bo-
hatem přiklesku skónči a zeskoči a runy puć k ľu-
bema holiću khwataše.

Lědma bě je powitał a postrowił, wjedžeše je tam, hdžež młode holčo žedžeše. Wustupištaj ze hajowych sćinow na sćežku, džěštaj wokoło kapałki natwarjeneje po wašnju gróty, pod kotrejž so žórleše čista studzeń, a hižo stoještaj před rejowanskej łubju: na štyrjoch wotrubujenych kmjenach wotpočowaše lohka třěcha; pod tej runa podłoha. To bě jednora rejowarnja, hdžež so hižo spěšne nózki w kole wjerćachu.

Trochu dale sedžachu hercy wjesole rejki piskajo. Prjedy hač bě so knježna Elis prawje rozhladnyła, stoješe sama. Widžeše, kak Frybort zbožownu Mařku do koła wjedžeše, wuhlada jeju potom, něstokróc, hdyž so mjezy rejowacymi mihhnyštaj.

Črjóda přihladowarjow so koł' wokoło husće tlóčeše.

Pytaše Vavřenu, mysleše, zo jeho tu namaka, ale ani stopy njebě po njom. Wopraša so najprjedy Fryborta na njeho a tón ji rjekny, zo je jeho zwopředka widzał z kujenju aktuarowej a z džowku. Lotty rejoyaše nětko s druhim.

Po khwilcy so přetłóči přez črjódu přihladowarjow, chcedžo wotpočnyć. Woteńdže a so zdalujo bě bórzy na čichem, wosamoćenem městnje, hdžež bě jenož wothłós šuma a hudźby słyšeć.

Zasta. Wudychny. Běše ji swobodnišo a tola čěsnješe někajka ćeža jeje mysl.

Zwuki wjesoleje rejki k njej zalěhachu, w nich ji zaklinča wothłós dawno zašlych lět, zbožowneje młodosće. Zamysli so. Wšo tu bě, kaž něhdy: krasny nalletni dzeń, khłódný hajk, njepräměnjeny, žiwjenje a wjesolósć, „majales“, kaž něhdy — jenož druhe woblića. Nětko bě na nje zašleho časa dla zabyła.

Spominaše na swoje lěta. — Zašly čas wožiwny a ze šěriny haja stupachu znate, lube postawy; a tu

tón šwižny młodźenc, kiž ju z koła do haja wjedže. Dže zawěšena na jeho ramjo, zabywa na reje a hudźbu a posłucha jenož na jeho słowa. Khětre wróća so do spominkow zbožowna khwilka za khwilku, dóniž njezastanje při tej poslednjeje a najbolostnišej. Bě to tež w tom zelenem hajku, w tych městnach, hdžež bě naposlědy z nim stała, kdžež bě ji božemje dawał na wěki. Bě so woprowať za staršeju, bě woprowať ju a sebje.

* * *

Tón stary, nakhileny štom we hłubinje haja sej njebě pomysliť, zo by džensa mohł někoho k sebi přiwabić. Ale sta so tak.

Leńka wopušciwši towaršnosć, rozhladowaše so po knježnje Elis, wo kotrejž bě ji Vavřena, z krótka powědziť, jako bě knjeni aktuarowu w haju powitať. Tak bě nimowolnje dóšla hač do khłódneje samoty a zasta při starem, skhilenem štomje, hdžež bě so ji zalubiť. Hižo dawno njebě byla w lěsu, kiž tak jara lubowaše. Bě džěn swoje młode lěta žiwa byla w krajinje bohatej na lěsy, w kotrychž bě sama běhała we wólnej radosći abo so z wujom překhodžowała.

A nětko, po dołhem času, zašumichu ji zaso khłódne wjeřski nad hłowu, znova čuješe cuni, pleńčaty dych haja. Njekhwataše won. K tomu bě jeje wótre wóčko něšto wuhladať, štož ju hakle připuť. Kus nad zemju rosćeše ze stareho z mochoh pokryteho pjenka móčna haľuza, a w kuće, kotryž tworješe z pjenkom, bě kaž přilěpjene ptače hnězdo.

W tu khwilu namaka tež filosof Vavřena samotu, poprawom to, štož w samoće pytaše.

Wustupiwszy z husćiny, wuhlada Leńku we swětlej, módrej drasće, kak kedźbliwje hlada horje na stary pjenk. Bě so na palcy stupiła, a hlada a hlada —

Kajka je šwižna, kipita, kak ji ta žiwa čerwjeń přistoja!

Stupa ćíše ke štomu — tu nahle zasta a so wobhladny. Purpur jeje lička so zčěmni — ale hnydom kaže Vavřenje z porsćikom mjelčeć. Přikradže so, zasta pódla Leńki a taj čłowječkaj zahladaštaj so k ptačemu hněžku.

„Widziće?“ šepťaše Leńka.

„Njewidžu.“

„Sem hladajće, widziće pysk, hlówčku a te čorne wóčka?“

„Haj, haj, widžu, widžu —“ a njemóžeše so nahladać na ptačka, kiž hlówčku přez kromu hnězda tykaše. Tak stoještaj khwilku čěšnje pódla sebje. Vavřena čuješe, kak je so jemu krew rozžoľmiła, kak jemu stupa do wobliča. W tej ćišinje pukotaštej wokoło njeju džiwyje dvě wutrobje, skoro by jeju storhowacy hlós mohľ slyšeć.

Filosof wotwobroći so wot hnězda. Jeho wóčko so zetka z wóčkom Leńki, a hdyž so do teju swětleju, wložneju wóčkow zahlada, bě jemu, kaž by so jemu hlowa wjerćala.

Wóčko, ličko, čerstwy jeje hort, wšo so na njeho směješe, blyšćo so z ćichej, horcej zbožownosću.

„Pójće, zo bychmoj jeho nješeriľoj!“ zašepťa jako wo snje.

Posłuchaše. Wustupištaj zaso pod štom, wjedžeštaj so za ruku kaž džěsći.

Kročeštaj mjelčo po trawatej sćežcy mjez kerkami a štomami. Slóněny blyšć a přijomny khłódk so lubje wotměnještej; wot spada pak zalětowachu sem dušene zwuki wjesoleje hudźby.

Nadobo wuwiny Leńka swoju ručku z filosofoweje prawicy a zahlada so dopředka, hdžež stoješe před

nimaj někajka žona w staromódnem, wulkem kłobuku, salupu a dołhich rukajcach.

„Ah, knježna Elis!“ zwoła Vavřena.

Po khwilcy běštej dobrej přecelnicy. Njedaloko wot městna, hdžež stojachu, bě pod starym bukom jednora ławka, na kotruž so sydneyu.

Elis a Leńka so bórzy zrěčeštej. Ta dobra stara knježna rjekny młodemu holiču, zo je sej hižo dawno přała z njej počec, zo hižo nihdže njekhodži, ale zo je so džensa na tajki daloki puć nastajiła, dokelž je so chcyła z njej zetkać, zo je z hłownej přičinu wony almanach, kotryž bě namakała pola knjeza Vavřeny.

„Te hrónčka je knjez farař pisał? a skhli woči.

„Haj, to je wuj napisał.“

Wobě womjelknyštej.

Tu započa hudźba hrać. Vavřena torhny ze sobu, posłuchaše.

Jeho wobličo so zmoršći.

„Ah, štwórreja! a ja sym tu reju slubił knježnje Lótcy!“

„To dyrbiće, ale khwatajće!“ napominaše Elis.

„Kak njerady! Budžeće-li tu čakać, zo bych was zaso namakał?“

„Budže-li knježna Lótka chyc —“

„Z radoscu —“ a wusmjä so na młodeho filosofa, kiž pokłoniwši so bórzy zhubi za kefkami.

„Tež ja sym was znała,“ započa Leńka po khwilcy trochu.

„Hižo přjedy pola wuja?“ woprašä so Elis.

„Haj, měješe wušiwany wobraz wot was — je-li wěro?“

„Wěru, nadžěju a lubosć, haj“ wotmołwi zdychujo Elis.

„Haj, a tón měješe jara zaňč. Namakach na njom w kućiku waše mjeno a datum — myslach sej, zo je

to někajka droha dopomnjeńka, a potom — potom sym namakala list wot was w českej knizy, w „Sławy džowey.“

Přitomnosće njebě. Elis a Leńka běštej zaštoj do minylosće, k žórłu swojich najlubšich spominkow, a wobeju mysl, wosebje knježny Elis, so wokřewješe a třepotaše při nich. Leńka dyrbješe powědać wo swojom dobrem wuju a stara knježna posłuchaše z cyłeje duše. Hłowu měješe skhilenu, rucy na klinje styknjenej. Často sej pozdychny a pohladny do młódneho wobliča holiča, dóniž so ji wutroba wotewri, a wunjese słódke a bólné tajomstwo, kotrež bě po telko lět přede všemi khowała. A hdyž bě so rozpowědała, wołóži so ji w duši a potom řečeše hižo dowěrnje, wotewřiće. Powědaše holiču, kotrež bě tohorunja nade všitko lubowało toho, kiž bě ji był nejdróžši na swěće.

Wuj, farař Jurij, bě z rodow z Litomyšle a daloki přiwuzny knježny Elis, do kotrejež bě so zalubował hdyž bě ze studentom na filosofiji. Młode holičo bě jemu hižo dawno přikhilene. Tak so lubowaštaj krótki čas z najwutrobnišej, ale tajenej lubosću.

„Ale jeho mać, waša wowka, bě jara pobožna, a bě swojeho syna, hdyž bě hišće džěćo był, duchowni-stwu zaslubiła,“ pokračowaše knježna Elis, hdyž běchu swójbne počahi wujasnjene. Toła často womjelkny we svojem powědanju.

„Hdyž bě we fysicy, so wupraji, zo nječuje w sebi duchownskeho powołanja. Ale tu jeho mać prošeše, płakaše, a hdyž nochcyše so zdać swojeho wotmysla, tak so nad tym zrudži, zo ćežcy skhori. Čwilowaše so nad tym, zo njebě dateho lubjenja dodžeržala. Samo stary nan syna namołwješe, prošeše, — haj padže před nim na kolena — a tak — po prózdninach měješe woteńć do seminara. Prjedy hač woteńdze, prošeše mje, zo bych jemu dowoliła z nim

porěčeć. Zeńdžehmoj so tudy, w tutom hajku njedaloko wot tudy — a tu — smój sej na přecy božemje prajiłoj.“

Knježny Elis z pohnućom womjelkny. Dobroćiwej, jasnje módrej woći so ji zmućištej.

A njejsće so nihdy hižo z nim widžała?“ wopraša so sobuželnje Leńka z ćichim hłosom.

„O wězo, waša wowka wotkhori. Na swj. Jana Nepomuka jědžeše z džědom do Prahi Jurija wopytać. Kazaštaj mi sobu. Chcych so toho zetkanja zmínyć, a tola chcych rady — ale wotrjec njemóžachi; naši mje nuzowachu. A tak sym jěła. Hdyž smy do Prahi přijeli, bě tam telko ludži, zo so w tej tłóčeńcy a hołku vašemu džědej zhubich. Džěch na dobre zbožo po tych wulicach połnych hary. Tu zetkach stareho knjeza we wysokich, swětłych škórnjach; měješe tón napohlad, kaž naš knjez tachant. Bě to tež duchowny. Džěch k njemu, wokošich ruku a prošach, zo by mi prajił, hdže je tu seminar. Myslach sej, zo so tam ze wšěmi zetkam. Wón so dobroćiweje wusmja. „Maće tam bratřika?“ wopraša so a ja — Bóh wě, kak mi běše. Zawjedže mje hač k wulkemu, čornemu twarjenju. „Dziće z tymi wrotami, potom přez dwór na lěwu ruku a za druhim je seminar. Tam so woprašěće wrótnika. Podžakowach so a džěch. Bě hižo pozdže popołdnju. Mjez tymi ćmowymi twarjenjemi bě hižo éma a njebě tam skoro čłowjeka. Přińdu na poslední dwór a tu dže mi napřećo někajki młody duchowy tajkeje postawy kaž Jurij. Hdyž tu jeho čornu kleriku wuhladach, mje kałny při wutrobje.

„Tajku tež nosy! pomyslich sej a sylzy so mi ronjachu z woći. Božo, Božo! Čas žiwjenja njezabudu — přińdže bliže — kolena mi dyrkotachu — to bě wón, Jurij. Ale kajki přeměňjeny, blědy, suchuški. Hdyž jeho tak wuhladach, dach so želniwje do płakanja a zabych, hdže sym. Přimnych so jeho ruki, jako by mi chcył čeknyć.

Wón stoješe nade mnu, pokoješe mje, wbohi, a hlós so jemu třasaše, hdyž přińdžechu jeho staršej. Derje, zo bě hižo éma — a potom z radosću nad swojim synom — magistrom, njemějachu moje wuplakane wobličo kedžbu. Wostachmy dwaj dnjej w Prazy a wón nas wsudžom wodžeše. Ale ja na ničo njehladach, wo ničom njemóžach doma powědać.“

A tu knježna Elis zaso přesta.

Pleńčaty wětričk, dujo přez kěrki a štomy, nošeše hač sem zwuki wjesoleje štwórojeje.

„Khodžeše na prózdniny“, započa po khwiley Elis znowa, „ale tu njejsym skoro nihdy z nim rečala. Khodžach jemu z puća, jenož jehodla, ale bě to jara horko. A nchtó ničo njewědžeše, na ničo njemysleše! Před wuswjećenjom mi napisa list a posła lisćik do pomjatnika. Wšak je mi to pismo najbóle pomhało, zo póznach w knižcy jeho rukopis. Potom měješe swjatočnu primicu tudy w tachantskej cyrkwi. Tež tam běch, zo sej ludžo njebychu myslili, čehodla noheu hić — ale hdyž přistupi k wołtarjej w měšniskej ryzwje, tu džechu na mnje mrokoty a ja dyrbjach z cyrkwe. Potom sym na to skhorčela. Kak rady bych tehdom byla wumřela!“

Khwilku bě ćicho. Žadna z njeju njemóžeše słowčka prajić. Starej knježnje bě lohko a ćežko wokoło wutroby; wutrobje bě so wolóžilo, zo bě so dobrej a ćućiwej duši dowěriła.

„To je nimo, ja sym to hižo přetrála“, započa po khwiley a na rtach so ji zjewi elegiski wusměw. „A wam so to, luba Leńka, njestanje!“ doda. Holičo pohladny na nju prašawje, potom skhili woči, hdyž wuhlada Vavřenu khwatnje so bližaceho.

„Tón z duchownym njebudže!“ zašepťa Elis, skhilwši so k swojej młodej susodecy.

„Aj, je hižo po štwórorej? Što to, knjez Vavřena? Wšak hišće hraju!“

Ó, njezbožo, knježna Elis! Khwatach wot tudy kaž jeleń, zobych hišće přišoł w prawy čas. A to tež bych, hdyby mi ta njezbožowna Rollerka do puća njepřišla. To wěsće, zadžerža mje po swojom wašnju, zapředže řeč, ja so ji wutorhnych, zamołwich so a běžu k salu. Hdyž sym tam přišoł, bě pozdže. Hižo rejowachu, a Lotty sedžeše nazdala z knjenju aktuarowej.

„Božedla — knjez Vavřena!“ zwoła knježna Elis.

„To budže njewjedro!“ zdychny Leńka.

„To hižo bě. Džěch k nimaj a zamołwjam so. Lótka sedži pokhmurjena, ani na mnje njepohladny, a knjeni aktuarowa mje z wótra wotby —“

„To wěřju. Spytajće to naprawić, to by wam mohło zeškodzeć!“ napominaše Elis.

„Ja sym was zadžeržala!“ a Leńka hladaše starostliwje na młodeho filosofa, kiž wšak khroble z ruku mahny a smějo so rjekny:

„To je so hižo stało! Ničeho so njestrachujće. Dowoliće-li, wostanu při was; je tu tak rjenje —“

„Boju so wo Fryeka, knjez Vavřena.“

„Toho sym dowěrił spusćiwemu studentej.“

„Budže-li so wšak ćeta na was woprawdže hněwać?“

„Zo by wam dała wupowědz tohodla! —“ zdychny Elis.

Po tutych słowach pohladnyštaj na sebje Lenka a młodženc a po woběmaj mihny so samsna myslička, kotraž jeju porazy.

Potom byštaj so wšědnje njewidžaloj.

Tola Vavřena so zhraba a zawjěra z hłowu. „To so njezanje!“

W tom wokomiku něšto zašukny blisko w keřkach.

„Zaso! Škraholec lěta nam blisko!“ přispomni a wšitey pohladnychu w tu stronu, hdžež bě so zjewila

njewulka, hiže wobstarna knjeni. Njebě ani sucha, ani zawalita; na jeje zwjadlěm wobliču běštej najnapadnišej kałatej woči, wótrje a spěšnje wšo wobkedźbowacej a přehladowacej.

Na lěwej rucy ji wisaše njezbytny sačk na kłubašk, jehły a nohajca.

Wokomik hladaše na skupinu pod štomom a džiwnje so wusmja.

„Ach, ach, knjez filosofo, je hižo po kwadrili?“ započa němski.

„Tohodla smy tak khwatali? Ach, — knježna Elis — džen dobry!“

Změriwši jich wšěch z kałatym pohladom, postrowi ironiski a nječakajo na wotmołwu, kročeše dale. —

Vavřena nahle stany, tola Elis popadže jeho za ruku a Leńka přjedy skhiliwši woči před jědowatym pohladom knjenje Rolléroweje, zhladny prošo k rozhorženemu młodźencej.

„By sej zaslužila, zo bych jej kaž so słuša wotmołwił, to wona sej myslí, zo je stanje hišće „běrgar-mejstrowa“, zo móže hišće mištrować a poručec, kaž to khodžeše za časy jeje njeboh' muža!“

„Ale wšak ju znajeće, knjez Vavřena, budže so wam wjećić —“ měrnješe Elis.

„Haj, woprawdže, znaju! Wšudže lazy a zběra blady! A wy ju tež znajeće, tu Čecho-Němcowku, wo kotrejž sće mi powědała, zo je njeboh Rettigowej wjele bjezprawosće činiła.“

„Ale tu knježna Leńka —“ padže do rěče knježna Elis.

„Ach haj, ke knjeni aktuarowej tež khodži“, doda měrnišo student. Napadže jeho, zo to dobre holičo za to zaso něšto spyta.

„Khodži a znaju ju tak po rěči. Ale njech přindže a so hórši. Ja to znjesu“, a Leńka so wusmja; „ale

njewěm, kak wy!“ Pohlad, z kajkimž na Vavřenu pohladny, to dopraji. „Nětko pak dyrbyu hić —“ Mój was přewodźimoj“, a Elis stany.

Vavřena jako by so připadnje wobrócił, hladaše k staremu štomej. Nahle zawoła:

„Hlejće, knježna Leńka, nětko je tón-ptačik wulećał!“

„Myslach sej prjedy, přińdže-li wichor abo njewjedro, zo by so jeho hnězdaško mohło snadno rozderdać!“

„Dočakamoj a ja wam po někajkem času powěm, što je na tom krasnem městnje noweho.“

„O, to změjeće ze mnu džěla! Přez tón „Mosćik“, kotryž sće mi požčił, tez derje njemóžu. Mnohemu njejsym rozuměla. Je ćežko być z filosofku.“

„Z radosću wam podam ruku. Ale džensa sym přinjesł —“

„Džensa mi požčiće, kaž sće prajił — tak njejsće zabył —“

Vavřena wučěže z kapsy nad wutrobnom mału ćeńku knižku.

„Tu pohladajće a ja wam mjez tym přiwjedu Frycka.“ Khwataše prječ.

Holičo pohladny wěipnje na přenju stronu.

Bě pózdni wječor — přenja meja —
wječornej meje — słódki čas —

stoješe w přenimaj rjadkomaj.

VI.

W nedošinskem haju hudźba so měšeše ze spěwom, směchom, wjesolej bjesadu a křikom. Najwjacy ludźi bě nakopjenych při rejowarni, potom deleka při hosćeńcu. Tola po wšěch pućikach, tež zdalenišich, bě widzieć ludźi so překhodźować, wosebje młodych. W čichej samoće, hłuboko w haju, kročeše pomałku, kaž so za filisofa słuša, Špina wšón zamysleny. Měješe na sebi

čorný frak po njeboh wuju, kotryž bě na džensniši swjedžen tak rjedził a přihotował; na jeho filosofiskej hłowje trónješe dosć přistojny kastor. Młody muž wojo-
waše ze swojej njerosudnosću a bojazliwosću. Před krótkim bě Mařku w kole widzał krasnu, horjacu, a wo-
heń jeho wutroby bě so rozsapał do ničaceho płomjenja.

Chcyše so jemu tohorunja rejować, zo by ju mohl w reji k sebi přiwinyc — tola dokelž bě tak ujewěsty v reji, njemóžeše so zwažic — a na jedyn raz bě so zhubila z koła a podarmo so po njej wobhladowaše. Nětko ju pytajo so rozsudzowaše, zo sej tola z njej za-
rejuje, njech je to potom, kaž chce! Přemyslowaše, kak ma na nju rěčeć, kak ju poprosy wo rejku, khileše so, spytowaše komplimenty — tu so zruna, kaž by jemu škra přez čelo prelećala.

„Zady husciny něchtón dušenje powědaše. Připo-
sluchaše.

„Dobyl sym kwěćelk, tajki, kaž tón na skhodach, njej' wěrnó?“

Tu maće kwěćelk —“

„A tu —“

Wjacy njesłyšeše; tola widžeše, sam skhowany, kak so Frybort k Mařky khila a ju koši.

A wona se njewobara, njekřiči!

Zbožownaj lubaj šeptajo a so košo džěštaj dala. Jako by błysk do njeho dyřil, tak stoješe Špina a njemó-
žeše woči wotwobroćic wot městna, hdžež bě tón wu-
skočnik to holičo jako čerstwu truskalcu tak khroble košil. Wotućiwszy z woprostnjenja, wotsali so, pokhmurjenu hłowu bóle wěšejo, hač so filosofej słušeše a přistoješe.

* * *

Knjeni Rollerowa, wudowa po bywšom měsćanosće, krućiša a móćniša hač samy „běrgarmejster“, sej my-
sleše, zo je hišće wša móć w jeje rukomaj, a njebě

so hišće swojeho censorskeho zastojnistwa wotrjekła. Ničo so njezataji před jeje wótrym wokom, wšo přescěhaše ze swojej wótrej a zlej kritiku. Přecušliwši haj, zastaji so pola knjenje aktuarowej, z kotrejž da so hnydom do wažneje bjesady.

Lótka rejowaše a njestojěše skoro ani khwilku. Njedźiwajo na to bě njespokojena. Bě so myliła we swojom wočakowanju. Vavřena, tón rjany, razny student bě wubudził w njej přikhilnosć, wo kotrejž sej mysleše, zo je to lubosć. Bě jemu dobra a dawaše sej wjele na to być, zo napřećo ni stajnje wosebiće kedźbliwje jednaše. A młody filosof měješe hewak damy dosć mało kedźbu. Tež to by so ji lubiło, hdyby so mohła hordzić, zo je so tón khlódny młodženc před njej pokorił a wo lubosć prosył. A na to bě so runje džensa wjeseliła. Při džensnišom swjedenju měješe so jeje přeco dopjelnić, a tohodla jón njemóžeše dočakać.

A kak bě so myliła!

Vavřena bě drje jich powitał, ale bórzy bě wotešoł a njebě so wrócał, kaž by tu ani njebyła. A — nještýšana wěc!

Njebě ani w prawy čas ke kwadrili přišoł, kotruž bě ji slubił. To njebě wjac njepohoda, to z wotmysłom bě tak jednał! Bě hłubocy ranjena.

Jeje přikhilnosć k Vavřenje bě zrazom postupiła městno zranjenej samolubosći.

O, hižo jeho njezměje kedźbu, toho hordeho filosofa! Njeh to čuje.

Tola stajnje hišće čakaše, zo budže prosyc — ale wón so jenož zamołwi, woteńdže a so njewróci. Snadž jeho to boli, snadź sej njezwěri —

Džěše ze sala k maćeri wot rejowanja wša rozhrěta. Runje zdalowaše so knjeni Rollerowa wot knjenje aktuaroweje.

„Pój, Lotty, komm, komm, mein liebes Kind! Bedenke nur! Die Leny!“

„Što je so stało?“

„Zhoni, štož bě knjeni „běrgarmejstrowa“ mačeri powědała. Lotty so z hněwom zapyri, zćeže pyšnje swoje pěkne rty a zasmja so ze zacpiwanja.

„Ah, tu je —“ zwoła nahle Roubinkowa, wuhladawši bližecu so Leńku.

Wjele zboža, wjele zboža!“ powita wusměšejo Lotty swoju přibuznu.

„Haj, haj, éiche wody!“ doda mać a pohladny šćipawje na Leńku, kotraž tu změrom stoješe, njewotmołwjejo, kaž na wšitko přihotowana.

Wočakowaše wusměšowanja, swary, wšo přeciwné: wjele bě hižo we wujowem domje přetrała a přichodneho so njeboješe. Haj, we sebi zajuska — wšak bě poprawom wona dobyła; njech so stanje štožkoli — njeje hižo sama, wopuščena. Swěći ji telko ćopłego swětła, zo so njestrachowaše bjezčućiweho, zymneho wusměšowanja.

* * *

To běchu majales. Džeń so hižo khileše k wječoru. Poslědnje pruhi so zazybola po haj, z trawateje zemje po zdonkach čekaju ke khłódnym wjerškam. Hudźba hraješe skoro bjez přestaća, směchej a žortam njebě kónca, spěw rozwjesených studentow klinčeše wjeselšo a wótrišo.

Deleka w haj, běše črjódka studentow. Někotři z nich sedžachu na hrubje čěsanych ławkach, druzy w trawje pod štomami a kóždy z nich často sej dawaše porjedźdć dobrego piwa. Spěwachu, smějachu so a žortowachu. Jenož Špina z nich bě zamysleny. Sedžeše na kóncu ławki, zepjerajo spanja do dlónje. Kastorowy kłobuk sedžeše jemu v tyle, dołhej porěnje, kaž łastojćej křidle, wisašej mučnje, kaž złamanej křidle, přez ławku.

„Ty sy někajki zadwělowany, Špina! Što je ěi?“
wolaše jeden ze studentow.

„Daj mi być!“ wotmołwi rozmjerzanie dolhi filosof
a hrabnywši za karančkom, piješe

„Hdže je Zelenka? Toho tu njejsym hišće widzał!
Prašeše so zaso přěni. A druhi jemu za Špinu wotmołwi.

„To wěš, tón tu njeje, tón so doma drěje — baba.
Boji so wusłyšowanja, je přejara skedźbliwy —“

Škraholec! škraholec! zwola nahle druhi a pokazowaše
z karančkom na Rollerku, kotraz na lěwej rucy mějo
měšk wisajo, wotnazdala čušlo kročeše.

Wšiky dachu so do smjeća.

„Vivat commissarius!“

„Vivat doctissima!“

„Vivat Xantippe!“

Studenća připijachu „knjeni komisarowej, wjele-
wučenej —“ přetož knjeni Rollerova khodžeše kóžde
lěto na zjawne pruhowanje filosofow, hdžež sydaše
pódla wučenych knjezow přisydacych a přeprošenych,
z awtorom w rucy.

Wězo pruhowani mějachu z toho mału radosć,
přetož Rollerka njeměješe so po starem prawidle, zo
by so to, štož je so w šuli přihotowało, tež tam zjědło.
Njedolho po pruhowanju wědzachu samo baby w hkód-
bach předawace, kotry z filosofow je přepadnył.

Zdaše so, zo knjeni „běrgarmejstrowa“ wědzeše,
komu te připitki plaća.

Zastawši njedaloko, hladaše na wjesolycha rozra-
dostnjenych studentow ze svojim kařatym wóčkom.

„Vivat Horatius Flaccus!“ křikny nahle jedyn z nich,
a druhi z daloko kličacym hłosom doda:

„Ale tón z nohomaj horje wobročeny!“

Wótry, wólny směch bě wotmołwa a znova sej
připijachu.

Rollerku kaž by šeršeň kaňnył. Wobroćiwši so, khwataše ze spěchom wottudy.

To mjeno romskeho basnika bě ju wotehnało. Při poslednich pruhowanjach, kotrymž bě tež přitomna, da tež jej pater Germanus awtora, kaž wšěm hosćom. Pola njeje wšak bě to wuwzaće sćinił, zo bě knihu wobroćil, a tak měješe knjeni „běrgarmejstrowa“ při cyłem pruhowanju před sobu spěwneho Horatia „z nohomaj horje wobroćeneho.“

To bě za studentow njemałe dosćčinjenje. A hišće nětko bě jich tón podawk z nowa rozwjeseł. Jenož Špina měješe ćežke mysle, tola piješe.

A čím wjacj piješe, čím hłubšo jemu do tyła so wjezeše kastor, čím bóle so zhubješe rozmjerzanosć z jeho wobliča, a w jeho woćomaj so wobražese hłuboka elegija.

Wokoło wutroby bu jemu mjehko; druhdy so wobroćeše k swojemu susodej, krajanej.

Potom zaso piješe a khileše swoje wobličo hłubšo do dlónje.

„Špina, ty chceš mi něšto rjec —“ rěčeše na njeho krajan, mjez tym zo towařšowje spěwachu, so smějachu a žortowachu.

„Bych ći rjekł —“ wotmołwi Špina ze sćěsnjenym hłosom.

„Nó, tak so mi dowěr —“

„Ale nic jowle —“

„Tak pój stronu —“

Špina stany, džěše z khabłatej kročelu za svojim krajanom. Zastaštaj nazdala pod starym dubom. Towařšowje hladachu za nimaj. Špinowy krajan na nich mikny a porozumjachu.

„Ma přewjele —“

„Tak rěč, što ći je, ty sy někajki zrudny.“

„Weš — weš —“ rěčeše po kuskach filosof. „Tola

ty so mi — wusměješ. Wšitecy su mje wopuščili, nikoho nimam — sam“ — tu hlós — wjazny — horło so jemu sćeže a da so do płakanja.

„Widžiš — nikoho — sym syrota — wěš,“ a tón dolhi filosof płakaše jako wopuštěné dzečo.

Krajan ľahodžeše, zo by přestaľ płakać a so dowěriľ.

„Tebi so to řeči — tebi — ale wěš — ja sam a sam, wboha syrota.“

Towařš so zasmja.

„Stajnje powědaš to samsne — tajka wulka syrota, kaž sy ty! Wostaj to a dowěr so mi, što chceš — .“

„Wšak to wědzach, zo so mi wusměješ! Kóždy — so mi wusměje — što je —“ a splaknjenje jemu zaso přetorže řeč. Zwjeze so na wobrosćeny korjeň stareho štoma a złoži do dłónje hlówu, z płáčom so třasacu —.

„Krajan stoješe hišće khwilku nad nim a řečeše na njeho, ale widžo potom, zo towařš k njemu nima dowěry, woteńdze k wjesołym towařšam, kotřiž so wokoľo njeho zhromadźiehu a so wuprašowachu, što je so Špinje staľo.

„Wěm telko kaž wy. Ze zadwělowanja je piľ a hdyž je potom trochu natutkany, zapóčnje płakać a njewěri nikomu.“

„Hotowa elegija!“

„Tola my — gaudeamus!“

„Gaudeamus!“ zwoľachu wšitecy a karaněki zabrink-
uychu a zacynknychu.

* * *

Sľónco bě so skhowaľo za hajom; ěrjody wulětnikow řědnychu a puće wjedzace do Litomyšľe so pisanjachu zaso z ludźimi.

Běchu to zwjetša měšćanske swójby, kotrež běchu so nastajiľe na puć, zo bychu před nocu došľe domoj. Mľódšim wšak, wosebje studentam, nochcyše so doľho

ze zeleného hajka, hdžež běchu so tak wubjernje zawjeselili.

Hudźba hišće hraješe a ze wšelakich kóncow klinčachu wjesole studentske spěwy.

Knježna Elis by tež hižo wotešla; tola knježna Mařka, Frybort a Vavřena ju telko prošachu, zo nje-móžeše wotprajić. Sydže so stronu, čakajo a přemyslejo.

Z Leńku njebě ji hižo móžno rěčeć.

Po wonem njelubem podawku při štwóroreji přińdže Vavřena zaso ke knježnje Lótce a jeje knjeni maćeri, tola pola wobeju so podarmo prócowaše.

Hdyby Rollerki njebyło, by so zawěsće to dźiwne wašničko minyło bjeze wšěch sčěhwkow; ale hdyž knjeni aktuarowa zasłyša, kak bě so tón jich instruktor, kotrehož swjata winowatosć běše, zo by jich tola kaž so słyša keďžby měł a k nim dwórny był, z tej twjerdohłownej Leńku, kaž ji rěkaše, skoro sam sedzał a z njej bjesadował, a tak ju před druhimi wuznamnjenjował, njemóžeše wodać a hrube zranjenje přistojnosće a galantnosće, kaž sej mysleše, jenož tak přehladnýc. Jeje Lotty, ta najrjeńša a najbohatša, bě dyrbjala swoje městno přewostajić tajkej wjesn j holcy! Vavřena bě skoru wšu nahladnosć zhubił we woćomaj Roubinkoweje. Bě so ji zdało, zo je druhich wašnjow, lěpšeho sľodu a wólby!

Lótka pak džeše z nim tola hišće do koła, hdyž ju pozdžišo wo rejku poprosy, ale rěčeše maľo, a wotbywaše filosofa jara zkrótkta, hdyž cheyše so z njeje do rěče dać.

Tu nahlě womjelkny. To ju tež mjerzaše. Cheyše jeho pokhostać, přeješe sej zo by prosył a ji ľahodził, tola tón hordy student mjelčeše nětko, kaž by so hněwał a so zranjeny čul.

Hewak by knjeni Roubinkowa khodžila domoj z čahom pozdže wječor, džensa, ľědma zo so slóńco za

haj khilešě, nastaji so na puć wróco. Vavřena, zo by swoju winowatosć dopjelnjł, poskići so, zo jeju dopřewodźi, zo wosebje Frycka dowědže domoj. Mysleše sej, zo so potom hišće do haja wróci.

„Frycka powjedže Leńka a njechamy wam wadzić we wašej zabawje,“ wotby knjeni jeho.

Pokłoni so a posledni jeho pohlad plaćeše Leńcy. Bě měrna, jasna kaž nalětnja krajina wokoło, a we wočomaj zaswěći so jemu swětło zboža, dowěry a rozsudnosće. — —

Směrki padachu na nedošinski haj.

Wótrotrělniska kapala čehnješe z rejowanskeje łubje dele do haja ke korěmjce. Spěw, wyskanje a směch ani nětko njewomjelknychu a wjesele kaž připołdnju so filosofwje zestupowachu do rjadow, zo bychu nastupili puć wróco.

Jich wjesole a wólne rjady wězo njeběchu tak ličbne kaž rano, přetož mnohi bě je wopušćil, zo by wukonjał ryčersku službu a ze swojim ramjenjom podpjerował lube holičo na puću do Litomyšle.

W poslednjej rjedže kročeše z khablatej kročelu Špina po boku swojeho krajana, kiž bě jeho wzał do swojeho škita. Dołha syrota bě so hižo wuplakała, tola njebě hišće wotbył swoje zrudne mysle a swoju — wopičku.

Nazdala za studentskej legiju, wjesele spēwaceje, kročeše črjóda swěrných městskich wulětnikow, mjez kotrymiž běštej knježna Elis, kotruž Vavřena wjedžeše, a Mařka, kotruž bě dowěřiła starosći a lubosći knjeza Fryborta.

Z města njeseše so hudźba naposlěd do pózdneho wječora. Pokhod doklinča, wulětnicy so rozkhadzachu. Mějachu so do spēcha, přetož, hdyž k městu so bližachu, začěže so njebo a hotowaše so na deščik.

Hdyž so knježna Elis ze swojimi filosofami domoj

wróci, wotodawši před tym sebi dowěřjenu, wšu zbožownu knježnu Mařku domjacej knjeni, sedžeše Zelenka za blidom a pilnje studowaše.

„Ale, knjez Zelenka, to sée sej tola měł popřeć a njestronić so druhich —“ přetorhny jeho hospoza, spokojena z džensnišim swjedženjom.

„Nimam khwile, knježna Elis. Hdyž raz něšto budu, potom sej něštožkuli popřeju —“ wotmołwi suchi student.

„Wužitkarjo. Potom čisnješ zaso knihi do kuta a do smjerće na žadnu njepohladnješ —“ mjenješe Frybort, kiž staješe kwěćel fijałkow do škleńčki połneje čerstweje wody.

Dolho potom hišće Frybort a Vavřena sedžeštaj z knježnu we jstwě, bjesadujo wo džensnišom dnju.

Wšitecy běchu spokojom. Jenož starostliwa Elis zloži při řeči jeju mysl na něšto sćinow: što budže w kolegiju a što pola aktuarec? Tola młodźencaj so njestrachowaštaj.

Špinu wobja hłuboki spar, w kotremž zaby na to, zo je syrotka a zo bě w haju něšto hrózbneho wohlaďať.

Zemju přikrý mejska nóc.

We swojej komorecy sedžeše při małem blidku poľrozhotowana Leňka při swěčcy mjetacej swoje swěťlo na maľu wotewřěnu knižku. Po domje bě hłuboka čišina, wšitecy hižo spjachu. Młode holičo, mějo rucy njenućenje na blidku zeprěnej, hladaše soniwje před so. A zaso so skhili po khwilecy a čitaše:

Je pózdni wječor — přěnja meja —
wječornej meje słódky čas.
tujawka wabi k lubosćam nas.

Znowa so wutorhny. Wonka zašumi. Přistupi k woknu, hladaše won, potom wotewřě zhasnywši

swětlo. Bě wložno, přijomnje; z émowych njebies saješe so přeni mejski deščik a šumješe lubje w kčějacych wjerškach štomow před woknom stojacych. A kaž so wšě kwětki a štomy wokřewjachu z tej čichej wlohu, tak bu tež w jeje duši wjeselo. Skhili so won, poslučaše na jimacy šepot a šumjenje. Zaby na swoje njeswobodne postajenje a swoju wotwisnosć — jeje duša so ponóri do slódkich sonow přenjeje, zbožowneje lubosće.

Čuješe so zbóžna. Spominaše na krasnu hodžinku lědma minyłu. Bě zastala w šěrem haju při starem, nahibnjenem štomje. Što drje nětko čini tón drobny ptačik, swědk zbóžneje khwilki?

Dopomni-li so tež wón na njeho?

W tom času Mařka hižo slódcy drěmaše. Njeslyšeše deščika, kiž bubnowaše na woknješka jeje jstwički. Bě džěn zaso w haju, hdžež wróćeše Frybortej swoju zhubjenu přesadu.

VII.

Nasta nowy dzeń a z nim všědne žiwjenje. Na wěžcy gymnasia so zwonješe, studenća so skhadžowachu w poľnej ličbje do kolegija kaž hewak. Radostne wopojenje, zahorjenosć běštej so rozkuriľoj a stróžbe rozpominanje nasta.

Profesor nabožiny zaso njebě přišol do kolegija. Dopomnichu so na słowa kruteho rektora, zo profesor přjedy njepräiňdže, hač so jemu njedóstanje zarunanja. Składowachu radu wo tom, što so ma stać. Přjedy hač su přezjedni, su někotři woľani k rektorej, a mjez nimi Frybort a Vavřena.

Nasta to, štož bě kóždy wočakowaľ a čehož bě so knježna Elis strachowaľa — krute wuslyšowanje wonoho spječenja a majalow dla. Tute wěcy so njezatajichu w nakrajnem měsće a bórzy kóždy wo nich

wědžeše. Cyła Litomyšl' bě přikhilena filosofam a někotrežkuli holičo so stróži słyšo, zo bychu mnozy samo z wuzamknjenjom móhli bý pokhostani.

Fryborta běchu te wusłyšowanja hižo započate mjerzac, nic zo by so bojał, ale zo słyšeše doma knježnu Elis skoro bjez přestaća bédować, zo bě so Mařčine jasne wobličo tež pokhmuriło.

Vavřena bě měrny kaž hewak, wurěčeše wšo starostliwej hospozy; ale mjelčeše, hdyž to njepomhaše: Zelenka wuwučowaše, jědžeše k wječeri khlěb ze sadowej muku kaž hewak. Tola na jeho předčasnje zwjadlem wobliču jewješe so nětko někajke tajne spojojenje.

Špina sej z wusłyšowanja mało činješe. Sedžeše při wotewrěnej knižcy, kurješe a z pokhmurjenym wobličom hladaše zamysleny před so.

Knježna Elis sej myslo, zo so snadź rudzi tych wusłyšowanjow a nastawacych khostanjow dla, přistupi k njemu a položiwši zwaha swoju ruku jemu na ramjo, započa jeho tróštować.

Ale přjedy hač bě dorěčała, wobroći so Špina a ze svojim hłubokim hłosom zabórča:

„Hdyby so to jenož bórzy stało! Ja bych so wjeselił, hdy bychu mje wuhnali.“

Elis njemóžeše so dodžiwać. To by tak bylo, zo by něchtón z jeje wobydlenja był pokhostany z wuzamknjenjom!

Sydomaštyreyći filosofow bě pola njeje bydliło, wšitecy běchu stajnje mjez přenimi, su hižo wulcy knježa — a nětkole! — česć jeje wobydlenja bě so zhubila!

Boješe so bóle hač sami studenća. Zo je pječa cyła Litomyšl' na jich boku byla. — To tola nic. — Hdyž wšitecy, to zawěseć nic knjeni Rollerowa a knjeza aktarowa swójba.

Hnydom rano druheho dnja po mejskem swjedženju

započa powědać knjeni Roubinkowa swojemu mandžel-skemu, w „oberštu“ sedźacemu, kajke běchu te lětuše majales byle; a započa jara wobšěrnje a nic runje sprawnje wo tom wukładować, kak bě jich knjez instruktor ju a wosebje Lótku ranił a njepřistojnje so zadžeržował.

Z tym so dótkny jara čućiweje stronki knjeza aktuara. Swoju rozprawu stupnjujo dóndže hač k tomu, kak bě Leńka sama po haju khodźila, kak bě so z instruktorom zabawjala.

Aktuar bě džensa hižo něstokróć swoju hłowu wot krala Herodesa wotwobroćil a by započal zastojniscy wusłyšować, hdyby runje njepřišoł čas, hdyž dyrbyeše do kancelarije.

Hdyž pak bě potom připołdnu domoj přišoł a so nawobjedował, započa Roubinkowa znova, přikładujo ze swědkowstwom knjeni „běrgermejstroweje“ Rollero-weje. Leńka bě w kuchini. Derje wšak čuješe, zo so we jstwe wo njej řeči. Wuj bě džěn při wobjedze něstokróć swoje zymne, lodowe woko na nju wobroćil, a tomu rozumješe.

Njeboješe so, na wšo bě přihotowana, ale tola bu ji tyšno, hdyž na Vavřenu pomysli.

Tón přindže popołdnu we zwučenej hodzinje Frycka wučić. Knjeni aktuarowa přiwita jeho zymnje, Lotty činješe kaž by jeho njewidžala. Podarmo so rozhladowaše po Leńcy. Zawěsće bě ji četa někajke džěło dała, tak zo njemóžeše do jstwy přinć. Hdyž potom wotkhaďžeše, zetka na khódbje Rollerowu.

Radostnje a jara słódcy ju powita knjeni aktuarowa a zdžeržowaše tón luby wopyt tak dołho, hač knjez aktuar z kancelarije so wróci.

Wšo bě wuskoćilo z kolijow!

Štož bě słyšał wot swojeje mandželskeje, to so wobkrući a wobtwjerdži přez knjenju měsćanostowu, kotraž mjez druhim rjekny, zo so Leńka přeceli z tej knježnu

Elis, kotraž je tajka wótčinka, kotraž by wšitko rady na ruby bok zpřewobroćala; za dopokaz toho nawjedowaše, zo je knježna Elis byla z dobrej přecelku njeboh Rettigoweje, kotraž bě chcyła cyłu Litomyšl zwótčinić.

Hdyž bě potom Rollerka wotešla, njeslekny aktuar swój zastojniski kabat, ale wuńdže runy puć do Leńčineje komorki. Tam sedžeše njedaloko wokna jeho bratrowka šijo, kaž bě ji ćeta přikazała.

Holičo bě překwapjene, dokoľž wuj sem nihdy nje-přikhadžeše. Zasta srjedz komorki a hladaše wótrje na Leńku. Khutnje, kruće, kaž w kancelariji započa knjez aktuar. Wuprašowaše so na wčerawši dzeń, na Vavřenu a knježnu Elis.

Leńka wotmołwješe z krutosću a po prawdže, nje-zapřewajo, zo bě z nimaj řećała. Hižo bě wuj přestał a zdaše so, zo je po wusłyšowanju; tu pohladny na blidko.

„Što to maš pod šićom?“

Leńka bě překwapjena a mjelčeše.

„Podaj sem!“

Njemóžeše so stajić.

Roubinek wza mału knížku, kotruž jemu Leńka poda a pohladny na nju zběžnje. Póznawši, zo je w českej řeči napisana, prašeše so, wot koho ju ma.

„Je moja —“ bjezdžak lžeše Leńka, chcedžo Vavřenu přelutować.

„Ah, tak ty přijimaš dary?“ a wuj pokaza na nutřkownu stronu wjazby, hdžež bě podpisany instruktor jeho synka.

Holičo so začerwjeni a mjelčeše.

Bě hižo pozdže zmylk porjedzić. Njeprajiwši hižo ani słowa, woteńdže aktuar z powážnej kročelu, njeso čazanu knížku.

Wječor da sej Roubinek přećiwo swojemu wašnju

swěcu zaswěćić a sydnywši so k blidu we swojom kwětkowanem „obrštu“, rozewrě corpus delicti a da so do čitanja.

Wbohi Mácha!

Njerozumna kritika bě hižo přjedy zatamala jeho baseň „Máj“ a nětko ju sudžeše znova knjez aktuar Roubinek.

Hdyby Frybort abo Vavřena to zymne, bjezdžakne wobličo nad tymi horecymi hrónčkami skhilene widžať, by so dať do smjeća.

Mandželska a džowka běštej hižo šloj spać, w domje nasta čicho. Roubinek džeržo knižku w kosčatej prawicy, čitaše a čitaše, widžomnje z wulkej prócu. Čěskim kniham njebě zwučeny a k tomu bě tuta w „rajmach“, kaž aktuar praješe.

Jimace hrónčka Máchowe žalostnje mało na njeho skutkowachu. Wobličo zastojnika so njepräměni a po khwilcy čitanje jeho napinaše. Wopřesta, tola potom chcedžo swoju winowatosć dopjelnić a knižku kaž so słuša přepytać, čitaše dale a to hižo poľ šęptajo. Po khwilcy přęstachu jeho rty so hibać, jeho woči wšak běhaštej hišće přęz hrónčka, potom wobroći strom, zaso šęptaše, womjelkny — Hižo hlada jenož na jedno městno, z wočomaj mžikajo, zańdželatej so, nětko so zakiwa čecik jeho nócneje čapki a hižo zwjeze so jemu mučna hlowa na wutrobno a zbožownje dřęma.

Bě poľnaj dwaj spēwaj přęčitať a z třęčęho bęchu tu zwostať posľdńje hrónčka

Je pózďni wječor — druhej' meje —
wječornej' meje — slóďki čas,
tujawka wabi k lubosćam nas.

Roubinko! Roubinko!

* * *

Knjez aktuar bě po wšom z ľewej nohu z ľoža stanyl. Bě mjerzaty. Snadź běchu na tom wina wohidne sony, kotrež běchu jeho cyľu nóc čwilowaľe. Kľoda, rječazy, pólcaje, wjele wjetši a hrózbniši hač Kmoniček, šibjeney, kosćowey — to wšitko so jemu mućeše we zmotanem sonje, z kotrehož wotući přepočeny ze strachom a stróželemi.

A to wšitko ta knižka, te „rajmy!“

Tajke bjezbóžne knihy čita jeho khowanka, tajke ji požčuje instruktor jeho syna! Derje bě to čuľ, zo je to tajki wóťcine, nowotař. Mjerzaty woteńdže do kancelarije.

Samsného dopoľdnja zetka so knjeni aktuarowa z knjenju měsćanostowej Rollerku a powědašej khětro doľho hromadže. Rollerka powědaše, zo bě byla wopytać patera rektora a zo je tam wšo kaž so sľuša zhoniľa.

A přjedy hač bě so dopoľdnjo minyľo, so wšudže wědžeše, zo běchu najhórši byli filosofja wot knježny Elis, z kotrychž budžetaj znajmjeńša dwaj wuhnataj.

Tu nowinku powědaše Roubinkowa po wobjedže swojemu mužej, hdyž bě při trubcy jeho rozmjerzanie trochu přešľo.

Knježna Lotty sedžo při woknje na pohodnem stóľčku hladaše škodolubnje na Leńku, kotraž rub při blidže skľadowaše. Widžeše, kak so jeje přeciwnica zatorže a zblědny, kak zatrašena k čee pohladny.

„Tón změje raz džiwny kónc! Hisće tak mľody a hižo so dzerži nowotow a čini přeciwo předstajenym rebeliju. Zasľuži exemplarne pokhostanje,“ rjekny bjez pohnuća Roubinek a wupušći powažnje rynek kura.

Leńka před tym na wokomik kaž woprostnjena, pozběhny nětko hľowu a woteńdže z khwaľkom. Do duše bě ju raniľa ta bjezčuciwosć a wobmjezowanosć.

„Ta budže činić!“ měnješe Lotty, hdyž bě kuzinka wotešľo.

„Ta budže hišće bóle swojeje hłowy! — Na, es wird sich zeigen!“

Domjaca knjeni woteńdze wot knježny Elis, kotrejž bě bjezdžak wulku starosć činiła. Mařčina mać džěn powědaše, štož bě zasłyšała wo studentach, wosebje wo Vavřenje a Frybortu.

Stara, suchuška knježna sedžeše, styskniwje wočakujo, hač něchtón z knjezow filosofow so domoj wróci.

Skónčnje zašćerčachu kročele na skhodach a do jstwy zastupi z khwatkom wjesoły Hanak.

„Ach, knjez Fryborto, zo skónčnje džeće! Wutroba mi pukoce. Prajće mi, što so stawa? Z wotkel džeće?“

„Wot wusłyšowanja —“

„A je wěrnó, zo — was — zo budžeće dyrbjeć prjeć?“

Filosof so zasmja. „To počerja cyłu filosofiju. Wšitey za jednoho!“

„A što, hdyž so tak stanje?“

Frybort zasmja so znova.

„A wy so hišće smějeće? Ta hańba!“

„Njejsym ničó špatneho skučil. Stare wašnjo smy wobarali.“

„Ale budže po studijach.“

Štož mam wědžeć, zo bych porjadny staćan był, to wěm; knihožračk by bjez toho ze mnje njebył!“

„A Mařka?“

„Mařka? Ta ma mje lubo a wozmjese sej mje, budu-li bur na Hanej, runje tak kaž bych někajki adwokat był!“

„Ale što wy, tola knjez Vavřena! Što by tón činił!“

„Wšak sej woni to derje rozmysla, prjedy hač tajkeho wubjerneho studenta wučerja a zkaža. A — pater German budže so za njeho wujimać a na wšón kónc: ex moribus primam, cetera eminenter!“

Knježna mějo telko lět filosofow, bě tym laćónskim

censuram na wuswědčenjach zwukła a rozumješe derje, štož bě Frybort rjekł.

„Daj to Bóh! A je po přeslyšowanju?“

„Haj, snadź jutře hižo so wozjewi rozsudk.“

„A hdže je knjez Vavřena?“

„Do hodžiny je šol.“

* * *

Vavřena kročo po skhodach k aktuarowemu wobydlenju, rozhladowaše so žadosćiwje a wočakowaše, zo wohlada Leńku. Tola khódba bě prózdna. Durje Leńčineje komorki zawrěte. Hižo druhi džen, zo ju njebě widzał! Žedžeše ju wohladać. Wědžeše, zo to njeje jenož tak, zo ji drje aktuarowa wobara. Džensa bě kaž wčera, ani mać, ani džowka njeměještej instruktora tak kedžbu, kaž byštej hewak činiło.

Jenož to bě džensa dziwne, zo bě knjez aktuar hižo doma. Vavřena wučese. Hewak khodžeše w tom času knježna Lotty po to abo wono, nětko so z přenjeje jstwy ani njehibny. Hdyž bě po hodžinje, hladaše aktuar we swojej lěñošcy sedžo na krala Herodesa, zastaji Vavřenu a rěčese k njemu. Rjekny na swoje bjezdžakne, zymne wašnje, zo je zastojnik, kiž dyrby porjadny być, a zo tón porjadk tež wot druhich žadać dyrbi. Zo knjez instruktor wšak ma přejara kedžbu druhich wěcow, kotrež se za njeho njehodža a zo to jemu budže tomu hišće bóle škodžec hač nětko. Zo by měł jenož studować, a nic měć kedžbu rebeliju a njetřebawšeho wótčinstwa a druhich kazyć.

„Žižka a kejžor Jósef běštaj tež Čechaj,“ tónkróć wšak njepřida „a tu našu cyrkew mamy po nimaj na wopomnjeńku“, ale: „a tež nejstaj tajke hłupe, bjezbóžniske knihi čitałoj, z kotrymiž młodym holcam rozum motaće. Načo holey kniha? Mutlička a nic akty! A potom cheu, zo by Fryck —“

„Knjez aktuar, prošu prajće mi lubosćiwje zkrótka, što měniće —“

Aktuarowe wóčko wopušći krala Herodesa a wosta na tom zwažliwem młodźencu, štož rěkaše, zo bě Roubinek njemało překwapjeny.

„Měnju, zo sej druheho — instruktora — a tu maće za měsac —“ a pokaza na blido, hdžež bě Vavřenowa měsačna mzda na meju wusadžena.

Vavřena přispomni, zo sej tych pjenjez hišće njeje zaslužił, podžakowa a woteńdže bjez pjenjez.

Roubinkowa a džowka běštej překwapjenej. Mysleštej sej, zo so Vavřena zastróži, zo so budže zamołwjeć a wón, pokłoniwši so a hordže hłowu pozběhnywši, woteńdže.

„O, tón hordačk! Kak smy so w njom zmylili!“ zwola aktuarka.

Wot aktuarec njeńdžeše Vavřena runy puć domoj, ale pomałku kročeše z města a zasta w nedošinskem haju.

Prjedy hač bě so nadžał we swojom zamyslenju, stoješe njedaloko stareho, zekřiwnjeného štoma hluboko w haju. Kradžeše so zaso pod jeho wjeršk a hladaše bjez přestaća k mócnej hałuzy, ke kotrejž bě jeho hněžko přilěpjene.

Bě cyłe, njebě skóncowane.

Potom kročeše dale a sydže so na ławku pod starym dubom; jeho mysle však běchu hišće pola stareho štoma, hdžež bě z Leńku stał, hdžež bě jeje ručku stłóčil. —

Kak ji poda powěsć, kotruž bě přilubił, kak budže dale? — — —

Knježna Elis a jeje studenća běchu dawno po wječeri, hdyž Vavřena přińdže. Wosta w přednjej jstvě.

„Knježna Elis, to, štož sće dopředka prajiła, je so stało.“

„Su was puščili?“ a zastróžana zhladny k młódźencej. —

„Haj — rani mje to, ale njezabije. Tola —“

„Rozumju, knjez Vavřena. Štó wě, čehodla je to dobre, a swěra dobywa!“ doda wuznamnje.

„Haj — nadźijam so, wěřju, tola wy dyrbyće być ze mnu.“

Elis poda jemu swoju drobnu, suchu ručku, kotruž młody filosof dzakownje stłóči.

VIII.

W kolegiju bě wjele jednanja a wustyšowanja.

Mnozy čujachu zły wukónc, w měsće so powědaše wo najhóršom. Profesor nabožiny, rektor a biskopski komisař běchu přezjedni, zo su so filosofowje hrubje přehřešili a zo dyrbja tohodla być kruće pokhostani.

Profesor nabožiny žadaše njenaprošnje dosčćinjenje za pohanjenje, kotrež bě so jemu stało. Na zbožo studentow nječahaše z nim rektor za jedyn postronk a kłonješe so bjezdžak, poprawom z wotmysłom, na stronu filosofow, kiž běchu ke všemu při wustyšowanju wuznali, zo njemějachu na mysli přeciwo profesorej demonstrować, ale zo bě jich tón připís tak rozhoril, haj, hdyž běchu swědžeń „majales“ zarjadowali, njemyslachu z tym ničo přeciwo profesoram, kaž běchu to pokazali, wołajo, přjedy hač běchu do haja čahnyli, „vivat“ akademiji a tež jim.

W tom jich podpjeraše wuspěšnje stary, razny pater German, kiž jich wobaraše z wulkim wuspěchom w profesorskem kolegiju.

Tola kruty rektor by so zćežka podwolił.

Potom přińdže k njemu něšto nahladnych měsćanow a susodow za studentow prosyć.

Mnohim by so z tym wšo spuščilo, ale někotrych

„wjednikow“, kotřiž běchu wšo zesnowali, by so tola najkručše pokhostanje njezmínylo. Tola na zbožo wšěch bě cyła wěc zabawiła mócneho knjeza, kiž bě so wšemu wutrobiće wusmjál a so wjeseleše nad zwažliwosću filosofow.

Bě to rektorowy susod. Hdyž tajki knjez z krasneho hródu, bohaty, mócný, za někoho słowičko zapołoži, njepadnje to na skału.

Hrabja George bě tón deus ex machina, kiž wšo wujedna, změrowa a k dobremu kóncej dowjedže.

Deputacija k profesorej nabožiny, někotre „primae e moribus“ a něšto hodžinow we filosofskem karceru, to běchu scěhwki, kotřež mnohich filosofow potrjetrichu za spjećowanje w kolegiju a za majales.

Knježna so skoro na Fryborta rozhněwa, když njedželu rano z njej a ze wšěmi we wobydlenju žalosciwje a bolostnje so rozžohnowaše, ducy do kolegija, zo by sej tam wuměrjene hodžiny wotsedzał. Šibał šibałski! Hišće je jemu to k smjeću.

Tež Vavřena džěše wjesele a za nim kaž mjedwjedź bórčo Špina.

Knježna Elis njewuńdže toho dnja ani z domu. Sydomaštyrcyći filosofow bě pola njeje bydlilo, a žadyn z nich njebu takle khostany! Wšitecy su hižo knježa — a nětko tři zdomom w karceru!

Jenož z tym so tróštowaše, zo njeje sama potrjechena, a zo su ěi jeje filosofowje tola najlěpši a něšto móža.

Jich pokhostanje ju mjerzaše, ale knjeza Zelenku tola njepokhwali a cyły dzeń ani słowička z nim njeporěča.

Wšitecy w měsće mějachu radosć, zo filosofowje njebuchu hórje a kručšo pokhostani, jenož knjeni Rollerowa mjenješe, zo by tajkim wólnym pachołam hinak zapiskała. Tež knjeni aktuarowa bě so zmyliła,

tola, štož je wěro, měješe tež na tutom khostanju dosć.

Prjedy hač bě so tydzeń minyl, měješe Fryck noweho instruktora, čicheho, pilneho filosofa, wo kotremž bě rektor knjezej aktualej swědčenje dał, zo pilnje studuje, samo wjac, hač so w kolegiju žada.

Lótka a mać jeho zwoprědka nimo měry přecelniwje witaštej a běštej k njemu jara lubosćiweje — tola za tydzeń bě so domjaca knježna jeho hižo nabyła. Što to wšo pomha — njebě to tola Vavřena! Runaše so drje jemu ze swojim wědženjom, ale to pola knježnički njewažeše. Njebě tak rjany a k tomu, kaž so zdaše, so tuleše a so jeju boješe. Přińdže-li, postrowi, wotkhaďtejo klonješe so a strowješe zaso — wjac skoro wot njeho njeslyšeštej.

„Dušny je, aber unbeholfen,“ to bě suma všeho wobkedźbowanja a wusudkow knježny Lótki, čemuž tež mać přihlósowaše.

Leńka wšak by była druheho měnjenja a prajiła, zo je knjez instruktor wobrotny. Lědma tydzeń k nim khodžeše a hižo přistorči ji jara zručnje a wobhladniwje knižku, w kotrejž namaka lisćik.

Tam čitaše:

„Brož je dobry wótčinc. Wěće jemu. Bywam w haju. Na starem štomje wšitko derje. Jenož ja pytam w haju někoho podarmo, ale nadžijam so a wěrju, zo jeho jónu namakam. Žedžu z wami porěčeć. Wjeselu so, zo mi znajmjeńša z jednej rjadku wotmołwiće. Potom budu wjac pisać. Mějće so derje! Waš V.“

Čitaše nic jónu, dwójcy, ale přecasto, kóždeho wječora we swojej komorecy, a tež, když bywaše sanelutka.

Bórzy přinjese Brož wotmołwu. Vavřena khwataše do hrodoweho parka a tam přečita žadosćiwe žadanu

wolmołwu w šerej dolinje w sćinje starych jědlow : „Sym so jara zwjeseliła. Wěřju, nadźijam so. Postrowće haj a stary štom.“

„Wěřju, nadźijam so!“ wospjetowaše młody filosof a zbožownje so zamysli. — —

Nalěčo so minješe a přikhadžeše lěčo.

Frybort bě wjesoly a zbožowny a zápoča studować, přetož čas pruhowanjow so bližeše. Často widžeše Mařku, rěčeše z njej a Žortowaše a často sej nošeše kwěćel čerstwych, wonjatych kwětkow.

Hanak bě stajnje wjesoly a zbožowny, přinjese-li kwětki, ale njepraješe wot koho; knježna Elis tež njepreradzi ničo a knjeni domjaca hižo njewidžeše jeho kabat na wutrobnje z muku woběleny.

Jenož Špina móžeše swědčić, tón wšak ani nje-pikny. Rěčeše nětko mjenje hač hewak, bě mjerzaty a synlje kurješe a studowaše, zo so tomu knježna Elis džiwaše. Z njej rěčeše nětko Vavřena často wo samoće a přecy wo Leńcy, kotruž by Elis sama zaso rady widžała.

Bě džěn so ji zalubiła, kiž běše bratrowka jeje Juřka; a rady by ju wot aktwarec wuswobodžiła.

Znaješe Vavřenu. Měješe dowěru do jeho powahi.

Taj byštaj wěsće byłoj cyłe žiwjenje zbožownaj. Haj ličeše hižo w duchu, kak dołho dyrbi hišće Vavřena studować, předy hač změje zawěšćeneho postajenja, zo by so mohl woženić. Njewidžeše jeho při wołtarju ze žadnej drugej hač z Leńku. — —

Brož wučěše pilnje Frycka, tak zo jeho knjez aktuar jara khwaleše čicheho instruktora a tež knjezej listownemu jónu njedželu při bjesadže přispomni, zo so jemu nowy wučer tohodla najbóle lubi, zo je skromny a nic do swěta, zo po wšom nima keďžby na žadne nowoty a njetrjebawše wěcy, kolrež młodym ludžom njepristojeja. Tež Leńka njeprěstawaše być džakowna

Brožej, kiž wot Vavřeny nic jenož česke knihi, ale tež lisíiki w nich nošeše.

Hačrunjež khodžeše młody filosof často wokoło stareho domu, w kotremž Roubinek bydleše, tak tola jenož maľohdy wohlada Leńku; četa ju z wočow njespušći. Vavřena bě skokojom a zbožowny, hdyž to lube holiču wohlada; bórzy wšak jemu to njedosahowaše. Chcyše, dyrbješe z njej rěčeć, a w tom jemu bě runje knježna Elis po mnohem wuradźowanju k pomocy.

Leńka njemóžeše na filosofsku mšu khodźić, dyrbješe do hrodu. Tam so zetkawaše z Elis, kotraž bě přecy zbožowna, když móžeše znajmjeńša něšto słowow na galeriji před hrodowskej kapaľku z tym lubym holičom porěčeć. K třecemu razej přiwjedže Mařku sobu a młodej holiči, hižo prjedy so znajacej, so spřecelištej. Mařka khodžeše wězo kaž prjedy na filosofsku mšu, tola tutón mały wopor rady přinjese; znaješe džěn tež tajomstwo Vavřenowe a wjeseleše so nad dušnej knježnu Elis a přecelom Frybortom.

Mařka namołwi Leńku, zo by njedželu popołdnju, hdyž ma khwile, do hrodowskeho parka přišla, zo tam dlěje pobjesadujetej.

Tak so sta. Hdyž knjez aktuar na krala Herodesa hladajo z listownym bjesadowaše a jeho mandželska při nimaj sedžeše a Lótku bě wopytać někajku přecelku w měsće, wotskoči Leńka do blizkeho parka, hdžež Mařka na nju čakaše. V tom času bywaše maľo ludži w parku, přetož wšitcy khodžachu do Nedošina a druhdže za město. Tola dziwny připad bě přiwabił do hrodowskeje zahrady w samsnem času dweju filosofow, kotraž so tu kaž njenadžicy mjez štomami zjewištaj a bórzy khroble k holičomaj so bližeštaj.

Zbóžne khwilki w parku běchu krótke a tola dosahowachu, zo by Vavřena póznał, z kajkej swěrnej

lubosću jeho to lubozne holiču lubuje, kajkich je nutrnych čućow a nadobneje mysle, tola wobsahowachu telko, zo Leńka cyłe dny a na nje spominaše a z nich tróš čerpaše.

Mjez tym, zo tutaj khutnje so rozmołwještaj, zabawješe Frybort ze žortom a pryzlemi swoju Mańku.

Vavřena jenož wobžarowaše, a Leńka tež, zo so njemóžeštaj skhadžować kóždeho dnja, samo nic kóždu njedželu. Druhdy so jich pominy wjac, hač Leńka zaso Mańcy wozjewi, zo budže móc přinć.

A tak zbywachu jenož listy, kotrež khutny postillon d'amour swědomiče a spuščiwje donošowaše.

Njedželu po swj. Antoniju džěše prócesijón ke kapalcy w nedošinske haju, a tu toho dnja bě tam, kaž hewak, skoro cyłe město. Tež knjeni aktuarowa z Lótku tam džěštej a bjesadowastej jara derje z honodacijemi.

Knjeni Rollerowa přindže trochu pozdžišo, ale přimjese knjeni Roubinkowej nowinki — a kajke nowinki.

Rollerowa wědzeše abo zhoni wšitko — a tak njewzosta jej tež tajne Leńčine skhadžowanje z Vavřenu.

Roubinkowa njemóžeše so dodžiwać, njewědzeše, što rjec; tak, ta jeje khowanka so zabywa nima kedžbu dobrych wašnjow — hotowaše so na nju, haj hrožeše; Lótku bě ju docyła zmyliła.

Leńka sedžeše k wječorej we swojej komore, hladajo z wotewřenym woknom do zahradki. W mysličkach bě hišće w parku pod brěčkowcom z Vavřenu. Tu zaropoci wonka drasta, a četa zastupi wot překhodžowanki hišće njerozhotowana. Nasta krute wysłyšowanje. Bratrowka njepřeješe, njelžeše, njezamó to. Rjekny, zo je w parku byla, a na dalše prašenja přizna změrom, zo je z Vavřenu řečala.

To rozhněwa knjenu aktuarowu hišće bóle. Woča-

kowaše, zo budže přěc, plačo prosyc — ale ta twjerda hłowčka so njezhibny, kaž bě ćeta wočakowała.

Sam knjez aktuar bu přiwołany na pomoc. Njewjedro so rozputa w domje. Na wšón kónc ćeta zakaza Leńcy, zo by khodžiła do parka a řečala z Vavřenu, štož tež muž wobkrući a skónčnje hrožeše knjeni Roubinkowa, zo by so Leńka zdała maćeřskeje starosće swojeje ćety, hdyby na swojom wostała, a zo by mohła hić za tym hłodomřeřskim, na ničo hordym filosofom.

* * *

W juliju přijědže sam hradecki biskup, zo by był při pruhowanjach, wosebje z nabožiny.

Zelenka bu wot samoho wuknjenja suchi kaž ľučwo.

Wječor před samem pruhowanju poprosy Špina knježnu Elis, zo by jemu zwarila čorný kofej, zo budže cyłu nóc studować. Knježna Elis njespaše w tajkich wokomikach, ale nocowaše ze swojimi studentami. Wječor, bě wokoło džesaćich, zaklepny Frybort knihu. „Štož wěm, to wěm, za nóc to njespóžeram.“

Lehny so a po khwilcy spaše zbožownje a spokojnje. Po jědnatej sklepný Vavřena knihu a bórzy tež jemu zańdželi spar mučnej woći. W tom času piješe Špina čorný kofej, zo by wšu zasparnosć začerił. Kniha nabožiny ležeše před nim, čitaše a kurješe. Husty kur so waleše w mróčalkach po nizkej jstwe jako mľha na horach ap řěz nje bě widžec njesprócnu blědu hłowu Zelenkowu, kiž zhorbnjeny nad explikacijemi za druhim blidkom při swětle wolijoweje lampy studowaše, abo „drěješe“, kaž by Frybort prajił.

Knježna Elis sedžeše we swojej jstwe při woknje, hladao do ćicheje, wložneje nocy. Mysleše, zo jutře ji jeje studenća hańby njenaćinja. Wo Zelency a Vavřenje bě wěsta, Frybort měješe hłowu jako slěborný zwónčk a Špina bě posłědni čas jara pilnje studował.

Ale starostliwa knježna njewědžeše, zo bě jenož při knizy sydał a z myslíčkami Bóh wě hdže bludził. Bě k połnocy, hdyž zlohka durje pódlanskeje jstwički wotewri. Słyšeše měrne dychanje spjacych, widžeše Zelenku jako nócnu sowu sedžeć, a tam w kutku sedži Špina nad knihu. Škleńca prózdna, kofej wupity — a słyš, to smorčenje! Božedla! Wupije kofej a — spi! —

„Njebožatko, je smjerc mučny!“ pomysli sej Elis. „To stajne studowanie je jeho přemohło. Snadź bych jeho měla zbudzić? Ale je pozdže a wón zasparny, mučny —“

A zaso so zdali zčicha a so lehny.

Nazajtra, hdyž filosofowje k pruhowanju džěchu, přejese jim wjele zboža, připominajo, zo bychy so pokrjepili ze swjećenej wodu a sej sčinili křiž. Cyłe dopołdnjo bě kaž na jehličkach, kóždy wokomik běhaše k woknu a pohladny won. Mařcy bě runje tak, kaž Elis, ke kotrejž často do kuchinje „jenož wotskoči“. Wo druhem so njerěčeše khiba wo studentach a wo pruhowanju.

Po ćopłem powětru zatřepotachu zwuki zwona, połdnjo wozjewjaceho, miny so hišće poł hodžinki, a hakle ščerčachu kroče a hłosy powědachu deleka w khěži. Elis ćisny lžicu a wuběža spěšnje na nakhěžu.

Wot deleka słyšeše Mařčiny wjesely hłos a Frybortowy směch. Wšo bě derje skónčilo! A tu hižo knjez Zelenka! Blědej, suchuškej licy stej wujasnjenej, rty so směja —

„Omnia eminenter, knježna!“

„Wšak sće sej to zaslužil! Witam was!“

A za nim hižo stupaše Vavřena, měrniši, ale tež wjesoly, a poslední Frybort.

„Knježna Elis,“ wołaše hižo na skhodach, „maće-li dosć wowsa a husacych kulkow na kormjenje? Njesu wam „husycu.“

„Rjenje so džakuju, to by was nan z tajkěje ptačinu njerady widzał —“

„Rady widži rady. Same wubjerne to njejsu, tola derje je to skónčilo!“

„Buhu džakowano! Ale hdže je Špina?“

Vavřena a Frybort mjelčeštaj. Mjez tym stupichu do jstwy.

„Khudak, we wšom ma njezbožo,“ rjekny khutnje Vavřena.

„A tak je studował! Što započnje?“

Knježna Elis měješe radosć zkaženu. Bě sej wěsće myslila, že Špina wobstoi, wšak bě před tym tak wutrajnje studował.

Čakachu na njeho, ale wón njeńdžeše.

„Nochce nam wjeselo kazyć,“ mjenješe Vavřena, „a woprawdže, njewjeselu so džensa tak, kaž bych so radował, hdyby so tež Špina mohł z nami wjeselić!“

Tón sedžeše za čicheho parneho popołdnja w hrodowskem parku deleka w husćinje pod starej jědlu. Wobličo bě zeprěl do dłónje, hladaše prosće do zemje.

Z njezboža, kotrež bě jeho trjechiło, bě so hižo zhrabał. Přemyslowaše nětko, što jemu zbywa, kotry puć by měl nastupić. Sedžeše dolho a skónčnje so wot-sali pomałku kročo z parka. Po měsće džěše spěšnišo, njewobhladowaše so; mysleše sej džěn, zo wšitcy za nim so wobroćeja, šeptaju a wusměšnje na njeho hla-daju! Doma trjechi jenož knježnu Elis. Přinjese jemu jědž, nošeše jemu, štož měješe, pruhowanja wšak so njedotkny ani z jednym słowom.

Špina něšto mało pojě. Potom wobroćiwši so ke knježnje rjekny:

„Tak, hižo wěsće —“

„Wěm a džiwam so tomu. Sće tak pilny był.“

„Hm, hižo je so stało.“

„Škoda lěta!“

„Njebudu wospjetować. — Wšitko je tu na mnje.“

„A što zapóčnjeće?“

„Pónđu do klóštra —“ rjekny čěmnje, ale kruće.

„Maće tola hubjenu censuru z nabožiny.“

„Pola smilnych bratrow mje tola wozmu.“

„Božedla, knjez Špina!“

Tola wón bě so hižo rozsudził. Wujasni ji, zo nima žadneje podpjery, zo dyrbi sej kóždu skibku khlěba sam zasłužeć.

„Što bych so drěł — ničeho njewočakuju, njenadzi-
jam so, a hdybych tu wostał, by to runje zas tak
skónčilo, přetož tu nimam měra —“

Tu womjelkny. Knježna Elis, stojo njedaloko njeho
rjekny sobuželnje: „Znaju waše njezbožo a wěm —“

Filosof zběhny nahle hłowu.

„Wy wěsće? No — nětko so mi hakle wusmějeće!“

„Ale knjez Špina, što sej wo mni mysliće?“

Ale wón hižo ani njepikny. Bě po zdaću měrny,
tola za tym bjezdžaknym wobličom so wšak taješe
wichor čućow. Po khwilej stany a woteńdže do swo-
jeje jstwički.

Knježna Elis, hladajo na tu postawu dopřědka pře-
wisowacu we wjetkhej drasće začu hłuboku sobužel-
nosć.

Přepadły filosof stupi k woknu swojeje jstwy a
hladaše zamysleny na naměsto. Tam bě njewšědne
žiwjenje. Studenća we wjetších črjódkach tam kho-
džachu, a wšitecy běchu wjeseli, žiwje z rukomaj sej
swědčo. Widžeše wozy jězdźić, na nich stojachu stu-
dentske kofry a lódki, pódla wozow stupachu nanowje,
měšćenjo a wjesnjenjo we wšelakorych drastach. Wšitecy
běchu sej přijěli po svojich synow; wotwjezu jich
domoj, hdžež změja zbožowne a wjesołe prózdniny.
Po njeho nichtón njepříndže; nima domizny, ani nana,

ani starosćiweje, dobroćiweje maćeřki, nikoho, kiž by jeho přećelnje a radostnje na prózdniny witał.

Jeho woči wotpočnyštej na napřećiwněj stronje naměsta; tam stoješe před domom burski wóz, do kotrehož bě zapřehnjeny sylny brunačk. Na wozu hižo so čornješe kofeř, na njom ležachu poslesća do wuzoła zwjazane na pisanem rubišću. Přědku při konju stoješe mały studenćik, gymnasiast, kiž džensa zawěsće z radosću, wočakowanjom a žedženjom njebě woči zańdželił a majkaše něžnje a radostnje lubeho kónika, kotrehož hižo tak dołho njebě widzał a kiž jeho bórzy k maćeřcy powjeze.

Nan hišće domjacemu knjezej dozapłaćuje, synk njemóže skoro hižo dočakać.

Tón prosty wujaw pohnu Špinu. Widžeše před sobu staru, bělu koblu wuja fararja, kotraž bě jeho małego studentka lěto wob lěto k wujej a staršimaj wozyła.

Spominaše, kak bě tež wón ju z radosću witał a majkał, spominaše, kak bě domoj jězdził, kak bě jemu maćeřka napřečo khodžila, kak bě wuj farař jeho za dobre wuswědčenje majkał a mytował — wšitke te proste, ale za njeho tak žadne a radostne wokomiki zbožowneje młodosće mihnnychu so přez jeho dušu kaž krasny són; a wón zeprě so z hłowu k muri a da sa do płakanja. — —

Tón dzeń bě w Litomyšli wjele radosće, tola tež dosć zrudoby. Někotřežkuli holičo zrudnje so zamysli, zo jeje filosof hakle za měsacomaj zas přińdže, haj mnohi, wopušćejo filosofiju, so snadź hižo njewróci a na wysokich šulach we wulkej Praze snadź zabudže.

Tež Leńcy so mućeštej wóčcy, ale prócowaše so na rty wusměw wuwabić.

Njesmědžeše z Vavřenu řečeć, z krutym khostanjom jej hrožachu. Tola što je ji hroženje, što khostanje?

Přińdže tajnje při směrkach na zapowědžene městno

w parku. Bě sej wjele zvažila. Samalutka, tak pozdže — tola měješe Vavřena woteńć bjez toho, zo by z nim porěčala ?

Kóžde słowo — třepotacy lisíčko, wuraz hlubokeho čuća, kotrež wobknježa wutrobu, wšu dušu.

Róžowy blyšč, blyskacy přez wjerški štomow bě hasnył, na haj so lěhaše čma. Leńka so měješe k hiću. Džěštaj něšto kročeli, zastaštej zaso, tola njenaprošny čas poručese. Leńka poda Vavřenje dyrkotacu ruku, wón ju stłóči, přiwinywši třepotace holičo k swojej wutrobje a wokoši jeje čerstwe rty. Womjelkny w jeho wobjeću, widžeše w šěri jeje nablěde wobličo, přizańdželene, z dołhimi mikawčkami wobrubjene wěčko. Nahle so jemu wutorhny a khwataše prječ, na běl drasta so mihny hišće po keřkach, wrótka ke knježemu domu zawórčachu.

Leńka so zhubi. Vavřenje klinčeše dołal cunje horce: „Njezabudź!“ a na rtach čuješe hišće horce wokošenje lubowaneho holiča. Stoješe hišće na samsnem městnje a hladaše w tu stronu, w kotrejž bě so zhubila, Bě so zećmiło.

* * *

W korčmje pola Prenccec hižo swěćachu a we jstwe pod wisatej lampu bě wjeselo. Filosofowje, kotřiž hakle jutře wotjědu, běchu so tu zešli, zo bychu naposlědy pobjesadowali w kolegialnem, přecelskem towařstwje. Wjesołosće njebě njedostatk — to by było, zo by so student před prózdninami rudził! Druhdy sej zaspěwachu, potom pěseń so přetorhny ze směchom, wołanjom a žortami. A njemóžachu so dosmjec, hdyž Frybort započa po swojom žortniwem wašnju powědać wo njeprzyjmnosći, kotraž bě so knjeni Rollerowej stała. Džensa drje bě to powšitkownje znate, ale když to Frybort powědaše, smějachu so znowa.

Při džensnišich wulkich kemšach bě so tlóčila hač ke khórej a tam při samom wobložanju so sydnýla, majo swoje plećenje sobu. Hdyž pilnje wobkedžbowaše a ze swojim kałatym wokom něhdže stronu hladaše, wuhlada něchtó bliže stojacy, zo je sačk wotewrěty a zo je horjeka w njom džiwna wěc. Hdyž so potom Rollerka zaso wobróci, by skoro wótře wukřiknyla. Khětre so zhrabawši, přimny z prawicu po sačku, kiž bě na džiwnu wašnje přez wobloženje spadnył, ale njezadžerža jón. Khilejo so za nim, widžeše, zo so ludźo k njej horje wobroćeja, zo tu ze spodžiwanjom, tam so smějo za kartami łoja, kotrež běchu z měška wupadle a jako sněhowe mjetle so kolebajo pomalšu na spodžiwany lud so sypachu.

To bě smjeća a žortow w cyłej Litomyšli dla njezbožowneho pada kartow knjeni „běrgarmejstroweje“.

Ale najwjětše wjeselo z toho mějachu filosofowje pola Prencce z hromadźeni. Bě hižo pozdže, tola směchej, hołku a spěweј njebě tam kónc.

Cyłe město drěmaše we wobjeću wložneje julijskeje nocy. Ludźo, kiž sedžachu na ławkach před domami, zhubichu so k pońocy: hišće klinčeše něhdže z wotewrěnym woknom dyrnkanje kitary — tež to so zlehny. Čicho. —

We wustupku starožitneho domu sedžeše při wotewrětem woknje domjacych. Mařka. — Njemóžeše wusnyć. Widžeše na naměsto a do haski tam kónčaceje, napřećo wěžu radnicy, za kotrejž so wjelbowaše émowomódre, z hwězdami posyte njebo. Knježna Elis bě ji rjekla, zo bě z wječora wotešoł. Hač je so wrócił?

A hdy budže kónc tym prózdninam? Zrudny, dołhi čas! —

Zrazom zasłyšachu so w šěrej wuličcy dušene zwuki mužskich hłosow. Mařka ze sobu torhny, potom wotskoči z napjatosću posłuchajo. Hižo rozeznowa jedyn; to

džěn je Frybortowy zwučny hlós! Zastaničko! Jej! Kak krasny spěw, kak lubje klinči přez nócu čišinu! Přistupi kedžbliwje k woknu. Wuhlada deleka spěwarjow, Frybortowych towaršow, kotrehož tež w šeri spózna. Słyšeše, zo so napřećo wokna wotwěraju, zo ludžo k nim přistupnja, wotskoči znowa. Jej k česći!

Spěw doklinča — kročele rozkhadžacych so spěwarjow ščerčachu po dložbje, hač so zhubichu — potom wrjeskotaše kluč w khěžnych durjach, słyšeše po skhodach kročele, nětko zóichnychu při durjach jeje jstwički. Zatřepota, rozmyslejo so přistupi bliže.

„Mařka, dobru nóć! Dobru nóć!“ šeptny wonka čichi, wutrobny hlós.

O, kak rady by jemu podžakowała a prajiła, kajke wjeselo je ji sčinił!

Ale njemóžeše, njesmědžeše, a jenož zóicha wospjetowaše: „Dobru nóć!“ Durje zakřipichu. Frybort bě so zdalił. Wšudže bě změrom jenož w Mařčinej wutrobje nic. Dobru nóć!

* * *

Wšitey studenća hotowachu so prječ. Na wšech pućach z Litomyšle bě widžec mnoho wozow, wobćeženych ze studentskimi wěcami, měřjacych do wšelakorych kónčin Čech a Morawy. Zelenka bě wotjěl dopołdnja, bórzy po njom Vavřena a popołdnu rozžohnowa so Frybort. Jeho nan, pócéiwy, hišće młódný Hanak, džakowaše wutrobnje knježnje Elis, zo je so tak wo jeho syna starała, a praješe wjele dobreho wot „panimamy“, kotraž bě ji něštožkuli na znamjo swojeje džakownosće do kuchinje pósłała. Wjesoly filosof dawaše wjesele božemje wšem w domje, ale hdyž Mařcy, nětko powážnej a mjelčacej, naposlědy ruku podawaše, wopuści jeho tež wjeselosć.

„Maľu khwilku a zaso so widźimoj! Božemje!“ zwoľa wutrobiće.

Wšo bě po něcom zwotjěło a w Litomyšli bě ćicho. Bě džěn na krótki čas khudša wo něšto stow ludźi, a to młodych a wólnych. Samo w domach bě ćicho, zrudno.

„Je tu kaž po pohrjebje,“ praješe knježna Elis, knjeni domjacej.

„Haj, woprawdže, bjez nich by tu zrudno było, njej, wěrnó, Mařka?“

Džowka so začěrwjeni.

Je mi, kaž bychu mi synowje wotešli. Wěće mi, knjeni domjaca, sydomaštyrcyćí filosofow syn měľa, tola tutych mam najradšo,“ a mysleše po prawom jenož najbóle na Vavřenu a Fryborta.

„A što knjez Špina?“ woprašša sa knjeni domjaca.

„Póndže jutře — wbohušk, do klóštra.“

Tón bě cyłe popołdnjo něhdže khodźił. Pozdže popołdnju bě w hrodowskem parku, hdžež sedžeše pod štomom zamysleny. Potom džeše domoj, poprosy knježnu Elis, zo njeby jemu daľa zaspac, zo rano zahe woteńdže.

„A njeprajiće nikomu božemje?“

„Komu?“

„Knjeni domjacej?“

Tu trjechu w klamach. Do bydlenja njepóndu.“

Elis zrozumi.

„Tak Mařku ani njewohladaće —“ doda ćíše.

„Ně — nochcu —“ wurazy z ćěsnjenym hłosom filosof.

„Tola rjekńće ji — prošu —“ Špinowe wobličo so zbarbi do ćěmna, „rjekńće ji, zo ji přěju wjele zboža — zo by přecy zbožowna była.“ Womjelkny a ničo wjacý wo ni njeporěča.

Tu nóc spaše maľo. Poslědnje khwilki horja a prócow poľneho, ale tola swobodneho žiwjenja! Što na njeho

čaka? Radosć a zbožo nihdže, wo tom bě přesvědčeny we swojej jěrej mysli.

Rano přida knježna Elis jemu do jeho skromneho wačoka hišće cyroby.

Njebě sej pomyslił, zo džělenje budže tak ćežke. Tu pózna, kak starostliwa, dušna, dobra bě ta jeho hospoza byla, tajkeje duše nihdy njenamaka. Hlós jemu so třaseše, hdyž ji za wšitko džakowaše.

Knježnje Elis ronjachu so sylzy a prošeše, zo by na nju tež so druhdy z lisćikom dopomnił. Hdyž bě wušoł do khěže, zasta kaž pohlušeny. Bě zahe rano, a Mařka bě hižo zwoblekana, młódna kaž róža stoješe w khěži při skhodach, kaž by na njeho čakała. Přistupi k ni, tola rěčeć njemóžeše. Horło so jemu sćeže, jenož woči rěčeštej. Potom zastýša jeje slěbrokliněny hlós, kiž bě jemu telkokróć wutroby rozbudził.

„Ani byšće mi boženje njeprajił, knjez Špina. Mějće so rjenje a dopomniće so tež na nas!“

Jemu běše, kaž by so w émowej khěži wujasniło. Na rtach so jemu zjewi wusměw. Porěča něšto zamotaného, z čehož bě jenož jasne: „Budźće zbožowna! Božemje!“ To překwapjace zetkanje, poslednja radosć a zrudoba, tež to bě skutk knježny Elis.

Změrowa so hakle, hdyž bě za Litomyšlu. Wačok w lěwicy, kij w prawicy, kročeše po drozy k Wysokemu Mýtu. Hdyž bě na wjeršk hórkow dostupił, zasta pódla stareho topoła při puću so wupinaceho. Filosof hladaše na posłědy na krajinu a město, hdžež bě swoje młode lěta přebywał. Bě jasne žnjencowe ranjo. O kak je tu rjenje, lubo! Nedošinski dólčk, lučiny, haj — wšitko tak młódne, čerstwe, z émowej zelenje wustupuja domy města jako w zahrodže. Tam krasny hród w parku, njedaloko tón njezbožowny kolegij, deleka wěža radnicy a napřećo starožitny dom z wustupkom, a tam —

Na wšitko to hladaše naposlědy, na přecy so džěleše z lubymi městnami, a zdobom dawaše božemje swojej młodosći a swobodze. —

O studentske lěta!

Doby radosćow a starosćow, doby njesprócniweho studowanja, strachowanja a bojosće před pruhowanjemi, žortow, wjesołosće a spěwanja, doby „hodžinow“ a sprócniwaceho wuwučowanja, jasneje mysle, wólnych mocow, doby tradanja a hladu a tola bohate na růžowe sony, poľne nadžijow a planow, doby swobody, přecelstwa, přenjejo hrónčkowanja a přenjeje lubosće! — O, što by so rady z wami džělił, što by z cyłje duše na was njespominał w čěsni a zymnoće kruteho žiwjenja, poľneho rozkorow a zmylenjow!

IX.

Knježna Elis bě z dobročěrku młodych lubowacych, a tohodla bě pola njeje skoro filialka pósta.

Koždy raz, hdyž diligenca přijědže, přinjeje ji listonoš znajmjeńša jedyn lisćik, a wona mało hdy jedyn rozpječatowa.

Pohladny na wobalku a wuhladawši to abo wono znamješko, skhowa jón do komódy do kemšacych knihow. Hdyž bě listonoš wotešoł, najbóle přiběža wot domjacych Mařka a žadosćiwje so prašeše:

„Něšto za mnje?“

Kak so wjeseleše, hdyž knježna wusměwajo so wotmołwi:

„Tole je z Morawy.“

Druhdy so stawaše, zo dóndžeštaj dwaj listaj a tu potom postaješe Elis:

„Tón je waš, tón do hrodowskeje kapalki —“

Tam mjenujcy je woteda Mařka Leńcy, z kotrejž so tam kóždu njedželu widžeše.

„Tak što piše?“ by so prašala po času knježna, hdyžkuli bě holiču list z wočomaj spěšnje přelěčało.

„Wjele dobrego a wutrobny džak, a zo so wjeseli, hdyž tu zasy budže.“

Wěrju, wěrju; a wy tež, knježna Mařka, nej' wěrnó?“

Něhdže dwójcy bě Frybort pisał samej knježnje Elis. Vavřena pak wjacj króć. Zelenka wšak ani jónu so njedopomni a Špina tohorunja njedawaše wo sebi wědžeć.

„Što by khudak pisał, khiba wo njezbožu.“ měnješe knježna Elis, hdyž bě Mařka při bjesadze na njeho spomniła.

Tak minychu so wjesole prózdniny, džen po dnju, studentam doma spěšnje, w skoku, holičam w Litomyšli pomałku, zwaha.

Leňka měješe so wot swjedženja „majales“ hórje hač hewak. Lótka činješe jako by ani kuzinka njebyła, četa bu džen a krućiša a pola wuja, nad kotrymž w domjacych wěcach mandželska knježeše, njena-maka tež škita. Leňka džělaše, staraše so w domjac-nosći za wšitkich, a tola to njebě hišće dosć. Tež ludžo hižo na to hladachu a tu a tam so powědaše, kak z tym pilnym holičom wobkhađžeja. Bjerjechu knjeni aktuarowej za zło, zo swoju bratrowku stajnje jako popjelku doma wostawa, zo ju nihdže sobu njebjerje a žadneho zawjeselenja ji njepopřeje.

Ale w tom běchu so zmylili. Leňka měješe wětšu swobodu, hdyž bě wo samoće. Tu móžeše čitać swoje česke knihi a Vavřenowe listy, tu móžeše so njemylena poddawać swojim nadžijam a sonam.

Hdyž běchu prózdniny nastałe, měješe trochu wjacj swobody. Móžeše sej skerje wuńć. Njedželu rano kho-džeše do hrodowskeje kapałki, popołdnju něhdže do parka, druhdy na keřchow wopytać rowy swojeju

staršeju. Jenička, najlubša towařská bě ji Mařka, kotraž wyše listow ji raz tež přinjese přeprošenje, zo by knježnu Elis wopytała. Třeću njedželu w prózdninach zetka so z tutej popřewařku na pohřebnišću, z wotkel woteńdže z njej do jeje bydlenja, hdžež bě hižo dawno sej přała pohladać.

Bě to krasne popoľdnjo w tej swětlej jstwě, hdžež bě wšo tak na swojom městnje a wšo so jenož tak swěćeše!

Młode holičo zasta wosrjedža, hladajo na podobiznu młodeho duchowneho — wuja.

Leňka a Elis běštej pohnutej, zhladowaštej na tón stary wobraz jimaj tak luby a drohi. Potom zawjedže knježna Elis swojeho hosća tež do studentskeje jstwy a pokaza ji, hdžež bě Vavřena sydał, blidko měł a studował. Někto tu bě ćicho a prózdno. — —

Tydžeń so minješe po tydženju, lisćiki khodžachu a wotkhaďžachu; Leňka wopyta hišće něštokróć knježnu Elis a Mařku. Hdyž knjeni aktuarowa wo tom skónčnje zhoni a swoju bratrowku wuswariwši ji tute wopyty zakaza, bě hižo pozdže, přetož nazyma bě hižo tu.

A jako bě sad dozrawił, trawa zblědnyła, kwětki zwjadnyłe a ptački na doloki puć so hotowachu, zjězdžowachu so ze wšěch stron dawno žadani hosćo.

Ze wšěch kónčin Čech a z Morawy jězdžachu zaso wozy wobćežkane ze studentskimi lódkami a pisanymi posleščemi, w měsće bě zaso wrjeskot, hołk, nowe, ćile žiwjenje. Studenća tu běchu.

Přijěchu gymnasiasća, přijěchu knježa filosofowje.

Wšo bě po starem. Elis a Mařka měještej njemału radosć, hdyž Frybort a bórzy po njom Vavřena přijě. Zelenka přičeže tež ke knježnje Elis, započa hnydom z wopředka pilnje studować, wuwučowaše kaž loni, žiwjo so skromnje, a často zaso wječerješe pórciju

sucheho khlěba a sadowu muku. Wo Špinje ani wroble njespěwachu, bě, kaž by do wody zapadnył.

Brož wučese zaso aktwarec Frycka a nastupi znowa swojo městno postillona d'amour, přetož jako běchu filosofja přijěli, hladaše knjeni Roubinkowa za Leńku hišće bóle, tak zo njezby, hač zo byštaj sej lubaj z pismom zdžěliłoj, štož ze słowami sej rjec njemóžeštaj.

Frybort bě zbožowniši. Bě Mařcy tak blisko, widžeše a rěčeše z njej wšědnje, k tomu jemu ani knjeni domjaca w tom njezadžěwaše.

Nazyma so miny; zemja mjerznješe a ze začehnjeneho šereho njebjazlětowaše přeni sněh. Frybort měješe nětko skoro runje telko starosći, kaž na lěto před swjedženjom „majales“.

Hižo před hodami so powědaše, wšo so wjeseleše na filosofski bal, kiž bywaše w měsće najrjeńši a najslawniši. Tež lětsa hotowachu so na njón jara a knježa z wnbjerka, mjez kotrymiž bě Frybort najpřeńši, najwobrotniši, so starachu, zo by lětuši z rjanosću a pychu předkhadžace přetrjechił, jako bychy čuli, zo je to posłědni staroslawneje filosofije.

Roubinkec Lótka zo hižo z časom a starostliwje přihotowaše. „Ty dyrbiš z kralownu być, keine andere!“ mjenješe knjeni aktuarowa, hdyž na drastach so šiješe. Leńka měješe na nich najhlowniši podžěl.

Dyrbješe na nich pilnje šic, bjez toho zo by so při tom wjeselić mohła, zo tež wona na tón bal přińdže, kotrehož so Lótka njemóžeše dočakać. Nic so njenadzižeše, zo by tam směła hić. By nježedžiła; tola kak móžeše wostać měrna? Něšto hodžin Vavřenje blisko być, s nim rěčeć! Tola džiwy so stawachu. Tydžen před balom woprašo so jeje četa, chce-li tež hić, zo by so hotowała. Roubinkowa njebě to sčiniła na namołwjenje swjeho muža. ale skerje tohodla, zo bě

z mnohich stron slyšala, kak so wo tom w měsće řeči, zo je zla, kruta, haj njesmilna.

Wězo Leńka njeměješe tak drohe drasty jako Lotty, tola jeje wušikna ruka zamó z małego mnoho sčinić, a štož na pychu pobrachowaše, to doda młode, wurazne wobličo, blyščate wóčko, bohate włosy a rjana postawa.

Nasta wječor žadaneho dnja. Wonka mjerznješe, hwězdy třepotachu. Knjez aktuar Roubinek wumydleny, wupikany khodžeše po jstwě, čakajo na žónske hišće so hotowace.

Džensa měješe na sebi „Klapalka“, čorný frak, kiž jemu najlěpje přistoješe, měješe mjeno po swojom wušiknem zhotowjerju. Wonka zaklinča jasny klinkot zwónčkow, sanje zastachu před domom. Aktuar přistupiwiši k durjam damskeje jstwy zaklepa.

„Khwatajće, sanje tu hižo su —“

„Aber, Roubinek, wšak njejsu hišće třěleli —“

Tu zahowri mócný wutřěl z mjeluša a za nim hnydom druhi. Bal so započá. Lotty runje dokončiwši swoju toaletu stoješe před hladadłom dokladnje so w njom wobhladujo. Mać ze zalubjenjom a zahorjenosću njemóžeće woka wotwobroćić wot młódného rjaného holiča, we slódněj, bohaće wupyšenej drasće.

„Nein, ty dyrbiš z kralownu być, Lotty! Wenn eine Dame schön sein soll, muß sie schön gewachsen sein, a to sy ty, Lotty! Znowa hladaše, pruhowaše. Wenn eine Dame schön sein soll, muß sie dunkle Augen haben, a ty je maš! Hišće tu seklu, Lotty, tak — Wenn eine Dame — schön sein soll — muß sie dunkles Haar haben, a ty jo maš. Aber, Roubinek!“ zwoła mjerzata, hdyž njesćerpliwy mandželski znowa na durje zaklepa. „Wie ich sag’, ty dyrbiš z kralownu być —“

Přez zymski wječor so rozlěhachu wutřěle z mje-
lušow na wosławjenje filosofskeho bala.

„Tak so jenož měj na kedźbu, zo so drasta nje-
zatołče. Sy hotowa Leny? Woprašo so nahle swojeje
bratrowki.

„Sym —“

Stronu hladadła stoješe Leńka, nic pokutnje, ani
pokorjena ani zawisiwa, ale měrna. Tola, hdyž na
pyšnu toaletu swojeje kuzinki pohladny, zmóeni so jeje
styskna bojosć, zalubi-li so we swojej jednorej drasće
Vavřenje? Sudžeše džěn so překruće, njewědžo, kak
ji wšo přewubjernje přistoji, kak je lubozna jako roz-
kčěty, młódný nalik.

Skónčnje so durje toaletnych tajnosći wotewrěchu
a zymne wóčko knjeza aktuara zamžikny z překwa-
penjom, hdyž Lotty we wšej pyše a krasy wuhlada.
Hdyž běchu so tež domjacy ludžo hišće donadźiwali,
sydžechu so Roubinjec do sani a jědžechu z hórki
k njedalokemu Karlovu, kiž so blyšćeše z přeličbnymi
swětłami. Na móstku k hosćencu wjedźacemu stojachu
mječerjo wuhenjow w poľnej pyše dđeržo palace smol-
nicy, dale Kmoniček, tohornuja swjedžeńscy wupikany.
Před mostom tłóčeše so husta črjóda přihladowarjow,
kiž běchu přišli a sudžachu kóždeho přikhadnika, ko-
trychž njebě kónca. Holiča w lóžkich balowych drastach
so jenož wokoło mihachu. W zymnem wětru so swě-
ćachu smolnicy, wutřěle so rozlěhachu, rejowarjow a
rejowarkow, nanow a mačerjow stajnje přibywaše a wšo
so čišćeše k durjam do sala, hdžež zwučna hudźba
džělaše.

W sali poľnej swětłow při klinčacej, wjesolej hudźbje
bě wjeselo. Knježa filosofowje so hižo wo to starachu,
zo by damam čas najprijomnišo so minyl. Hdyž Leńka
po skhodach do sala stupaša, třepótaše ji wutroba

z bojoscu a wočakowanjom a lubozne celo přeńdže z lóžkim mrózom, hdyž hudźba zapiska.

Bě džěn w swojom žiwjenju k přenjemu razej w tajkej wulkej towaršnosći.

Sebjewědomje zastupi Lotty do sala přijimajo miłosćiwje poklony galantnych studentow. Jeje blyščale wočko bě bórzy přewidžało cyłu salu. Jenož tam při pódlanskich durjach, hdžež stoješe šwižny, rjany młody muž, hladaše dlěje.

Widžeše, kak bě Vavřena khłódnje, bjez pohnuća na nju zhladnył, kak hłowu změrom wobroća — a nětko — torhny ze sobu, wočko so jemu zaswěći a filosofowy měř bě so pominył.

O, tutón zaslepjenc! Bě wočakowała něšto druheho hač tón zymny, bjezdžakny pohlad. A tola bě so jemu wočko zaswěćiło, ale druheje dla.

Na Leńku hladaše bjez přestaća, radostnje překwapjeny, zbožowny! Njebě ju wočakował, njebě wědzał, zo přińdže. — A jako bě fararjowa khowanke to zablysknjenje jeho woka, tón blyšč radosće w jeho wobliču wuhladała, wopuści ju wša bojosć a ćěšnosć, a we wutrobje zajuska. A hdyž potom před nju stupi a wo rejku poprosy, hdyž ju w swojom wobjeću přez swětlý sal při wjesolej hudźbě njeseše, hdyž slyšeše horjace, wutrobne słowa, kotrež ji při rejcy šěptaše — zawjerća so ji młoda hłowička ze zbožownosću.

Při scěnach pod wulkimi hladadłami stojachu fauteuile a lěńjoški, hdžež sydaše najwyšši tribunal: knjenje, garde-damy. Kosćany binokl k wočomaj elegantnje přikładuju hladaše knjeni Roubinkowa na swoju džowku, kotraž z koła skoro njepřikhadžeše.

A hdyž so při přestawcy po salu khodžeše, bě Lótkka kaž woblēhana. Jenož tón, wo kotremž bě sej myslila, zo džensa wěsće k njej přińdže, tón činješe, kaž by jeje njewidzał.

Čakaše, tola podarmo. Widžeše, kak runje z kuzinku a z njej žiwje, dowěrnje řeči a horda Lótku bě zaso njespokojena, mjerzatu. Tež jeje mać scěhowaše, z krutym a njepopřejnym wokom wězo, tu zbožownu dwójcu.

Tola Lenka a Vavřena njeměještaj kedžby tych pohladow a zamróčenych, wusměšacych wobličow; wužiwaštej z poľnej měru tych něšto zbožownych khwilkow, kotrež běchu jimaj popřate, runje tak kaž Frybort, kiž wšu swoju kedžbnosć wěnowaše luboznej, zbožownej Mařcy.

„Hdyby naju tak knježna Elis widžala!“ šepťaše Leňka.

„By naju žohnowała —“

Wokoło jědnacich zaklinča wótra fanfara z maľeje galerije, hdžež sedžachu hercy. Hrabja Žorš ze swojej překrasnej sotru bě filosofski bal počesćil ze svojim wopytom. Tola bórzy po tutom přetorhnjenju bě wšo zaso kaž přjedy.

Piskachu, rejowachu.

Połnóc přińdže a Vavřena hišće njebě přišoľ Lótcy so pokłonić a po zdaću tež hižo njepřińdže. Njebě dobyła. Běle čolko majo z mróčaľku njespokojnosće pokhmurjene, přistupi k maćeri.

„Bedenke nur, wie er ungalant ist,“ započu skoržić, ale tu ji přińdže zarunanje. Knjez hrabja wotkhaďžejo, zasta pola knjenje aktuaroweje a džowki. ke kotrymajž porěča něšto přećelniwych słowow; Roubinkowej so wjerćeše hłowa ze zbožownosću. Hdyž bě potom wotešoľ a wona z maćerju do pódlanskeje jstwy džěše, za mandželskim, pohladny ze zacpićom na Vavřenu a Leňku, kotrejuž zetka. Štó so ji wuruna? Što je wón, tón student z burskeho rodu? Njeje džiwa, sprostý sprosteho pyta! Roubinkowa njezaby znatym zdžělic, sto bě knjez hrabja jimaj lichotneho rjekľ, a hnydom

so roznjese, zo je Lótku wozjewił za kralownu bala. Najhórje bě knjezej aktwarej Roubinkej. Pičk njebě, w karty njemóžeše sej zahrać a nihdže tu na scěnje njewisaše kral Herodes, na kotrehož by mohł zložić swojej woči. Khodžeše bórzy spać, a nětko tu cyłu nóc přesedžeć! — Zywaše, chcyše so jemu „oberšta“, nócneje čapki a mjehkeho łóžka. Tola to bě z nim pohnuło a jeho zradowało, kak bě so miłosćiwej wyšnosći zlubilo přecelniwje z mandželskej porěčeć.

Hakle hdyž so raniše zerja šěrjachu, rozkhadžachu so z bala. Frybort přewodžeše knjenju domjacu a Mařku, z nimi džěše Vavřena. Swójba knjeza Roubinka džěše nětko tež pěši. Sněh přelětowaše a kładžeše so na šale a płašće damow derje zawalonych. Hačrunjež mučnej, tola rěčeštej wo tom wuznamjenjenju ze strony knjeza hrabje. Jenož Leńka mjelčeše; w jeje mysličkach wšak bě kaž w nalěcu, poľno kwětkow, kaž w přecelniwej komorecy poľno měra a čicheje zbožownosće.

Mysleše na Vavřenowe słowa, na jeho swjaty slub, kiž bě ji slubił we wupyšenem rondelu sala, hdyž tam sedžeštaj khwilku wo samoće.

„Dočakajmoj, droha Leńka! Je wot tebje njepušću a naju lubosć njepřeradžu! bě jej rjekł a wona jemu wěrješe kaž ewangeliju.

X.

Rozekčě nowe nalěco, kotrež přinjese nimo kwětkow a ptačich spěwow tež raniše zerja a blyšč noweje doby, po kotrež žedžachu narody z absolutismom scěsnjene. Metternich bě padnył, censura bě so zběhnyła a bě so dowoliło zarjadowanje narodneje wobory. Dnja 15. měrcu bě so konstitucija wozjewiła. Powěsć wo tom napjelni Prahu a cyłe česke kralestwo z wjeselom a juskanjom.

Wšudže so zarjadowa narodna wobora abo garda. We Winje so postaji studentska legija, rozdžělena po staroromsku, a za njedołho njebě tuta jenička.

Měr čicheje Litomyšle bě wotlěcał Bóh wě hdže. Wšo bě wujěło ze svojich kolijow a přewróty so stawachu nahle, njewočakowanie, přez nóc. Z maćerki Prahi přikhadžeše powěsć po powěsći, rozdražnjejo a napinajo mysle wšěch. Jedni witachu konstituciju z radosću, druzi w njewěstoće wočakowachu, a někotři, bóle stronu a za čichim, swarjachu na te nowoty a kaženje zwučeneho porjadka.

Knjz aktuar Roubinek bě njezbožowny, wšón bjez sebje. Njeměješe nětko khwilku wotdychnjenja, přetož jeho najkonserwatiwniši duch so strachowaše wšěch nowotow a čuješe doprědka přewróćenje wšeho porjadka, wšeje discipliny a skónčnu powšitkownu zahubu.

Knjz listowny časćišo k njemu přikhadžeše, tola wo „róžowemu“ bjesadowanju njebě řeče. Roubinek drje hišće hladaše na krala Herodesa, tola časćišo nětko woči wot njeho wotwobroćeše, přetož knjz listowny přinošeše nowinki.

We Winje zběžki, w Prazy šmaty, zhromadźizny prosteho ludu, zběhnjenje censury, roboty — Božo, Božo, hdže tón swět spěje, kajka njezasnica je tola ta konstitucija, zo wšo wot spody přewobroća!

Wšudže we wokolnych městach tworja gardy, w Litomyšli změja ju tež bórzy a kóždy staćan budže so dyrbyeć přimać brónje, dóstanje na hlówu čako, budže na blejše eksercěrować, na straži stać, na manevry khodzić!

To by čłowjek mohł skhorjeć! Knjz aktuar njemóžeše so ani trochu wjac derje poměć, hdyž w „oberštu“ na sebi w lěnjoscy sydaše, hižo jemu ani trubka derje njesłodžeše, njech tež bě Lótka ze svojim róžowym porsćikom tobak přitłóčila.

Na stajnosći bě słyšeć hołk a spěwanje na wulicach, wyskanje a wjergańca, ze wšěch stron klinčeše: „Narod, wótčina, swoboda, runoprawosć, česka řeč, samozarjadnistwo a što wě kajke hišće hesła přepinaných mozowin, kaž Roubinek listownemu rjekny.

Bóh wě, z wotkel běchu so ěi wótčincy zrazom wzali! Běchu přez nóc wurostli kaž hriby po deščiku. Wšitcy chcychu być z dobrymi wótčincami! Nihdže žadneje česćownosće, přjedawši respekt bě so minyl! Kóždy nošeše hłowu hordžišo, kaž by z tej konstituciju wo kusk wurostł. Knjeni Roubinkowa to ćežcy njeseše, zo wšudže so započinaše jenož čěscy řečeć a zo so jeje čěšćinje tu a tam smějachu. Kaž mandželski w listownem, tak měješe wona přěćelku w knjeni Rollerowej.

„Bedenken sie, ta naša Leny! Přjedy stajnje kaž něma, swojeje hłowy, nětko powědata a wjesoła. To je wšitko —“

„Diese Konstitution! Budžeće widžeć, man wird noch rauben und morden!“

A što hakle potom, hdyž Lótka přikhwatawši domoj powědaše, zo běchu filosofowje wulku zhromadžiznu měli a so rozsudžili, zo sej wutworja studentsku legiju!

„To smy hotowi!“ zdychny Roubinek. „Što to je, da-li so džěsću nóż abo britej? Studentam tesaki město pjerow! To smy hotowi!“

„Und was die Professoren und was der Pater Rektor?“

„Njemóža tomu zadžěwać —“

„Hdže tež to — hdyž ani zastojnistwo — ani ministerstwo nima respektu —“ a Roubinek pohladny wo-prostnjeny na krala Herodesa.

Knježna Elis nětko za cyły boží džen swych studentow, nimo Zelenku, mało wuhlada. Běchu džěn na stajnosći w kolegiju abo na zhromadžiznach, kotrymž njebě kónca. Kak by so jich mohł zmyněć Frybort a

Vavřena? Na všech akademijach a wustawach so tworja, abo běchu so hižo wutworile studentskeje legije, a měješe litomyšlska filosofija poslední byc? Nichtó njeby so jim mohl stajec, a tež njebychu sej dali wadzić; a tak po krótkem času, přjedy hač bě měščanstwo wutworilo corps narodneje wobory, zřadowa so legija, nawjedowana přez stotnika a wolenych wyškow.

Knjeni domjaca, bjesadujo z knježnu Elis, často wupraji swoju bojosć nad tutym znjeměrnjenym časom, kiž zawěsće ničo dobrego njepřinjese. Tola suchuška, rozwučena knježna ju tróštowaše, wukładujo ji konstituciju, kaž ji sama rozumješe a kaž bě ju Vavřena wo njej powučil. Wjeseleše so wulcy, zo všudže knježeše wótčinski duch, kiž bě so hač dotal dđerzał w měsće jenož kaž skhowany a njespóznaty.

„Što by tomu njeboh Rettigowa rjekła? Zo so njeje toho dočakała!“ a pohladny při tom na wobraz čicheho, woporniweho wótčince patera Jurija.

A kak bě jeje wobydlenje widžane! Z radosću skoro so začerwjeni, hdyž Mařka z khwatkom přiběža ji wozjewić, zo su filosofowje we wulkej zhromadźiznje Fryborta a Vavřenu zwolili za wyškow.

„To dyrbi oficěrsku šerpu měc!“ měnješe Elis.

„Ja ju budu šic Frybortej —“

„A ja knjezej Vavřenje — Leňka, wboha, njemóže —“

Hdyž pozdže popołdnu Frybort domoj džěše, zetka připadnje Mařku na skhodach.

„Rjenje witam, knjez oficěr!“ witaše jeho šipałcy rozradostnjene holičo.

„Džakuju so. Nětko so hižo njeboju, knježna Mařka, holiča maju najradšo barbite wułożki —“ a hižo jej tłóčeše ruku a wokoši ju na jeje malenowe čerstwe rty.

„Tajka je oficěrska —“

Nazajtra, bě njedžěla, měješe legija přeni raz wučahnyć na zwučowanje. Bórzy po wobjedže wotmě so

mała swjatočnosť we wobydlenju knježny Elis. Knjeni domjaca bě přišla z džowku, kotraž přinjese něšto zawobaleneho do papjery. Hdyž bě to rozwalila, wučěže krasnu šerpu čerwjeno-běleje barby a podobnu přinjese knježna Elis z drastnika. Wobaj wyškaj-filosofaj stoještaj wosrjedź jstwy, na hłowomaj mějo zelenej čapcy z čerwjeno-bělým bančíkom. Uniformy njeměještaj, tola po boku jimaj brinčeštej na rjanem rjemjenju swětłej mječeje. Wšěm bě na wobličach widzieć spokojnosť a radosć.

Frybort z posměwom skhili trochu swój tył a Mařka, začerwjeniwši so, stupi so před nim na palcy swoich małych nóżkow a wěšeše jemu přez ramjo šerpu a zwjaza jemu po boku rjanu seklu. Młody legionář so kłonjo strowješe po wojeřsku. Tu zastupi do jstwički młody studenčik, wozjewjejo, zo knjez Brož sćełe knjezej Vavřenje tutón pakčik. Filosof z khwatkom stany a po njom sahaše, a hdyž bě jón rozwalil, wuhlada krasnu šerpu čerwjeno-běleje barby a ze šerpy wupadže lisíčků. Vavřena jón hnydom přečita a — začerwjeni so z radosću.

„O dyrbju wotstupić, to hižo wěm!“ zwola knježna Elis. „Ale činju to rady. Knježna Leňka —“

„Sćełe mi tu šerpu —“

„To swoju skhowam —“

„Tola prosy, zo byšće ju mi připowěsnyła —“

„To so rozumi — što hewak?“

Wyšcy — filosofowje podžakowawši a po wojeřsku postrowiwši, woteńdžěchu k legiji. Mać, džowka a knježna Elis přistupiwši k woknu hladachu za studentomaj, kotraž we swojej pyše a wobronjenju mužnje sej wukročowaštaj. — Wšo činješe rewoluciju, samo knjeza Roubinkowe periody!

Tule njedželu popołdnju sedžeše aktuar kaž přecy za blidom pišo list swojemu kolegej na Rychemburku. Hewak to džěše kaž samo wot so, sada za sadu,

perioda za periodu, wurunana, wuhładkowana, zo knjeni Roubinkowa na to rady posłuchaše. Tola džensa nje-móžeše jeje mandželski ani jedneje porjadneje sady napisać. Hdže započec, hdyž je toho telko w tom bohaprózdnem, rebelantskem času? Hewak by pisał wo wětriku, wjedrje, tu a tam wo někajkej nowincy w zastojnistwje — a džensa pisać — što by so tež nje-mjerzał, wšudže, samo do pjera so jemu tłóči ta „swoboda, runoprawosć, wótčina, zběhnjenje roboty —“

Lědma bě přenju rjadku napisał, bu hižo wutorhnjeny. Wonka bě čemny hołk, spěwanje, potom razne kročełe wulkeje črjody. Mandželska a džowka přiskočištej k woknam.

„Nanko, nanko, hižo du!“

Hołk bě so hižo přibližił pod same wokna. Roubinek stany a džěše tež pohladać.

Na wulicy črjóda ludži, srjedža kroči z wotměrjenej, jednakej kročelu studentska legija — na čole stotnik, na boku wyšcy. Wšitecy, tež prosći legionarjo maju zelene čapki a brónje.

Wotdzělenje za wotdzělenjom — nětko Lótka ze sobu torhny. —

Tu je Vavřena — wyšk — hižo słyši jeho zwučny hlós:

„Na prawo hlej!“ a cyła kohorta z tym strowjo tak čini.

„Na prawo hlej!“ rozkazuje hnydom za nim swojemu přećelej k woli wyšk Frybort a jeho kohorta hlada na prawo.

Komu to. O, Lotty bě derje Vavřenowy pohlad sčehowała, kiž so měrješe k woknu na khódbje, hdžez Leńka stoješe. Ju kohorty strowja.

Wotskoči wot wokna a tež jeje nan džěše mjerzaty k swojej lěñošcy.

Po khwiley da so zaso do pisanja, tola wjedžeše so jemu při tom kaž prjedy. Měješe prawicu wo blido zeprěnu a dzeržo w njej namočenu trosku, hladaše na krala Herodesa, t. j. bě so zamyslił.

Ta legija nochcyše jemu z hlowy. Wótčincy! Hm! načo te brónje a te zelene čapki? Zelene čapki!

Skhili so a pisaše. Na papjeru wupłunychu z čorneho pjera zelene čapki! Štó bě to hdy słyšał? Žižka a kejžor Józef běštaj tež wótčincej a — — brónje! Zelene čapki! Zahuba! — — —

* * *

Filosofowje so skhadźowachu po wotbytych přednoškach, zo bychu so wojeršcy zwučowali. Zwopředka běchu přezjedni mjez sobu, ale hdyž česka wjetšina nochcyše dlěje čěrpjeć njeznjesliwosć a knježiwosć Němcow, wustupichu tući z legije, kotraž bu nětko čisće wótčinska a zwoli sej za stotnika razneho Čecha Jehličku.

Ale njeběchu wótčiny jenož ze spěwanjom a hubu. Hač dotal běchu wšě přednoški němske byle, wo českej řeči a literaturje njeběchu slyšeli ani słowa. Wšitecy čujachu, zo je trjeba, zo bychu so wudospořili a wobkručili v maćérnej řeči. Tola štó měješe jim přednošować a štó jich powučec?

Wšitecy profesorwje běchu ze stareho časa a njewu-
znachu so w českej řečnicy a literaturje, ani zrěčniwy, wótčinski starušk pater German.

Wo tom so składowaše rada a hdyž běchu wšitecy přezjedni, džěštaj Vavřena a Frybort jako deputacija runy puć na tachantstwo k paterej Antonijej Šantej, wo kotremž bě znate, zo je wutrobity, skutkowny wótčinc a zo horliwje haji česku řeč a literaturu.

Młody duchowny knjez sedžo w deleńcy, čitaše, hdyž w khěži tesaki zaščerčachu a do jstwy zastu-

pištaj delegataj studentskeje legije. Bě radostnje překwapjeny wusłyšawši jich próstwu, a zwólniwje přilubi, njebudže-li pater rektor přećiwo tomu. Tón za wonych poměrów njemóžeše a dyrbyeše wurjadneho docenta připušćić.

Bórzy potom bě sal filosofiskeho kolegija wšón poľny. Profesorjo, za nimi studenća, gardisća, měšćenjo běchu přišli do přednoška; telko posłuchařstwa měwaše jenož druhdy pater German, hdyž přednošowaše z historije wosebjě zajimawe partije. Jako bychu to ani ei filosofowje njebyli, kiž běchu loni w samsnych rumnosćach profesorej nabožiny tu helsku haru wuwjedli. Stojachu tu, zo by mohł słyšeć muchu lećeć, woči wšěch běchu zložene na młodeho duchowneho, kiž nětko na katedru stupaše.

Z jasnym hłosom započa přednošeć zawod. Z horcymi zrěčniwymi słowami spominaše na minyłosć českeho naroda, na jeho sławu, spadowanje — pokaza na njespróčniwe džěło najprěnišich budźicelow Jungmanna, — hišće žiwych Šafařika, Palackeho, rěčeše wo přitomnem, nadźijow poľnem času, wo lěpšom přichodze.

Ćicho bě po cyľem salu, woči młodźencow ze zahorjenosću so blyščachu. Pohlad patera Antonija wotpočny na běłowłosnem pateru Germanu, kiž styknjenej rucy wo kij zepjeraše. Na tom wuraznem, nadobnem wobliču bě widzeć hľuboke pohnuće a z tych duchapoľnych woči ronjachu so radostne sylzy přez zmoršćene wobličo.

To bě radosć Symeona, komuž bě popřate, wuhladac switanje noweho dnja, kotryž bě tak doľho, doľho woćakował.

Hrimacy přiklesk klinčeše po ľubi, hdyž bě pater Antonius skónčił. Wot tutoho dnja mějachu na filoso-

fiji nowy přednošk, a w žadnem druhem njebě telko poslucharjow kaž w tutom. — —

Tutoho dnja, hdyž bě cyła filosofija zahorjena a rozradosnjena, přindže žalostne njezbožo na aktuara Roubinka, kiž njebě na přednošku był.

Knjeni Roubinkowej so zecny, hdyž jeje muž wróciwši so z kancelarije do jstwy zastupi. Dołho na njeho řečeše, zo by prajił, što je so stało, čehodla je tajki zamyleny. Ale wón so zwjeze do lěnjoshi, njesleče so ani Abrahama, štož wjele rěkaše při jeho zlutniwosci, njewoblekny so ani do „oberšta“, ale hlađaše ze svojim lodowym wokom na krala Herodesa. Skónčnje, hdyž bě so počala knjeni aktuarowa šepjerić, rjekny :

„Garda —“

„Što garda? Kajka garda?“

„Hrodowska —“

„Ale tak — njerozumju —“

„Budže hrodowska garda —“

„Aber Roubinek — rede doch vernünftig, wšak je w měsće garda —“

„Knjez hrabja Žorš chce — tež měć — gardu —“

„Tu so hakle Roubinkowa džiwaše.

„Du mußt auch — ty tež dyrbiš?“

Roubinek jenož kiwny z hłowu.

„A listowny tež?“

„Tež — wšitey —“

Swět so wobróca z nohomaj horje! Hdyž so sama miłosćiwe knježstwo přidawa k tym nowotam a rebelantam, što so móže stajeć. Ale wono poručí a wón dyrbi posluchać. Dyrbi hić do hrodowskeje brónjernje, tam jemu připinu někajki stary palaš, položa na ramjo třělbu, staja jeho do rjady a hižo budže po hrodowskem dworje „jedin“, „dwaj“, „jedin“, „dwaj“ khodzić „prawa“, „lěwa“, mój ty božo, kaž tajcy keklerjo,

či měščanscy gardisća a hlupikojći studenća — wón aktuar! A přińdu a budža na njeho hladać džěci, wotrostli, wšitecy, a sčini-li někajky zmylk — budža wołać „syno“, „słoma“ a wón, ze zelenej čapku na hłowje budže skakać kaž někajki pojac! Hdže potom česćownosć, hdže wostanje respekt, autorita? — —

XI.

Wótčinske zahorjenje přimaše stajnje dale a dale. Tež holiča a žony, narodnostnych naležnosćow hewak mjenje kedžby mějo, njestajachu so žołmam zahorjenosće. Dobře symjo, zasyte tu přez Dobromiłu Rettigowu njeseše nětko bohate płody. Žiwjenje woneje doby bě kaž deščik, kiž pozbudži rostlinu wótčinstwa, tu dotal za ćichim rosćacu, tam jenož žiworjacu. Najbóle so z toho radowaštej knježna Elis a Leńka. Mjez tym zo so gardy a studenća zwučowachu, na stražu khodžachu, ponoćki zastawachu, hromadžachu knjenje a knježny mjez sobu pjenjezy a hdyž bě jich dosć nazběraných, zešichu a wupyšichu krasnu korhoj, kotraž měješe zmahować nad hłowami wólných studentskich legionarjow.

Zběraćelki mějachu jenož snadneho wuspěcha pola Roubinkec. Knjeni aktuarowa, kotraž by jim najradšo durje pokazała, njewopokaza so pře ara darniwa. Ale jich tak zeyła wotbyć njebě móžno tych konstitučnych časow dla. Hdyž zběraćelki wotkhadžachu, zetkachu na skhodach Roubinkowu khowanu, kotraž bě tam widžomnje na nje čakała. Čerwjjenje so wuceže z kapsy swojeje falki něšto do papjery zawaleneho a woteda to zběrařkam.

„Prošu, wzmiće tu maličkost!“

Hdyby Vavřena wuhladał Leńku čerwjenu, skromnu, w luboznem rozmyslowanju, by zahorjeny zwokošał tu ručku, kotraž bě woprowała na wótčinsku wěc nalutowanu šerpatku, cyłe swoje zamóženje.

Meja bě přišla, tola bjez „majales“. Njebě na nje khwile, mysle wšěch so zabywachu z khutnišimi wěcami. Z Prahi přikhadžachu bjez přestaća nowe a nowe powěsće, kotrež zdžěla zastróžachu, tola zwjetša rjanu nadžiju a wočakowanje lěpsich časow zwěsćowachu.

Předewzaće litomyšlskich knjenjow a knježnow bě so wubjerje poradžilo. Korhoj bě zhotowjena. Kaž džěčo so Leňka zaradowa, když ji Brož doruči čišćane łopjeno, na kotremž čitaše: „Přeprošenje k swjatočnemu swjećenju korhoje litomyšlskeje studentskeje legie, kotrež so wotměje dnja 21. meje 1848 po sčehowacem porjedže.“

A hdyž bě přečitala porjad, njemóžeše swojej woči wotwobroćić wot posledních rjadkow.

„Na porjeńšenju tutoho swjedženja wobdžěli so wótročřělniski corps a oficěrstwo narodneje wobory. Wubjerk studentskeje legije w Litomyšli“.

Radowaše so a běše horda na Vavřenu, wyška a sobustawa wubjerka.

Mjez tym skući knjez Roubinek něšto, čehož by so njenadzał nihdy, hdyž bě přecy tak zymny a lodowy.

Runje bě so wrócił mučny a sprócný z exercěrowanja — a namaka na blidže tute přeprošenje. Lědma bě přečital něšto rjadkow, zmoršći papjeru w rucy a řězny z njej do kuta. Tola k čemu wšón hněw. Přeciwo wóđže njemóže so płować. Roubinek ze swojim hněwom by swjedženju njezadžěwał. Jedynadwacyty džen měsaca meje bě zymny, njedžíwajo na to bě so zešlo dosć ludži při kolegiju, hdžež běchu zhromadženi hodnostarjo se wulkem salu, kmótr korhoje, młody hrabja Kinský, studenća a druzy hosćo. Tam na powyšene městno wustupiwiši porěča družka korhoje, swjedzensy zdrasćena, bratrowka patera Germana, w mjenje litomyšlskich knjenjow a knježnow, přepodawajo korhoj, kotruž bě wupýšila z krasnym kwěćelom, z něžnej kedžbliwosću ji darjenym. Stotnik Jehlička wotmołwi

ze zahorjenymi słowami za studentsku legiju. Potom čeh-nješe hobrska šwita na naměsto, hdžež běchu so roze-stupali wótrořřelniski corps, městska garda a student-stwo.

Přez jasne powětro zaklinča wótre, doľho trajace juskanje, hdyž nowa poswjećena korhoj, na kotrejž ze zlotými pismikami so blyšćeše „Přezjednosć“, „Ru-nosć“, k přenjemu razej vysoko nad hłowami student-skeje legije so zmahowaše, hdyž jeje drohotne sekle k přenjemu razej we wěřřiku kolebajo třepotachu.

Při wotewřětem woknu stoješe Elis z Leňku. Wobě wótčincy hladaštej z horcym wobdžělenjom na tutón swjedžen: Tež khutna, swjatočna číšina, přez kotruž bě słyšeć jenož hlós duchowneho a juskanje, wšo jej jimaše.

Hudźba zapiska a wšě towařstwa a cyły zastup nastaji so w doľhem čahu wróco k piaritskej cyrkwi, hdžež měješe so swjatočnosć skónčić ze mšu a spě-wom „Te deum“.

Elis zhladowaše z radoscu na sylne rjady filosofow, kotřřiž hordže za nowej korhoju stupachu, ale Leňčine ličko so nahle začerwjeni, hdyž šwižny wyšk knjej do wokna zhladny a ju z pohladom a posměwkom stro-wješe. Kak mužnje kročeše, kak jemu wšo přistoješe!

* * *

Pohnutosć zjawneho žiwjenja rosćeše džen wote dnja. Praha, tuta wutroba českeho naroda, bě ze srjedziščom tutoho hibanja, kotrež so šerješe do wšěch dželow českeho kralestwa. Nahle, njewočakowane pře-wróty so stawachu skoro přez nóć, stajnje nowe podawki, domjace a wukrajne, rozdražnjowachu wšě woršty, kotrež so horliwje ze wšim zaběrachu. Běchu džěn so wupisałe wólby do českeho sejma a tež do frankfurtskeho parlamenta, scěhowaše sławny manifest

Palackeho. Potom Češa a Němcy, přjedy přezjedni, so rozestupiechu, w Prazy so sta někotřežkuli překročenje porjadka a čahańca. Zastojnistwa pozbychu swojeje mocy a zli ludžo znjewužiwachu teje krótkeje doby złoteje swobody.

Šum roznjemdrijenych žołmow dolěhaše hač do Litomyšle, hewak tak čicheje. Aktuar Roubinek zadwělowaše. Hižo njeskoržeše; khodžeše na zwučowanja, do zastojnistwa, sydaše doma, hladajo na swój zalubowany wobraz, a jenož hdyž listowny přikhadžeše, jemu so wolóži, přetož móžeše so wutrobiće wuskoržić. Knjeni Roubinkowa a jeje přecelka. Rollerka dyrbještej mjelčec — njepřihłosowaštej ničemu, wšo bě jinaj přećiwo mysli, tola je strašne w tajkich časach swoje měnjenje zjawnje wuznawać.

Rollerka tajnje protestowaše; bě ji kaj knježercy, kotraž bě so dyrbjała knježerstwa zdać.

Lótka njewědžeše, na kotru stronu so přikhilić. — Z oposicije přećiwo Vavřenje a Leńcy bě přećiwo všemu; tola hdyž běchu so wšitecy a skoro wšě holiča přeměnile, započa jej być wuzko w tom wosamočenem postajenju. Leńcy tute pohnute dny tyjachu. Skhadžowaše so wjele časčišo z Vavřenu hač přjedy, bjez toho, zo by jej mohla knjeni četa wobarać.

Knježnje Elis nošachu nětko kóždu khwilku jeje studenća njewšědne powěsće. Najbóle zastróža Frybort swoju hospozu, hdyž wozjewi, zo kónc meje so skónči lětuši semester na filosofiji. Hišće bóle so stróži z teje powěsće Mařka. Tola wjesoly Hanak ju zamó tróštwac, zo tu wostanje. Činješe to jeje a časa dla. Tola přećiwo všemu wočakowanju měješe so přjedy rozžohnować, hač sej mysleše, a tohorunja Vavřena, kiž do zwučenych prózdnin nochcyše wopuścić Litomyšl.

Džěl legionarow so rozeńdže, wosebje po wosmem juniju, hdyž so stotnik Jehlička ze zjawnej řeču roz-

žohnowa z towařšemi, profesorami, měščanami a wótcinskimi knježnami.

„Slawni wótcowje, prjedownicy naši, kotrychž je do rowa zrazyła mordařska ruka cuzbnikow a našeje wótciny škódnikow, wam přisaham w mjenje svojich towařšow, zo smy swěrne waši synowje, zo budžemy mužnje hajić znowa wudobyte prawa čěskemu narodu, zo ze skutkom dopokažemy, zo chcemy česćić rěč a wašnja, a budže-li trjeba, chcemy swoju narodnosć tež škitać z khrobłej prawicu!“

Někotražkuli knježnička ronješe sylzy, hdyž khrobli filosofowje so rozkhaďachu. Leńka a Mařka běštej spokojniše. Hišće nimale dwaj poľnej měsacaj, prjedy hač dźelenje nastanje!

Ale tu přindže druhi swjatkowny swjaty džen, dwanaty junij, wosudny, njezbožowny džen!

Dnja 13. junija dóndžechu do Litomyšle hrózbne powěšće, kotrež wšech rozpyrichu. „W Prazy je wudyřila rewolucija, staroslawne město je wustajene strachej. W tutom žaľostnem njeporjadku rubi a kradnje nje-wjazana cwóľba, wšo je zpowróćane, a njeje doś srědkow a mocow, z kotrymiž byštej so wróćiloj porjady a disciplina!“

Podobne powěšće, poľne hrózbnych podrobnosći, rozlěčachu so błyskospěšnje po cyľem měsće. Na Bělidle zeńdže so wjetša ličba měščanow, wosebje gardisća a wótrořěľcy. Bě přišla powěsć, zo z kraja dže wohroženej Prazy pomoc, a po ďalšej debaće rozsudžichu so tohorunja, zo počahnu k Prazy. Před tym pak posłaľachu něšto nahladnych měščanow k najbližšej železničnej staciji, zo bychu zhonili, kak so wěcy maju a dže-li tež z druhich kónčin Prazy pomoc. Z wječora běchu wotjěľi, zahe rano mějachu so wróćić. Prjedy hač so wšitecy rozeńdžechu z Bělidla, wotsalištaj so wottudy filosofaj, hdyž běštaj najhľowniše słyšaľoj.

Džěštej hromadže khutnje rozmołwjejo. Před domom knježny Elis sej wutrobnje stłóčištaj ruku — Vavřena so nastaji k hrodu, Frybort do bydlenja, hdžež trjечи knježnu nastróžanu, nabojanu, a z njej Mařku. Wobě nětko so wuprašowaštej na přemoh filosofa. Běše jimaj džiwno, zo Frybort, hačrunjež nikak poraženy, bě tola khutniši hač hewak. A hdyž bě wšo doprajił, zblědny knježna Elis a Mařka woněmi wustróžana, a da so do plakanja. Plakaše khwilku a bě słyšeć přez plač:

„Wy mje nimaće lubo — wy móžeće jenož tak woteńć —“

Ale Frybort přiwinuwši ju k sebi pokoješe ju kaž móžeše, dopokazujo, zo je to jeho swjata winowatosć, zo je to Vavřenje slubił.

Tež Elis jeho zdžeržowaše; tola jeje dopokazowanie, što tam sam wukonja, što tomu nan rjeknje, samo Mařčine prošenje njezmó ničo.

W hrodowskem parku stoješe Leńka z Vavřenu. Něšto ji dowěrnje a ćíše powědaše. Wbohe holičo zblědny při řeči; hdyž pak bě luby dorěčał, mjelčeše khwilku, hladajo ze zloženyumaj wóčkomaj do zemje. Njerjekny ani słówčka, bě měrna kaž woprostnjena. Na luboznem wobliču bě widžeć, zo bědži we sebi bolostne bědženje.

Potom zhladnywši k njemu z wložnym, sylzowatym wóčkom, poda jemu ruku.

„Njemóžeće hinak jednać, to je waša winowatosć, džiće —“

Hłós so ji třaseše a z razom woněmiwši skhili swoju hłowičku na jeho ramjo a spłakny.

To bě zrudny wječor, zrudna nóć! Dołho bě widžeć swětło pola knježny Elis a po pońnoocy kyrěachu khěžne durje, z kotrychž wustupišlaj mužaj. Horjeka pak we jstwičcy plakaše domjacych Mařka a knježna

Elis so modleše. We swojej komorcy sedžeše tež Leňka njemóžo spać. Před njej ležachu wotewrěte knižki a w nich modlitwa za wótčinu, spisana z wujowej ruku.

Zahe z ranja, hišće při směrkanju wróćeše so z khwatkom měšćanska deputacija, zo by dała rozprawu, štož bě na železnicy widžała a słyšała.

Njeměješe ani kedźby dweju młodźencow, kotrajž spěšnje tam kročeštaj, z wotkelž wona jědzeše.

Nowy dzeń switaše. Deputacija bližeše so městu, tola tu hižo zetkawaše wotdžele gardistow a wótrotrělcow, kotřiž powěsćow njewočaknywši běchu so rozsudzili wučahnyć Prazy na pomoc. Při korčmje „Babka“ hižo stojachu wozy; na nich bě nakładžena cyroba a wšě potrjebý tutoho małego měšćanskeho wójska. Ze swojimi powěsćemi, kotrychž běchu na železnicy nabyli, njewotwobročichu jich wupóslani měšćenjo, haj wobkručichu, zo všemu tak je a zo gardy čěskich městow ćahnu k Prazy. Dachu so na pokhód.

* * *

Tehdom wopasowaše so tež knjez aktuar Roubinek ze swojim dołhim starožitnym palašom na škit maćerki Prahi. Žižka a kejžor Józef běštaj po jeho mēnjenju tež wótčincaj, ale takle njejtaj sej zawěsće mjeć připinałoj. Roubinek bě blědy, z bojosću woprostnjeny a dołho to traješe, prjedy hač sebi pas zapiny. Jeho struchłosć bě po zdaću sčěhwk zrudoby a plaća mandželskeje a džowki.

O, tón hrabja Žorš njeměješe wutroby! Wusłyšawši, zo je w Prazy bjezknježstwo, zo swójstwo a žiwjenja staćanow njejsu wěste, zo je litomyšlska garda a tež z druhich městow wušla hłownemu městu na pomoc, rozkaza swojej hrodowskej woborje, zo by so ze spěchom wobroniła a na pokhód do Prahi so hotowała.

Kralo Herodeso! Ty njejsy był wukrutniši, dajo morić wšě noworodžene džěćatka betlehemske, čorne a běle.

Knjez aktuar porjadny staćan, zastojnik, komuž so zecny před kóždym njepokojom a njeporjatkem, měješe so přimać brónjow přećiwo tajkej někajkej cwólbje, měješe do njeje třěleć, — a łapja-li jeho, što z nim zapóčnu ěi džiwi, rozhorjeni rebelanća? Na latańnju jeho powěšnu, brjuch rozprója! Što bě skućil, zo wón, tón najměrniši, najporjadniši staćan dyrbi přeliwać ěłowjesku krew? O, ěichi měro, pohodna lěnoška a ty kralo Herodeso, božemje, snadź was nihdy wjać njewuhlada, snadź při was nihdy hižo njewotpočnje, njeposedzi!

Wobjimaše mandźelsku, džowku, hižo blědy majo swojej lodowej woči poľnej sylzow, pótknywa so po skhodach dele a jeho palaš ščerěi.

Na hrodowskem dworje stoji zřadowana garda hrabje Źorša. Wšitcy zastojnicy su wobronjeni, na pokhod připrawjeni. Wokoło stoja mandźelske, džěći, znaći.

Nětko přikhadža aktuar Roubinek z třělbu na ramjenju, z palašom po boku — dže runy puć k rjadu, tola z někajkej njewojeřskej kroćelu, z wobličom tak maľo zahorjenym! Je wšón zraženy na mysli, zabywá wyškow postrowić, stupi so do cuzeje rjady, ale staja jeho tam, hdžež je jeho městno.

Hrabja přikhadža, nětko snadź da rozkaz. Ale zastawši pola inspektora rozmoľwa z nim; wobaj hladatej na drohu k Mýtu. Hrózbná khwila! Bě wupósľał wosebiteho pósľa, zo by derje zhoniľ, kak so wěcy maju. Njeńdže, njewróća so; snadź budže hrabja njesěćrpný a da mjez tym rozkaz k pokhodej. O hdy by Bóh daľ a posoľ přinjeľ dobru nowinu! Roubinek zdychuje, wobhladuje so po swójbje — tu — přepočeny,

wudychany posol — hižo něšto powěda hrabi a tón so jeho wuprašuje. Woči wšěch so zložichu na tu skupinu — Roubinek njedychaše — a nětko — hrabja so wobróća ke gardže a wozjewja, zo je dóstał wěstu, spuščliwu powěsć. W Prazy je rewolucija wudyřiła, su tam hrózbne šmjaty — Roubinek zhubješe wšu nadžiju. Poćahnu — poćahnu! Ale lud je pozběhnył brónje přećiwo kejžorskemu wójsku, a zo přećiwo tomu wón wojować njebudže, njech so potajkom gardisća rozeńdu po swojom zastojnistwje a powołanju.

To bě tak njewočakowane, zo knjez Roubinek telko radosće wopřimnyć njemóžeše. Telko njenadžitých přewrótow a překbadow, zo ani swojej radosći njemóžeše wuraz dać. Wutorže so najprěni z rjady a zabywši na swój powažny khód, khwataše k mandželskej a džowcy. Hižo na skhodach storže čapku a wotpinaše tesak.

Potom so zwjeze mučny do swojeje lěňoški, ale jenož mało rěčeše a njepokazowaše tak swoju radosć kaž mandželska a džowka.

XII.

W nocy 14. junija wuńdže wójsko tajnje z Prahi a wobsadži Hradčany. Druheho dnja wukaza wjerch Windischgrätz nad Prahu woblēhnjenje. Lud stupi do njeruneho wojowanja. Ze Stareho města třěleše na Mału stronu, a wójsko wotmołwješe z hrubym třělenjom z granatami.

W črjódže wojowacych studentow běštaj Vavřena a Frybort, ale wojowašej daloko wot sebje; Vavřena stoješe w črjódže studentow a pilnje třěleše.

„Sem, přeceljo, sem!“ zawoła za nim mócný, hrimaty hlós. Hdyž so wobhladny, wuhlada dołheho mnicha, w hrubej, brunej mnišej kapje. Wobličo mło-

deho mnicha, hewak njerjane, bě blěde, jenož wóčko płaješe ze žiwej zahorjenosću. W ľěwicy dźeržeše kurjacu so hišće třělbu, z prawicu pokazowaše na wohrožene, strašne městno.

„Špina!“ zwoła Vavřena a přiskoči k bywšemu towaršej.

„Vojta! Witam će! Ale sem, za nim, sem, sem!“

Čerješaj tam, hdžež bě bojowny mnich pokazał, kiž třělbu znova nabiješe. Vavřena stupi so pódla njeho. Wuřěle bubotachu, granaty hwizdacha a praskachu, wójnski křik so koľ wokoło rozlěhaše, tu a tam něchtón zastona a smjertnje zarochoći. Njebě khwile na dołhe řeče a wuprašowanja. Vavřena zasłyša jenož Špinowy hlós:

„Je tu Frybort tež?“

„Je.“

Tu rozbuchny njedáloko granata, jeho třěski rozlětowachu, a hdyž bě po zabłysknjenju a wubuchu, ležeše něšto młodźencow na dłožbje we swojej krwi.

Vavřena wućeKNyWši strachej, wohladny so po Špinje. Tón ležeše pódla. PřiKlaknyWši hnydom k njemu, připozběhny swojeho přecela. Bě na smjerc blědy, na wutrobnje barbješe so kapa z ćoplej křwju.

Z pomocu někajkeho studenta wotnjese ćežcy ranjeného na městno, kotrež bě škitane před njepřecel-skimi kulkami.

Hdyž bě młodemu mnichej so dóstała lěkařska pomoc a wón z mrokoty wotući, porěča z wulkim napinanjom k Vavřenje:

„Dži do wojowanja, dži! Přińdžeš-li do Litomyšle, postrow — weš — Potom woněmi. Vavřena hnydom njeposluchaše a wosta hišće khwilku a bě to derje.

Tak stoješe znajmjeńša w poslednjeJ hodžincy pola mřějaceje „wopušćeneje syroty“ znaty, přecel, kiž wutrobnje nad njezbožownym zaželi.

To bě 15. junija. Dzeń pozdžišo sčini so čestna kapitulacija; ale hdyž so potom z młynow na wójsko třěše, wobnowi Windischgrätz bombardowanie, při čomž staroměstské młyny a wodařnja so wupalichu.

Dnja 17. junija Praha so podda. Wójsko torhny do městna a nasta powšitkowne jimanje.

* * *

Prijedy hač bě so Praha poddała a dóšlo k tutym zrudnym kóncam, wróci so litomyšlska pomoc.

Knježna Elis wuprašowaše so wobhladniwje po svojich studentach, hač je jich tam štó widzał; ale nichtón ji njezamó žadneje powěšće podać. Filosofowje njeběchu z nimi byli — zawěšće běchu šli na barikady a tu su pak padli pak buchu zajeci a před sudnistwo stajeni.

Leňka bě kaž by we wobliču kapki krwě njeměla, stajnje zamyslena, zrudna. Nikoho njeměješe, komuž by mohla swoje horjo wuskoržić. Ke knježnje Elis njesmědzeše, přetož nětko, zo bě wuj skhorjeł, njesčini skoro kročele z domu. Wona dyrbješe předewšim Roubinka hladać a we wjedženju domjacnosće so ji njewolóži. Tola ani četa ani Lotty njemóžeštej rjec, zo by jenož ze słowom sej poskoržila, abo zo by před nimaj zdychnyła.

Što njebě čmowa komorka sylzow widžala, a njepraješe tež, zo bě po dołhich mócných hodžinach slyšala čichi, bolostny plač wopušćeneje wutroby, kotrež so strachowaše, zo je zhubiło wšitko, wšitko.

Knjez aktuar bě woprawdže a strašnje skhorjeł.

To měješe wšo ta konstitucija na swědomju, kaž jeho mandželska bě rjekla Rollercy. Knjeni měščanostowa bě so wróciła z dlěšeho wopyta pola přecelstwa, a jeje přěni puć bě k aktuarecom. Přinjese tam kopicu no-

winkow, kak je Praha roztrěłana, kak tych rebelantow łója.

Hdyž to Roubinkej prajachu, wujasni so jemu wobličo a rjekny: „Nó, budže zas porjadk.

W měsće so wjele rěčeše wo Frybortu a Vavřenje. Hačrunjež knježna Elis a po njej jeje dobri přeceljo wobkručachu, zo su jeje filosofowje na prózdny wotešli. tak so tola tu a tam powědaše, zo su do Prahi šli a tam wostali a Roubinkowa dodawaše:

„Derje je to Roubinek prajił, zo to z tym Vavřenu ein schlechtes Ende nehmen wird —“

Miny so něšto dnjow a žadnych powěsći njebě.

W nocy, šěsteho dnja po wrócenju městskeje pomocy z Prahi, wotući nahle knježna Elis.

Slyšeše na đurje klepać na te wašnje, kaž by druhdy klepał Frybort, hdy by so pozdže wot Prencec wrócał. Mysleše, zo bě to žiwy són, ale klepaše so znowa, spěšnje, z khwatkom.

Započa třepotać a z napinanjom stanywši, zhotowa so spěšnje a khwataše dele, kaž jenož móžeše.

„Štó tu je?“ prašeše so z dyrkotacym hłosom.

„Ja, knježna Elis, Frybort —“

„Swjata knježna! wotewrě — wón stłóci ji wutrobiće ruku a sam zamkny. „Pójmy spěšnje horje —“

Hdyž bě zaswěćila, bě skoro ze stróželemi wukřiknuła. Kak bě so přeměnił tón kćějacy młodženc! Bě suchi, drasta rozdrěta, mazana.

„Njestrachujće so, ničó mni njeje, jenož jěsć chce so mi žalostnje. Běžu z Prahi štwórty džen, dyrbjach so khować — jenož w skoku něšto k jědzi. — Što čini Mařka?“

A hdyž bě knježna přinjesła, prošeše, zo by zbudžila Mařku, zo dyrbi hišće tu nóc dale, budže-li móžno.

Elis bě kaž by widženje měła. Wjeseleše a boješe so do bom a činješe, štož Frybort chcyše.

„A što knjz Vavřena?“

„Je žiwy a strowy a je čeknył domoj do hór. Kus smój čekałoj hromadže. Tule tón lisćik wotedajće Leńcy — ale Špina, wbohi, je padnył — na barikadže —“

Knježna Elis so stróži a nochcyše ani wěrić. By jeho do njeskónčnosće wobžarowała a so wuwoprašowała, hdy by ji Frybort khwile wostajił. Po móžnosći číše zbudži Mařku a domjacu knjeni, kimajž wšo z krótka wozjewi. Wobě z khwatkom so zhotowawši, spěchaštej horje. Frybort wuhladawši swoju Mařku nic njehladaše na mać, ale wuskočiwszy, wobja žadosćiwje lube holičo. Knjeni domjaca chcyše zwoprědka trochu poswarjeć, čehodla je so do teje rebelije dał a sej tak snadź studije zkazył, tola student ju zamó pokojec. Skoro bě pozabył, štož ma hišće na myslach, ale hlós zwona z wěže, druhu nócnu hodžinu bijacy, jeho wutorhny. Wuswětliwszy wšo, kaž to čas dowoleše, a rozzohnowawši so z krótka, ale wutrobnje, woteńdže a nastaji so k njedalokim morawskim hranicam. Přilubi, zo pósće le lisćik, tak ruče hač dóńdže do domizny. Číše, njewobkedžbowany bě přišoł a runje tak so wotsali.

Na scěhowasy wječor njesłyšeše hižo Leńčina komorka čichi, bolostny plač. Swěčka so zaswěći a při jeje swětle khileše so holičo nad lisćičk papjery, kotryž jej wozjewješe, zo je Vavřena žiwy, zo je zbožownje čeknył a zo bórzy wozjewi wjacy z listom.

* * *

Pražske pozběhnjenje bě potłóćene, nastachu wusłyšowanja a khostanja.

Špina bě sej hižo wšo wotbył. Dołho so njebě čwilował we mnišej kapje, kotraž jeho nikak njewjeseleše, ale na wěčnosť bě z njej dyrbjal.

Prjedy hač běchu so minyłe prózdniny, potrjechi

wulka zrudoba Roubinkowu a jeje džowku. Knjez aktuar woteńdze na wěčnosť. Woteńdze, zawostajiwši, kaž so słuša a je zdobne, posleđnju wolu w dobrem porjadku. Bě postajił, što mandželskej, što džowcy, što z „oberštom“, „Abrahamom“, „Klapalkom“ atd. a wosebity staw bě wěnowany „žadnemu“ wobrazej krala Herodesa, na kotryž samo na ložu ležo by často a dołho hladał. Bě jón wotkazał knježemu sekretarjej lubemu přećelej, z kotrymž bě často tak přijomnje bjesadował. Na Leńku njebě zabył zeyła. Bě ji wotkazał něšto mało pjenjez, zo bě jeho tak starostliwje a swěrnje hladała.

Pohrjeb bě wulkotny. Bóh njebě popřał knjezej aktuarěj teje radosće, zo by so dočakał dobrego porjadka Bachoweje doby zbóžneho wopomnjeća. Za to bě jeho powołał k sebi, zo by so radował ze Žižku a kejžorom Józefom, po kotrymajž je ta cyrkew na dopomnjeńku. — —

Po prózdninach bě pola knježny Elis mjenje žiwjenja hač hewak. Njeměješe džěn žadneho filosofa a bě přijala do bydlenja jenož třoch małych studenčikow. Tola ji so njestyskaše, přetož bě spokojniša. Jeje dawne přeće bě so dopjelnilo.

Leńcy bě namjetowała, zo by k njej přicahnyła a z njej žiwa byla. Knjeni aktuarowa zwudowiwiši, dołho so po zdaću spječowaše, ale skónčnje so podda; wšak džěn bě Leńka tež trochu z knježnineho přećelstwa.

Leńka bě žiwa nowe žiwjenje z dobroćiweje, starej knježnu, kotraž bu za nju z woprawdžitej maćerju.

Po prózdninach přijě Frybort z nanom a poprosy wo ruku Mařki. Knjeni domjacej drje bě so džało wo doktoru, ale Frybort bě radšo wolił wulke, rjane kubło we złotej Hanej, a Mařka tež njewotpokaza studowaného bura.

Filosofa, oficěra sće měła, změjeće tež bura lubo?
Wobja jeho.

* * *

Nětko khodžachu listy z Morawy runy puć na Mařčinu adresu; knježna Elis dóstawaše dopisy jenož z Prahi, kotrež wšak běchu po prawom Leńcy. Pisaše je Wójćech Vavřena, medicinae studiosus. Bě zbožownje wučeknył wšěm přepytowanjam a móžeše změrom dale studować.

Zelenka njepisaše.

„To sym wědzala, zo tež zabudže, hdyž wotsal pónǵe.“

Na druhe lěto póstnicy přijědže sej Frybort z wulkej hanakskej družinu pro Mařku, zo by sej ju jako swoju lubu žonku wotwjezl. Z Prahi přikhwata hósć, Vavřena, kiž Mařku k wołtarjej dowjedže a komuž družčeše Leńka. A hdyž běchu wšitcy rozwjeseleni při kwasnej hosćinje, najbóle sam nawoženja, a připitki so wotměnjowachu, postany Vavřena a pozběhny škleńcu na čestne wopomnjeće bywšeho přecěla a towarša, kiž bě zahynyl we wosudhem boju na barikadach. Njewěsta złoži woći, knježnje Elis so ronjachu sylzy.

XIII.

Lěto 1849 bě so minyło. Litomyšlska filosofija bě so zběhnyła, legija so rozešla, jeje korhoj so zničila. Pater rektor bě ju storhnył ze žerdže, kotruž bě w piaristskej zahrodže zarazył k někajkemu černicowemu keřkej.

Rollerka bě z města wučahnyła k svojim přibuznym.

Po pjeći lětach bě zaso wjeselo we starožitnem domje, w kotremž bydleše knježna Elis. Jeje són, Leńčine žedženje bě so dopjelniło. Dr. med. Vavřena so ženješe, wjedžo k wołtarjej fararjowu bratrowku. Jeju lubosć běše tak čerstwa a młódna, kaž tehdom, hdyž běštaj so hišće skhadžowaloj njedželu popołdnju

w hrodowskem parku. Měještaj hosćow hač ze sameje Morawy. Frybort zbožowny, spokojeny, bě přijel z Mařku a wusměwajo so, rjekny: „Ty sy mi był za swata, přecelo, tola tebi tu službu wotrunać njemóžu, kaž tuta figura tu pokazuje.“ A pokaza na swojeho tři-lětnjeho, ličkateho hólčka.

Knjeni aktuarowa njebě přišla na kwas, hačrunjež bě byla přeprošena.

Jeje rjana, bohata džowčička hišće njebě nawoženju namakała. Čakaše džěn na wulkeho knjeza, znajmjenska doktora. Tola dotai njebě přišoł.

Knježna Elis čehnješe „k swojimaj džěsćomaj“, a ženje so nje-kaješe Nětko powědaše časćišo hač hdy přjedy, kak bě jedynapjećdzěsat filosofow pola njeje bydlilo. Z pjećdzěsat stachu so samostatni knježa, jedynapjećdzěsaty bě zahinył na barikadze.

Hdyž bě pola Vavřenjec žiwa, dósta list, za kotryž dyrbyše cyły dwacetnik wuplaćić. Štó to, što drje to piše? Bě to Zelenka, kiž pisaše, zo je w Medlitskem klóštrje a zo so jemu přewubjernje wjedze. „Njetrjebam wjacj suchi khlěb a sadowu muku jěsć,“ pisaše mjez druhim.

„To chcu wěrić“, přispomni Vavřena, „nětko drje ma tołste, čerwjene wobličo a khětry brjušk a nje-wozmjje druheje knižki do ruki khiba brewěr —“

„A je skupy, zo njeje ani list wuplaćil.“

Na Patoržicu, kotruž młody doktor z lubej žónku k přenjemu razej zhromadnje swjećeše, dósta woť Fryborta wutrobny list, w kotremž namaka tež wulke popisane listno. Na čole stoješe: „Towařowje!“

„To je přeni wotpisk proklamacije, kotruž smój pred swjedženjom „majales“ hromadze džěłatoj. Sym jón našoł na dnje swojeho studentskeho kofra. Budže ći zawěsće lubo, dopomnić so na tamne časy“, pisaše wo njom Frybort.

„Haj, woprawdže! Tehdom smój so namakałoj při starem štomje; wěš, Leńka? Mamoj nětko tež hněžko a w njom je lubosć a zbožownosć.“ — —

* * *

Kónči so filosofska historija, napisana na lube dopomnjenje slarym a k wjeselu mysli młodych, a spisa-
ćel tuteje króniki wutrobnje sej přeje a žedži, zo by
toho wjesela było wjele.



DOSŁOWO.

Z tutěj knižku nastupuje puć k serbskemu čitařstwu přěni zwjazk knihownje „Dom a swět“. W njej maju so hromadzić wuznamne džěła nowišeho serbskeho pismowstwa a předewšim wutwory runočasných spisowaćelow. Jako hłowny zaměr je sej zběrka wutyknyła pěstowanje, poprawom wutworjenje serbskeho romana, kotrehož dotal nimamy, a nowełe pěstowaneje w jara snadnych rozměrach a nimale jednotronsey. Tohodla dyrbi so zwoprědka hladać za přikłady w cuzych literaturach při wosebitem džiwanju na słowjanske pismowstwa.

Serbskemu ludej — njech sydli w Hornjej abo Delnjej Łužicy — chcemy dać do rukow dosahace čitanje w maćérnej rěči, zo njeby był nuzowany we wšom přimać za cuzym.

Cuzba njech so přeswědči z wudžělkami serbskich spisowaćelow, zo narod, njech tež je mały a potłóčowany, tola njetrjeba być posledni w kulturnem prócowanju.

Při nětčišich poměrach budže móžno wudawać lětnje dwaj zwjazkaj. Jako druhe čisło wuńdže „*Swobody njewjesta*“, drama Józ. Nowaka. Nimo toho je přihotowana cyła rjada dalších wutworow domjacych spisowaćelow a přeložkow ze słowjanskich a swětowych literaturow, kotrejež postup dotal njeje kruće postajeny.

Wobroćamy so ke wšěm přecelam serbskeho pismowstwa z wutrobnej próstwu wo skutkownu podpjeru. Z našim najrjeńšim mytom budže, zaščěpi-li serbske čitanje do wutrobow našeho ludu lubosć k ródnej rěči a zemi.

Koto serbskich spisowaćelow.

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PG

5038

J5F4819

1921

Jirásek, Alois

Filosofska historija

